

A Anna

As de grasia a numes significu
A mie incantat sa tua ermosura
dechida e zeniosa ses pintura
Chi de coro mi prenas donzi bicu
Su grabu delicadu bellu e ricu
Est gentilesa misciada a bellura
Coro e mente incantadu m'ana
Ninfa gentile amorosa arcana

Peppe Montesu
Capidanne 2016

A Anna

As de grasia a numes significu
A mie incantat sa tua ermosura
dechida e zeniosa ses pintura
Chi de coro mi prenas donzi bicu
Su grabu delicadu bellu e ricu
Est gentilesa misciada a bellura
Coro e mente incantadu m'ana
Ninfa gentile amorosa arcana

Peppe Montesu
Capidanne 2016

Su tratu tou

S'acisu tou non ponzo in olvidu
Su coro mi as puntu e trapassadu
Mortale est su corfu chi m'as dadu
Miradum'as e m'arrico feridu
A oju apertu mi lu sogno ischidu
Su tratu tou bellu delicadu
ti istimo ti amo e ti adoro
A bios e a palpitos de coro

Peppe Montesu
Nadale 2016

Canno colas

A cuvadu ti miro canno colas
E sa mirada ti sichit totue
Annat in fatu a umb'annas tue
In mente mia onz'istante volas
Sas oras mias non sono plus solas
Semper chin tecus no ann'aterue
Sos pilos tuos sa fronte e sos ojos
Semper a cuddos mios dan'abbojos

Peppe Montesu
Jannarju 2017

A donzi costu

A donzi costu assa esser mia
dispostu so a lassare sa vida
intro su coro ti apo imprimida
ap'a tie in sa mente solu ebbia
ses tue sa cumpanza chi cheria
intro sa carre ses tue inferzida
ses tue chi a totu das divagu
chi faghes meda su nudda e su pagu

Peppe Montesu
Frearju 2017

A filos d'oro

A filos d'oro ti tesso sas tramas
intro su coro chi d' amore as tintu
Apo su visu tou in ojos pintu
mutit a tie a bios e giamas
Bella si ses sincera e si amas
A tie amo pius pius cumbintu
Si alas tue pones pro m'amare
Jeo las ponzo pro ti abrazare

Peppe Montesu
Sant'Andria 2013

A frizas de amore

A frizas de amore as mortu a mie
In deliru m'as postu e manna pena
Tue d'amore canticu e sirena
Ses intrada in su coro rie rie
A tie penso unicamente a tie
A tie solu torturella amena
Tue mi ses in coro e in sa mente
In d'onzi istante tue solamaente

Peppe Montesu
Santu Gavine 2016

A l'intennes

A l'intennes su coro palpitare
Canno ti idet dechidu tesoro
Ses tue sa ch'istimo e chi adoro
Chi mi faghet continu regirare
Ca t'amat e l'ignoras de l'amare
Lu mantenes in dolu e secacoro
Si tue cantu t'amat des ischire
No l'eres goi mantessu a sufrire

Peppe Montesu
Sant'Andria 2016

A los intennes

A los intennes de coro sos bios
Cun sos palpitos ti sunu mutinne
Sono narenne a tie benitinne
Beni columba in sos brazos mios
Beni a cancellare sos oblios
Umbe sa mente mea ses perdinne
Si arreas luntana arreo in pena
Torra deret' amada sirena

Peppe Montesu
Jannarju 2017

A los intennes?

A los intennes sos lamentos mios
Chi mi essin dolentes dae coro
Para s'oricra a su dolore issoro
Ch'est essinne da ojos a gutios
N'apo pienu s'aera e sos rios
Mutinne sa chi amo e chi adoro
Ma tue arreas surda a custa giamas
Nara columba prite no mi amas

Peppe Montesu
Santu Gavine 2016

A mente ti mi paras

A mente ti mi paras note e die
Continu onz'istante t'apo in coro
Inserrada ti tenzo che tesoro
Ti amo e no lo lu naro mai a chie
Ma s'istare amenneti gosie
Pena mi dat continu m'addoloro
Faeddare ti cherjo amad anzone
Pro ti narrer sa mia aflissione

Peppe Montesu
Sant'Andria 2016

A mie In rezas

A mie rezas m'as postu su coro
E serradu mi l'as chin sas cadenas
Sufrinne dolos de amore e penas
Arreo note e die e m'addoloro
Ti bramo jeo sol'a tie adoro
Che sambene ses tue intro e venas
No mi mantenzas chin custu dolore
Beni columba e daemi amore

Peppe Montesu
Santu Gavine 2016

Ap'a morrere

Ap'a morrer chircanneti totue
viver de goi mi est dura pena
non bi at abba funtana ne vena
chi cazet custu sidu chi das tue
naram'inumbe ses ca benz' a cue
muti dereta amada sirena
no mi lassas de goi in patimentu
in afannu tistura e patimentu

Peppe Montesu
Sant'Andria 2016

Istringher ti dia

In petus deo istringher cheria
Su tou chin su meu fortemente
E su respiru intenner caente
De sos coros chi palpitan ebbia
Sas laras tanno apozare dia
Supra sa tuas chin amore ardente
Istare in deliru intro s'incantu
Chin tecus bella ca ti amo tantu

Peppe Montesu
Jannarju 2017

A s'Ozastina

Dulche fiore de s'altu giardinu
Chi in s'Ozastina che tenes dimora
Pares raju de sole a sa primora
Chi ispannat su gelu matutinu
Ses che istella e su chelu divinu
In boreale lughente aurora
Fiza e sa terra de bellura mama
su coro prenas d'afetu e de brama

Peppe Montesu
Capidanne 2016

A ti biere

A ti biere pares fogu ardente
Sa bena pares de mare deliru
De su petus mi firmas su respiru
Tantu regiru mi pones in mente
In ojos bi ses tue solamente
A tie solu tenen in ammiru
In coro meu su nidu as formadu
Ma tue cussu tou no m'as dadu

Peppe Montesu
Nadale 2016

A su sorrisu

A su sorrisu tou m'incadenas
E mi ligas a bios e miradas
Oras e dies e longas notadas
Colo ligadu in amorosas penas
A murmutu su samben in sas venas
De cor'allughet caentes framadas
Totu de me a tie est mutinne
Canno podes de me ammentatinne

Peppe Montesu
Nadale 2016

A tie solu

A tie solu provas dia dare
De un veru amante addoloridu
Pro tene chi su coro m'as colpidu
Sen'in s'iferru dia penetrare
Bella pro podere a tie lograre
Zirare a pede dia s'infinidu
Donzi cosa pro tene fagher dia
Si tue lu cumannas bella mia

Peppe Montesu
Santu Gavine 2016

A ti lassasre no est cosa

A ti lassare Nina no est cosa
Non che colo un'istante sena a tie
Ses s'oriolu meu note e die
Si mancas tue mi parjo in sa losa
Ne rugo in pena dolent'anneosa
Si ses luntana e s'uju non ti biet
Candida rosa a t'istare vicinu
Mi allughes de lughe su caminu

Peppe Montesu
Sant'Andria 2016

Impinnadu a tie

A tie custu coro est impinnadu
de annare at finidu fue fue
Ateras non b'inninrat a in cue
A issas onzi janna l'at serradu
Sas craes solu a tie t'apo dadu
Tanca e aperi canno cheres tue
Ma no mi lessas in afannu e pena
Ca t'amo tantu amada sirena

Peppe Montesu
Jannarju 2016

A tie ebbia

Jeo d'amare solu a tie ebbia
Di fronte a Deus ti apo giuradu
Ses tue bella chi m'as acisadu
Sol'a tie ti tenzo in simpatia
Tue ses sa cumpanza chi cheria
Tue su coro meu che as furadu
Cun su tou sorrisu e sa bellura
M'as postu in amorosa calentura

Peppe Montesu
Marthu 2017

A tie in mente

Solamente a tie aia in mente
Tue b'is solamente in sa idea
In totue naria chi fis mea
Ti ap'amadu chin amore ardente
In totu fis sa mia cunfidente
Sa vida ti daia totu intrea
Ma totu custu non ti est bastadu
Nudda de totu custu m'as torrada

Peppe Montesu
Frearju 2017

Si mi permittis

Bella si mi permittis s'atrivida
ti faco inoche dimanna d'amore
tue mi ch'as furadu coro e bida
e che ispina m'as postu puntore
note die pro custu apo dolore
e chirco a tie anghela dechida
si tue custu male no mi sanas
lasso de vida afetos e tramas

Peppe Montesu
Jannarju 2017

A Tie

A tie sola a tie solamente
Ap'in sa mente che dulce deliru
Cherj'intenner vicinu su respiru
De bios tuos s'alenu caente
Cudda tua mirada risplendente
Cun sas laras chi ponen in regiru
A tie giamo solu a tie imploro
Astru lughente cun sos pilos d'oro

Peppe Montesu 2016

A tie

A tie solamente in sa idea
A tie solamente intro e coro
A tie est solamente chi adoro
A tie solu est s'istima mea
A tie solamente unica dea
A tie amo nobile tesoro
A tie est su pensieri solu a tie
A tie amore candida che nie

Peppe Montesu 2016

A tie solu su coro

A tie solu solamente a tie
Cheret su coro meu palpitenne
A donz'ora lu istat ripetenne
Continu lu ripitit note e die
Canno t'intennet istat rie rie
Si ses lontanu istat pianghenne
Si m'as amore nobile tesoro
Non ponzas in piantu custu coro

Peppe Montesu 2016

A tottu dispostu

S'amore meu est galu de gai
ti amo ancora non ses in olvidu
ti chirco semper in sonnu e ischidu
Peri chi tue non mi chirches mai
t'amat su coro tra ohis e ahi
Su numes tou lu at'imprimidu
nudda e neunu ti leat su postu
so pro t'amare a tottu dispostu

Peppe Montesu
Jannarju 2017

A Trainu su sambene

A trainu su sambene in sa venas
Mi curret canno t'ido coro amadu
Ispinas in su coro mi as puntadu
E ligadu mi l'as chin sas cadenas
Amorosas m'afliggin milli penas
E mi dolen sos sinzos ch'as lassadu
Da canno bella a tie apo connotu
Pro eternu a t'amare ap'atu votu

Peppe Montesu
Sant'Andria 2016

A transitos de morte

A transitos de morte m'as batidu
So in afannu e sufrinne pro te
A sos sentidos meos pones pe
No ascurtas su coro addoloridu
A sos estremos dolos reduidu
Paret prus nudda t'importet de me
Eppuru je o a tie amo costante
sa mente non ti lassat un'istante

Peppe Montesu
Santu Gavine 2016

Abbaglias

Abbaglias donzi umana creatura
Prus de isteddu prus de lughe giara
Veni vicinu chi m'amas mi nara
Faghemi bier sa tua bellura
Tue ses astru de rara compostura
Ammirabile dulce e tantu cara
Jeo acurzu a tie cherjo istare
A tie pedo e ti poder'amare

Peppe Montesu
Marthu 2017

Abbellu abbellu

Cantu mi dolet su t'esser luntanu
Non ti poder in brazos carignare
Abellu abellu podere ascurtare
De cussu coro su palpit'arcanu
Sas laras tuas pianu pianu
Podere chin sas mias afranzare
Cantu dolore mi atit a mie
Non podere esser vicinu cun tie

Peppe Montesu
Frearju 2017

Ist'inoche

A curzu beni, ist'inoche. arrea
Non ti che ves no mi lessas solu
Firma in petus meu donzi bolu
Non fugas no mi lessas sa tropea
Ses tue sola donzi ispera mea
Su solu alenu respiru e consolu
Si ti che fughis sa morte m'imbia
Pro ponner fine a sa vida mia

Nadale 2016
Peppe Montesu

Addite

Addite rundinella ses bennida
Sutta custa ventana a ziulare
Forzis a mie cheres ammentare
Cudda rosa galana ch'est partida
A sa chi apo dadu coro e bida
E m'at lassadu inoghe a penare
Narali si bo lenne n'as intopu
Chi so in pena ca la amo troppu

Peppe Montesu
Nadale 2016

Adiu

Lasso in su partire sos d'amore
Sognos ch'azes a mie ninniadu
De te gentile su sognu culladu
Chi m'est fringhenne e mi dat dolore
Serro in su coro s'azzurru colore
De sos ojos chi man'innamoradu
Infatu in coro meu totu leo
Cann'enin mancu mort'ap'esser jeo

Peppe Montesu
Capidanne 2016

Adornada a festa

Adornada a sa festa t'apo vidu
prenanne de bellura su criadu
de su giardinu frore delicadu
sole parias dae mare essidu
su visu bellu ridente e dechidu
a s'istante a mie at incantadu
ses tue sa chi cambiat sa die
canno de goi aparis a mie

Peppe Montesu
Agustu 2016

Aes bolenne annade

Aes bolenne annade a inie
Custos afannos mios li contade
Chi so in pena a issa li nade
Chi un'ora non passo note e die
Si deretta non torrat issa a mie
Nessi sos bios de coro picade
Batidemilos derettu a inoche
Pro li torrare a su meu sa voche

Peepe Montesu
Nadale 2016

Aes

Aes ca bolu truncade s'aera
ca supra chelu podides bolare
a issa nade fachide manera
chi so in pena pro su tant'amare
s'istima ch'ap' in coro prus sinzera
a issa solu bi la devo dare
nadeli a issa chi bolare dia
pro li dare s'istima e coro mia

Peppe Montesu
Sant'Andria 2016

Delicados afannos

Delicados afannos de amore
Son'in su coro tochedda tochedda
su visu bellu de una pisedda
l'at incantadu e ne sentit dolore
su respiru mi garriga d'ardore
s'idea volat che annat innedda
na at torrada in sa conca mia
chircanne istat solamente ebbia

Peppe Montesu
Capidanne 2016

Cantu mi doles

Ahi cantu mi doles e ti bramo
Cantu disizu ischidas a mie
Carre bianca in colore e nie
Ses solu tue s'idolu chi amo
Solu pro te sos versos ricamo
Pro tene solu solamente a tie
Unu poema t'apo a dedicare
Si tue bella a mie m'as amare

Peppe Montesu

Alenos

Alenos d'unu coro ch'est in pena
Benis dolentes a tie a chircare
Los est mutinne in s'issoro annare
Un deliziosu cantu de sirena
Ma no los firmat cussa cantilena
A tie bella cheren'incontrare
Ca su coro chi los'at imbiados
D'amore a tie los at pienados

Peppe Montesu

Alenos volade

Alenos mios volade in s'aera
Contade s'infelice istadu meu
Continu in dolu privu e recreu
Ca no apo da issa cunsidera
Tra afannos lotenne e in ispera
Nade chi uchidenne m'est s'afeu
Si de issa non bio prus sa cara
Prestu m'azes a biere in sa bara

Peppe Monresu
Sant'Andria 2016

Si colorat

D'intreghinu s'imporporit s'aera
De rosa si colorat d'onzi nue
Jeo chirchenne inumbe ses tue
Mi tingo de colore donzi ispera
S'amas a mie bella e ses sinzera
Amorosa su coro tou allue
Ca su meu allutu gia lu as
Si mi nas ei e amore mi das

Peppe Montesu
Nadale 2016

Amadu lizu

Amadu lizu caru predilettu
De su giardinu fiore istimadu
Ses tue su fiore ch'apo amadu
A tie solu in cor'ap' afettu
Isto pro te in dolu e isettu
Ca mi l'as tue su coro furadu
In dolu isto pro te amadu lizu
Ca mi as postu in coro fastizu

Peppe Montesu
Agustu 2016

Amami

Amami cantu t'amo coro meu
Cant'istima ti apo a mie dae
Tue de coro la juches sa crae
Si l'aperis lu pones in recreu
Cantu gaju mi das lui ischit deus
Ma no istes de goi a s'anna e bae
Non minne des una frita e caente
Chi amo solu a tie tene in mente

Peppe Montesu

Mustra afetu

Amami e dae coro mustr'afetu
Cantu ne mustro jeo a s'uguale
Amore t'ap'a dare puntuale
Cun ver'istima e perunu difetu
Mai t'ap'a mantennere in isetu
Ischiau arreo a su tou sinzale
Si tue ses sa mia jeo so
Mai de nudda t'ap'a narrer no

Peppe Montesu
Nadale 2016

Amami

Amami tue comente ti amo
dami s'amore chi do jeo a tie
si tue a cussu modu amas a mie
onzi die de plus a tie bramo
in s'aera e in pettus ti ricamo
s'amore chi ti tenzo i rie rie
mai unu momentu at'a cessare
s'amore meu dechida e ti dare

Peppe Montesu
Frearju 2017

Amare no mi podes

Amare no mi podes prenda amada
No mi das su chi as intro su coro
Jeo in disisperu m'addoloro
Colo sa vida ranchida afannada
S'aurora pro me est iscurada
Nudda mi faghen sos rajo de oro
Custu dolente barbaru destinu
No mi dat si chi as intro e sinu

Peppe Montesu
Capidanne 2016

Ambas duas

Ambas duas mi ponen in deliru
Non bi resesso a ne lassare una
Paren de chelu su sole e sa luna
Totas duas mi lean su respiru
Ambas la leo non ne naro in ziru
Ca son bellessa de rara fortuna
Ambas su coro meu ana colpidu
A issas solu l'apo divididu

Peppe Montesu

Cantu mi ses cara

Amica mea cantu mi ses cara
cant'amore mi das e cantu gaju
pares che rosa in su mese maju
ca de profumu ses essenza rara
a ti nuscare totu faghen gara
ca ses de s'uju bellesa e ispaju
tue de su giardinu ses reina
rosa e maju bella e purpurina

Peppe Montesu

Ammantada de lughe

Ammantada de lugh' enis a mie
Rajos mannas divinos de bellura
Tanno de coro s'angustia iscura
Volat luntana e torrat sa die
T'avvicinas e benis rie rie
A totu cantu ponenne friscura
Pares anghelu de su paridisu
mannadu in terra a batire su risu

Peppe Montesu
Frearju 2017

Amo de te

Amo de te finzas su respiru
Chi lassas umbe abitas e colas
sas giamas tuas chi m'arriban solas
a s'oricra che lepiu zefiru
totu pro me est suave deliru
tue mi ispertas e tue m'azolas
sas craes de su coro t'as leadu
tue bi ses in'intro cor'amadu

Peppe Montesu
Satu gavine 2016

Amore eternu

Finas chi juc'alen' a tie giamo
In totue a tie ap'a chircare
Mai de te m'apo a olvidare
Tue ses solu sa chin coro amo
Tue m'as icantadu a tie bramo
Fin'in s'eternu a tie ap'amare
Donzi respiru donzi biu miu
Ana esser pro te sen'in s'obliu

Peppe Montesu
Capidanne 2016

Amore mortale

In turmentos su coro mi as postu
in trachia sa mente e in deliru
Ambos non passan restan in airu
Ma tue a issos non das currispostu
Bella si m'amas tue so dispostu
In su munu errante annare a ziru
Daemi de amore unu sinzale
Ca cust'istare goi m'est mortale

Peppe Montesu
Agustu 2016

Amore prepotente

S'amore ch'apo a tie est prepotente
Dae su coro che cheret essere
Bennere a cue umile a pedire
De ti poder amare eternamente
Ses pro isse su sole e oriente
Ca t'amat tropu lu debes ischire
No lu mantenzas in afannu e dolu
amore a tie cheret dare solu

Peppe Montesu
Agustu 2016

Amore segretu

Isto continu in ispera e isettu
Chi t'abizes de cant'a tie adoro
Inferzida ti ap'intro su coro
Ma so morinne chin custu segretu
Bisonza chi declare cust'afetu
Ca vivenne de goi m'addoloro
Cantu prestu amabile puzone
T'ap'a mustrare custu passione

Peppe Montesu
Agustu 2016

Amorosa tropea

Mama chi l'as pintadu cussu visu
E de bellura l'as pustis pienu
Caentos dulches de su coro alenu
Essini in l'aras chin d'unu surrisu
Anghelu paret de su paridisu
Chi as mannadu in su munnu terrenu
Morjo si no mi amat cussa dea
Ca m'at postu d'amore una tropea

Peppe Montesu
Capidanne 2016

Anelu ses

Anelu ses de su meu reggiru
Ses lugh'e umbra de s'afannu meu
Ses visione chi non dat anneu
Chi caentat de coro su respiru
Ses de sos sognos su suave ammiru
Sa chi mi dat dolore e dat recreu
Ses sa funtana frisca e donzi sidu
Sa chi l'istutat apena naschidu

Peppe Montesu

M'as leadu totu

Anime coro tottu m'as leadu
Totu dae su petus m'est fuidu
Mi an lassadu morente isfinidu
Solu pro t'are s'istante miradu
S'acisu tou bellu e delicadu
Mi at d'amore immensu colpidu
Como a tie penso e a tie amo
Chin su coro e sa mente a tie bramo

Peppe Montesu
Jannarju 2017

Aorra su disisperu

Aorra cuss'amaru disisperu
Nina amada no istes in turmentu
Prena su coro tou de cuntentu
Jeo ti so vicinu e t'amo abberu
Chin amore ti amo prus sinceru
Chi no lu moghet tempesta ne bentu
T'amo chene perunu disinganu
Pius de prima chin amore mannu

Peppe Montesu
Nadale 2016

Apo dispostu

Apo dispostu pro amare a tie
De colare arriscos cantu b'ata
Si sa sorte a tie no mi data
No m'at'arvescher prus bell'una die
Su samben infrittare det che nie
Sa morte dami sa pius adata
Dami sa morte senna sa prus dura
E ponemiche in sa sepoltura

Peppe Montesu
Nadale2016

Apo Sognadu

Apo sognadu chi fimus impare
Chi nos fimus basanne e carignenne
Donzi cosa e te fipo tochenne
Totu cantu e te cherias dare
Ma prestu mi so depidu ischidare
Da cuss'abizu chi fia sognenne
Solu chin su disizu e sudoradu
A buca amara mi so arricadu

Peppe Montesu

Apollo sona

Ti faghen sos isteddos de corona
Su firmamentu ridet supra tie
Rosa gentile candida che nie
Non b'at atera che a tie bona
Armoniosa tue s'arpa sona
Apollo da s'Olimpu ascurta a mie
A Flora manna cun froes d'incantu
A issa in terra a li dare unu vantù

Peppe Montesu
Agustu 2016

Canno tanco s'uju

Appena tanco s'uju arrivas tue
E mi sanas de coro sos fastizos
Dolores chin afannos marterizos
Manch'in ammentu torrana a in cue
S'alenu tou s'isparghet totue
S'anima prenas de milli disizos
Donzi dolore che partit a bolu
Mi ses balsamu tue, tue solu

Peppe Montesu
Nadale 2016

Apussianne

Apussiat su coro innamoradu
De dulcura si tinghet e colorat
De abbagliante lughe si indorat
Pius de diamante incastonadu
Si dae custu coro ses amadu
Ti carignat ti ninnat e t'adorat
Est de sa vida umana sa maghia
Sa vena prima de sa poesia

Peppe Montesu
Sant'Andria 2016

Pessas fogu

Ardente in coro meu pessas fogu
chene fiamma ses brujenne a mie
no m'ifritat ne astragu ne nie
brujo d'amore e no apo isfogu
pensenne a tie non bi pass'in logu
colo de gai sa note sa die
beni dereta istutas sas framas
si m'as istima e a beru mi amas

Peppe Montesu
Nadale 2016

Armonia

Armonia chi truncat su mudore
ses tue giama chi m'istat mutinne
beni pares mi nes penetratinne
in custu coro pienu d'amore
abbranda canno podes su dolore
chi dae tantu tempus so sufrinne
beni ispannami a isse de dulcura
faghe cessare sa sua tristura

Peppe Montesu

Arreas pruite

Pruite arreas ostinada e dura
Tantu mi pones tue in oriolu
Prite mi lassas a penare solu
In piantu dolores e tristura
Beni in brazos mios ista sicura
Chi prontu so a di dare consolu
Ambos duos istamus in afannu
Faghenne unu a s'ateru onzi dannu

Peppe Montesu
Frearju 2017

S'acisu tou

As s'acisu chi mannat in deliru
Sos ojos tuos benas sun de lughes
Rajos ispannas e su coro allughes
Sa mente mia mannanne in reggiru
Truncas de petus anelu e respiru
Bios d'amore ichidas e sughes
Canno bio sa laras vellutadas
Volan sas bramas totu disizadas

Peppe Montesu
Capidanne 2016

As

As simpatia a sa bellesa unidu
Ses de incantu rigogliosa vena
De talentu amorusu ses piena
Simizante non n'apo connoschidu
Canno t'apo miradu e t'apo vidu
In coro mi as postu una cadena
Possedis briu tratu e galania
Ch'an'incantadu sa persona mia

Peppe Montesu
Sant'Andria 2016

Assaza

Assaza donzi die su lentore
De sa vida ch'arveschet su manzanu
Godi t a issa non sias marranu
Poneli alas pinnidas d'ardore
Intenne de amore su calore
Che canno siat continu vheranu
Sighi e su coro sas giamadas suas
In d'onzi istante da issu non fuas

Peppe Montesu

Astringhemi

Forte m'astringhe in sos brazos tuos
cherjo s'alenu tou respirare
su coro tou faghem' ascoltare
intenner cherjo sos palpitos suos
unu coro faghimus dae duos
umbe sos sognos podere annidare
alughemi in fiammas de ardore
semper unidos in eternu amore

Peppe Montesu
Jannarju 2017

Atera non ne amo

A ti lassare non recesso ingrata
Atera non ne amo no est cosa
Finamente inintro de sa losa
Su coro de t'amare a mie mi nata
T'amo e pro t'amare su chi b'ata
Lasso pro te dechida amorosa
In eternu mi narat de t'amare
Su coro chi m'as postu a palpitare

Peppe Montesu
Jannarju 2017

Non tenz'atera

Non tenzo a un'atèra istimascione
Non ti prenes de dubbios sa testa
solu a tie su coro achet festa
In mente b'est sa tua intenzione
Non ti lees neuna aprensione
Sos dubbios chi as totus arresta
Sa morte mi che leet repentina
Si manco a su chi naro cara Nina

Peppe Montesu
Sant'Andria 2016

Attraente dechida

Attraente dechida graziosa
bellesa che a tie non binn'ada
graziosa dechida delicada
non binn'at che a tie frisca rosa
sola a ti lassare no est cosa
atraente dechida disizada
ses sa vena bunnante de recreu
regiru dulce e deliru meu

Peppe Montesu
Jannarju 2017

Azeta Cara

Azeta cara sa mia littera
Ca de piantu su fozu est bagnadu
Est s'iscritu de unu innamoradu
Prena est d'amore e istima vera
Canno cheres si podes cunsidera
Ca tue anim'e coro m'as furadu
Si in su coro tuo bi at postu
Su meu a ti amare est gia dispostu

Peppe Montesu
Sant'Andria 2016

Azeta

Azeta custos mios de amore
afetos de su coro prus sinceros
naschin pro te umiles e veros
in petu sunu e mi dan dolore
ma si tue los prenas de ardore
lean su bolu in s'aera lizeros
bella chin issos non sias tiranna
aperi a issos de coro sa janna

Peppe Montesu
Sant'Andria 2016

Riccu Tesoro

Riccu tesoro non sias tirana
Azeta sos afettos de su coro
A tie amo t'istimo e t'adoro
Dechida ses e de trattu galana
Perfezione de natura umana
Preziosa mi ses pius des' oro
Si mi amas a tie ap'adorare
Pius de dea t'apo a venerare

Peppe Montesu
Jannarju 2017

Bagliores

Bagliores de sos ojos e miradas
M'aperin in sa mente sos deliros
Bios de coro afannos respiros
Mi mantenen ischidu sas notadas
In su letu ti faco serenadas
Cun penseris anelos e regiros
Su sambene non lu poto assetiare
Tra mille ziros in letu a pensare

Peppe Montesu
Nadale 2016

Ti amo e t'istimo

Bella ti amo t'istimo e t'adoro
fidele in totu cantu so a tie
si pro amante ti leas a mie
atera non b'inn'intrat a su coro
lu giuro como istimadu tesoro
mai non tinne pentis unu die
totu s'amore de su munnu intreu
lo do a tie chin su coro meu

Peppe Montesu
Sant'Andria 2016

Funtana de candore

Bella chi de candore ses funtana
canno ti mustras in su annare tou
su coro meu lu punghes a zou
e a sa mente li pones matana
s'in custa a vida a tie no mi dana
atera non cherjo mancu a prou
si no mi dana a tie m'isto solu
chin ater'una non ne leo bolu

Peppe Montesu

Bella

Bella d'aspetu e mirada fiera
Ti mustras totu in custa visura
Pares essinne da una pintura
de feminas de raza gherriera
lapos miradas fritos che niera
frittan sos bios danneli friscura
ma suta cussa gelida mirada
cavas su mele rosa profumada

Peppe Montesu
Jannarju 2017

Totu ti riet

De cantu bella sese ti riet totu
ojos, laras e bucca totu riet
su poeta pro te rimas iscriet
e su pintore ti pintat devotu
sos chi bellura ti an riconnotu
nara chi simizante non s'inniet
totu sos coros d'amore as colpidu
e sas frizas Cupido che at finidu

Peppe Montesu
Santu Gavine 2016

Non poto

Bella non poto sas giaes de coro
dare ca tenzo ateru reggiru
tue mi leas sentidu e respiru
ma morrer devo chin sa pena issoro
fidele devo istare pro decoro
fina a sa morte chin custu deliru
su giuramentu fatu in d'un'altare
valet eternu e lu devo onorare

Peppe Montesu
Sant'Andria 2016

Focu ardente

Bella pro me ses tue foc'ardente
Chi mi caentas su cor'infritudu
Intro b'as fatu nidu e l'as colpidu
Amorosu est chin tecus solamente
A isse m'as leadu chin sa mente
Ambos t'istiman d'amore infinidu
Ambos t'an postu infinidu amore
Los as pienos de briu e d'ardore

Peppe Montesu
Jannarju 2017

Bellesa mai vida

Bellesa goi naze s'azes bidu
Si bi at simizante a mie nade
In donzi bicu e terra chircade
Si visu goi bi at prus dechidu
S'acisu zeniosu e coloridu
Est d'aurora si bene mirades
Non biat ninfa ne musa ne Dea
Chi vincat in bellura a Nina mea

Peppe Montesu
Capidanne 2016

Tottu mi as furadu

In su mundu apo amadu solu a tie
solu a tie bellesa singulare
tue faghes su coro palpitare
ses calamida ch'atirat a mie
totu mi ch'as furadu rie rie
anima e coro solu a ti mirare
a tie solu est s'istima mea
atera non juco in sa idea

Peppe Montesu
Santu Gavine 2016

Bellessa

Bellessa che sa tua singulare
in su munnu sicuru non binn'ata
zeniosa gentile e bene fata
simizante non podes intopare
dizosu chie t'at a olograre
ca ses d'amore s'immagine esata
a mie anime coro mias furadu
s'istante dopo chi t'apo miradu

Peppe Montesu
Jannarju 2017

Ladrona de coro

Tue in custu coro ses ladrona
Totu minn'as furadu in d'istante
Pares raju e solu in su levante
E de bellesa singulare icona
A palpitu su coro sona sona
T'istat chircanne canno ses distante
Calamida ses tue singulare
Ch'a mie as abagliadu a ti mirare

Peppe Montesu
Jannarju 2017

Bellesa che a tie

Una bellesa simizante a tie
in mundu non bi at ne b'est naschida,
su visu delicadu latte e nie
as che fiore de rosa elegida
d'allegria e de gosu prenas chie
ti mirat ca li torras briu e vida
sa rosas ses reina et sos fiores
chi eguales no as in colores

Peppe Montesu
Sant'Andria 2016

Bene meu

Pro tene bene meu
Su coro est a palpitu costante
Si no li das recreu
De affannu ne morit a s'istante
No mi nes no odeu
Dami un'ispera sole de levante
S'a mie lassas solu
Morjo de crepacoro in disconsolu

Peppe Montesu
Frearju 2017

Beni

Ben' a inoghe firma unu momentu
No mi fuas de goi incrudelida
Dadu apo pro te anima e vida
Mai negadu t'apo su cuntentu
Como ti arzas a furias che bentu
E mi das sa crudele dispedida
It'est chi apo fatu jeo a tie
Mirami in ojos e naralu a mie

Peppe Montesu
Sant'Andria 2016

Beni ..narami

Beni naràmi sa a mie as afetu
No mi lesses a bios in deliru
No mi bufones leannemi in ziru
Naràmi si de te ne ap'isetu
s'amore meu est in coro netu
iscritu a samben e no in papiru
duncas si m'amas fachimilu ischire
no mi lessas in penas a patire

Peppe Montesu
Nadale 2016

Si no mi dana a tie

Si no mi dana a tie formo gherra
sa morte afronto pro ti balanzare
no m'est cosa su t'ider no t'amare
mi est mortale custa cundierra
muntagnas e palttos ghetto a terra
senna in sas abbas a p'a caminare
rosa pro aer da etene amore
sena a su sole cambio colore

Peppe Montesu

Donzi Dolu

Beni ispannami in coro donzi dolu
Sas lagimas assutami a carignos
d'amore dami sinzales prus dignos
Non poto chene tene istare solu
Ischis si mancat su tou consolu
crucele sun pro me amaros signos
beni a inoghe chi m'amas mi nara
innante beni naramilu in cara

Peppe Montesu
Sant'Andria 2016

Su cor'aspettenne

Beni su coro meu est aspetenne
A tie est mutinn'ogni mamentu
No li neghes d'amore su cuntentu
Cann'istat lamentosu lastimenne
In venas est su samben sucutenne
Si non ti viet' est che fogu ispentu
Accenne prestu tue sa fiama
Si l'as istima torrali sa brama

Peppe Montesu

Benimi in sognu

Benimi in sognu dechida e mi nara
Chi tue amas a mie e m'amas tantu
Fachemi intenner in s'ora su cantu
Beni bolenne innantis ti para
Faghemi biere sa lughe de cara
Assutto ness'in s'ora su piantu
Nessi in sonnu consolami tue
Da chi ischidu non t'ap'in neddue

Peppe Montesu
Frearju 2017

De lughe vestida

Benis a mie de lughe vestida
Pares volenne lizzera che fada
Sa mente mia de te incantada
Chircat sa tua chin s'anima essida
Tanno inteno su gustu e sa bida
E t'assaporo totu nina amada
Pares d'itare in su paradisu
Tra sos anghelos chin su tou visu

Peppe Montesu
Jannarju 2017

Beranu fioridu

Tue ses su beranu fioridu
Chi m'incantas a nuscus e colores
De adornu ti faghen sos fiores
E ti cantan sas aes da e nidu
As sa bellura che sole naschidu
In su levante a lughidos bagliores
Ses de virtudes totue piena
De brama e de ardore lugh'amena

Peppe Montesu
Frearju 2017

Furas s'ojada

Bi at isteddos chi furan s'ojada
brillan in chelu sas d'issos lucuras.
Tue chi brillas in terra mi furas
Su coro cann'aperis sa mirada,
dea e s'Olimpu a terra falada
chi sole luna in bellura iscuras.
Non bi at che a tie risplendente
chi a mie mi leat core e mente

Peppe Montesu

Declara si mi as...

Declara s'as a mie istimascione
Si ses disposta de amare a mie
Arrisco totu pro amare a tie
Tutu su ch'apo e sa mia pessone
Si m'amas tue dechida Giunone
Eterna t'ap'amare note e die
Mai unu momentu at a cessare
S'amore chi a tie cherjo dare

Peppe Montesu
Nadale 2016

Bios annade

Bios de coro annade bolenne
Sos palpitos de coro assetiade
Sas arcanas timorias lassade
Annade a cue chi sun' isettenne
No istedas in petus suspirenne
Su sentimentu meu a issa nade
Nade chi l'amo a sa prenda ch'adoro
Ch'essidos seziz dae custu coro

Peppe Montesu
Jannarju 2017

Bolan sa fozas

Sas fozas bolan e afido a issas
Sas afannadas duras penas mias
Sognos d'amore chin sas fantasias
Volan impare a medas promissas
dae sas ispinas e ruvos trafissas
Chircan de unu coro solu vias
Gentile chircan d'arrivare a tie
Si custu ventu favorit a mie

Peppe Montesu
Capidanne 2016

Boreale aurora mattutina

No at bisonzu d'adornu su visu
Ne i sos ojos de rara bellura
Non ne an postu in tela pintura
Simizante a tiu raru acisu
Tue ses de s'incantu paradisu
Chi no at eguale in sa natura
De bellesa ses tue sa reina
Boreale aurora matutina

Peppe Montesu
Capidanne 2016

Calore de Vida

Tue ses de sa vida su calore
Ses losania intro sa caldura
istoja de sa mea istracadura
dulche michina a su meu dolore
sa funtana bunnante de amore
luminosa lanterna in note iscura
totu su chi so deo mi das tue
totu mi das e ti tenzo in totue

Peppe Montesu

Frearju 2017

Caminos de afannu

Pro te so in caminos de afannu
brivadu d'allegria e de recreu
s'ispina chi as postu in coro meu
dolore m'est daenne semper mannu
la juco punta da pius d'un'annu
e non naro de issa mai oddeu
com'ispina no est ma pare zou
chi non si punghet mai in coro tou

Peppe Montesu
Capidanne 2016

Campione e bellesa

Chi t'apo in simpatia nadu m'ana
Ca t'apo pius rimas dedicadu
Forzis ca coro e mente m'as signadu
Dechida rosa amabile galana
Tue d'ispantu ses bellesa arcana
Chi brillas prus de Sole in su criadu
Si ti canto ti canto cun rejone
Ca d'ermosura ses su campione

Peppe Montesu
Santu Gavine 2016

Candidu fiore

Poeticos sos sognos sos disizos
Ch'ischidas tue candidu fiore
Sas bramas mi allughen su calore
Chi mannas a miradas e lampizos
In sa bellesa no as assimizos
Raju lughente de chelu lucore
Tue su coro meu as post'in pena
Astru de chelu, amada sirena.

Peppe Montesu
Capidanne 2016

Canno

Canno faeddas mi leas sa vida
abbagliadu ne resto si mi miras
tue sa mente mea la reggiras
cun sa bellura chi as imprimida
pius de te non bi at dechida
si sa Sardigna intrea la giras
incantadu n'arreo a ti mirare
astru lughente chi cheria amare

Peppe Montesu
Santu Gavine 2016

Canno ti miraia

Canno in ojos tuos miraia
Sos mios si perdian in reggiru
It de afannu su miu respiru
amore intro issos bi leggìa
como solu un 'ojada das ebbia
istas fughinne pares in airu
pruite nara ti ses ifritada
e no mi miras chin cudda mirada?

Peppe Montesu
Santu Gavine 2016

In letu a sa sola

Cann' a sa sola in sa note arreo
A tie penso chi mi as lassadu
In custu letu umbe mi as dadu
Sas menzus cosas chi ammento jeo
Como est fritu e a Deus peo
De mi torrare su bene passadu
Faghenne custa prega a litania
Pro chi torret s'alenu in domo mia

Peppe Montesu
Capidanne 2016

Cann'essis tue

Cann'essis tue s'allegrat su campu
S'ischidan sos fiore delicados
Si firman ventos sos prus airados
su sole mannat bagliores a lampu
de arbores fozidos foza e rampu
si fin dormidos si sun'ischidados
tue in donzi coro allughes briu
ma de pius allughes su miu

Peppe Montesu
Marthu 2017

Canno at a finire

Canno at a finire su disterru
Chi dae te mi tenet luntanu ?
Cann'at a bennner su bellu manzanu
E finire pro nois custu iverru ?
Canno at a cessare cust'iferru
E torrare at a poder su beranu ?
Canno ti ap'a poder consolare
E astringhere in brazos e basare ?

Peppe Montesu
Nadale 2016

Canno essis a passizare

Bella cann'essis tue a passizare
Sonan a festa totu sas campanas
Sa zente curiosa in sas ventanas
Alligra curret pro ti ammirare
Tue sos coros faghes palpitare
Chin sa bellura sas animas sanas
Non bi at meichina che a tie
Chi lo sanet deretos cree a mie

Peppe Montesu
Capidanne 2016

Isplendente Figura

Canno ido isplendente sa figura
De una dea in sa terra falada
Sa mente ne arreat ammajada
De tanta indiscrivibile bellura
Ses tue rara dechida ermosura
Chi mudas intro e coro su chi b'ada
T'at dadu sa natura totu cantu
Pro allugher su munnu de ispantu

Peppe Montesu

Canno leghes

Canno leghes sos versos chi t'imbio
Nara s'intennes palpitu mi nara
A samben intro e coro los iscrio
E de piantu m'infunnen sa cara
Totu s'alen'e petus chi giughio
Bi apo postu iscrienne insara
Ma si a tie non palpita su coro
S'amore est mortu e minn'addoloro

Peppe Montesu

Sa tua mirada

Canno mi cinghet sa tua mirada
Ardente punghet che friza amorosa
Infascada de petalos de rosa
in coro meu acatat s'intrada
onzi vena de samben infogada
murmurat che funtana vigorosa
onzi mermu e ardore prenas tue
chi in s'intragna s'ispannat totue

Peppe Montesu
Nadale 2016

Canno miro

Canno miro sos ojos apagantes
Paren de paghe campanas sonenne
Allerados a tie abbadienne
Restan sos mios belle menguantes
Cussos faros che duos fulminantes
Istana rie rie lampizenne
Paret divinu su tou mirare
Denne lucore a sole terra e mare

Peppe Montesu
Marthu 2017

Canno non t'ido

Canno non t'ido mi est pena dura
A ti aer luntanu m'est dolore
Su coro pien'apo de amore
Pro dare a tie dechida ermosura
No mi lesses in dolu e amargura
Torrani cuddu briu e bon'umore
No mi lessas de goi in angustia
Si torras tue torrat s'allegria

Peppe Montesu

Agustu 2016

Canno non t'ido

Canno no t'ido distintu fiore
su coro meu pones in afannu
in disconsolu e in dolu mannu
arreo e giamo mutinneti amore
ma si apparis torrat su colore
totu si mudat in ridente pannu
cun su tou profumu delicadu
torrat su briu inumbe it mancadu

Peppe Montesu
Nadale 2016

Canno tue mi miras

Canno mi miras s'ispannat s'aera
E d'armonia si prenat sa via
Totu est incantu totu poesia
Sena s'iverru paret primavera
Si mi amas a mie e ses sincera
Atera non ne amo in bida mia
Pro semper jeo ap'amare a tie
Dulche culumba si amas a mie

Peppe Montesu
Santu Gavine 2016

Canno ses vicinu

Istat luntana pena e angustia
luntanu atesu arreat s'afannu
chin tecus su recreu meu est mannu
solu sa zoja faghet cumpanzia
canno mi sen vicinu Nina mia
finit donzi rancore e donzi ingannu
tue in su coro mi pones amore
e canzellas de isse onzi dolore

Peppe Montesu
Marthu 2017

Canno arzas sos ojos

Canno sos ojos arzas a su chelu
Paren d'ispera sas tuas miradas
Aperin de sos chelos sas intradas
De s'iscuru truncanne donzi velu
Ses tue d'altos chelos cudd' anghelu
Chi mi cancella sas penas passadas
Pones sos coros in dolente istadu
Chi cussu tou visu immaculadu

Peppe Montesu

Su pede in terra

Canno su pede in terra pones tue
Naschin fiores de milli colores
Si ispannat su chelu de ardores
Sas aes cantan inoche e in cue
Su coro meu in petus fue fue
Est in fiammas pienu e brujore
Sos ojos tanno s'baglian d'incantu
Innantis de sa lughe e de s'ispantu

Peppe Montesu
Marthu 2017

Sole de Manzanu

Canno su sole naschit su manzanu
A tie chircat ca li das lucura
Ca si non biet sa tua bellura
Ischit chi s'isplendore sou est vanu
Tue li das su caentu arcanu
chi sorvet de su coro s'amargura
si no idet a tie die die
ista lughenne ma fritu che nie

Peppe Montesu

Ispantu

Tue ses mereviza ses ispantu
Addeghibile a tie non bi ata
Gentile armoniosa bene fata
Meritas tue de dea su vantu
Su coro meu chi ti amat tantu
A bios e a palpitos mi nata
Non cherjo istare nemmancu in'istante
Si no apo su sou pro amante

Peppe Montesu
Jannarju 2017

Canno ti chirco

Canno ti chirco in sos sognos mios
de bios su respiru mi pienas
paret su samben chi ap'in sa venas
abba currenne de urridos rios
si non t'aziapo piantu e oblios
m'infunnene dolentes cun sa penas
sena in su sognu mi pughes su coro
ca amo solu a tie e ti adoro

Peppe Montesu
Capidanne 2016

Canno miro a tie

Canno ti miro in ojos onzi pena
isparit e si s'ispannan sos turmentos
setidos pares in zefiros e bentos
ligados e astrintos in cadena
tue lo leas dechida sirena
e los mudas in gajos e cuntentos
donzi feu momentu donz'anneu
lu mudas tue in dulce recreu

Peppe Montesu
Frearju 2017

Canno ti moghes

Canno ti moghes paren de amore
onz'ammiada tua, onzi mirada,
ispannas lughe brillante fadada
chi li tancat sa janna a su dolore.
A donzi cosa li pones sapore
e li das tinta in coro bramada .
Pares de chelu divina vestale
vennida in terra pro vincher su male.

Peppe Montesu
Agustu 2016

Canno ti vio

Canno ti vio vestida e nudessa
Chi da e letu ti arzas lizera
Pres Venus in cudda primavera
Tinte e colores pien'e puressa
Sas titas tuas de grande bellesa
Mi paren rosas chi truncan s'aera
Ora vicinu ti est aspetenne
De violas s'istanzia est prenenne

Peppe Montesu

Canno t'ido

Canno t'ido columba delicada
Mi pienas de briu e de recreu
Alenu das a custu coro meu
Consolu das a s'anima afannada
Mi sanas su dolore a sa mirada
E ridenne cancella sonz' anneu
Armonia ses tue e meighina
Dea celeste in terra reina

Peppe Montesu
Santu Gavine 2016

Tue luntana

Canno tue luntana ses a mie
Enit sa mente mia a ti chircare
Zumpat muntagnas aeras e mare
Chin sos alenos che enit inie
E canno coro amadu idet a tie
Li nat a custu coro e palpitare
Tanno su sole nat a s'aurora
Dae levante tue nasch' ancora

Peppe Montesu
Capidanne 2016

Bios annade

Bios de coro annade bolenne
Sos palpitos de coro assetiade
Sas arcanas timorias lassade
Annade a cue chi sunu isettenne
No istedas in petus suspirenne
Su sentimentu meu a issa nade
Nade chi l'amo a sa prenda c'adoro
Ch'essidos seziz dae custu coro

Peppe Montesu
Jannarju 2017

Vida de amore

Canta bellesa in custu surrisu
Canta dulcare e mele inserradu
Canta lucura das a su criadu
Canno surridet cussu bellu visu
Anghela pares de su paradisu
Chi as tottu sa terra illuminadu
Da e coro t'auguro a tie istella
Una vida e amore longa e bella

Peppe Montesu

Notes cantas

Cantas nottes ischidu cantas giamas
Cantos sognos chin tecus coro amadu
Cantas vortas su chelu apo miradu
A sa sa luna pedinne si mi amas
Cantas tessidas de su coro tramas
Ap'inferzidu e deretu isconzadu
Ma galu custu coro istracu meu
Giamat a tie e pregat oddeu

Peppe Montesu
Jannaru 2017

Cantas vortas

Cantas vortas de te apo sognadu
In visione cantas vortas t'ido
In su chi as nadu continu cunfido
A tie apo in coro frore amadu
Cann'at benner de edu s'istadu
S'amore meu dae coro ischido
A tie pro lu dare solamente
Ca m'as furadu tue coro e mente

Peppe Montesu
Jannarju 2017

Cantat su rosignolu

Canta su rosignolu armoniosu
dae sa filomena acumpagnadu
coronan custu coro innamoradu
chi est mutinne a tie angustiosu
a note e die no apo reposu
ca tue anim 'e coro m'as furadu
cantos d'amore e de puzones cios
vatin a tie sos palpitos mios

Peppe Montesu
Santu gavine 2016

Canto pro te

Canto pro te amabile dechida
Ca mere ses de tratu e de bellesa
Sa musa mea a tie totu est resa
Ca ses tue sa mia favorida
Tue mi as furadu coro e vida
Cun su tou talentu e nobilesa
De custu coro reina ses tue
Isse est pro te ti sichit totue

Peppe Montesu
Sant'Andria 2016

Ca tantu

Ca tantu mi ses cara e pro te bramo
Nara si tue puru amas a mie
Non poto istare de pius gasie
Ca tie muto ti penso e ti giamo
Jeo isto male ca forte ti amo
M'est uchidenne su pensare a tie
Duncas columba trunca sa cadena
Sarvami tue o ponemi in pena

Peppe Montesu
Marthu 2017

Cann'essis tue

Cann'essis tue cambiat sa die
si ritiran sas nues dae chelu
Su sole vrighozosu chen'anelu
Mannat prus lughe pro idere a tie
Cantan sas aes e tue rie rie
Chin issas formas melodicu velu
Totu de allegria est in tripoju
Ravvivas totu coro mente e oju

Peppe Montesu
Marthu 2017

Cantos sognos

Cantos sognos m'aperis in sa mente
cun sas tuas miradas frisca rosa
sas bucca tua ruja graziosa
paret funtana d'unu fogu ardente
ses che sole naschinne in oriente
chi de bagliore vesti donzi cosa
flora ti mutit e ti da sa manu
isplendore lughente e su manzanu

Peppe Montesu

Cantu dolores mi das

Cant'a su coro meu das dolore
Pius costante jeo tie t'adoro
De custas venas su sambene issoro
Ti sughes tue ma non das amore
Arreo che isciau pedidore
In fatu a penas chi solu assaporo
Mi ses vatinne a puntos de morte
Pro sa mea fatale dura sorte

Peppe Montesu
Sant'Andria 2016

Cantu cheria

Cantu cheria amennet' ischire
ogni tou amorusu pensamentu
pro ti dare dechida su cuntentu
onzi velu e pudore ia abbatire
Disizos fantasias acullir
In cumannu a su tou sentimentu
Pro dare a tie incantu e recreu
Totu dispongo anzenu e su meu

Peppe Montesu

Cantu dechida ses

Cantu dechidas ses ojos d'incantu
Contu m'aggradas e ses atraente
Tue ses fogu de fiama ardente
Chi a su coro non das aguantu
domadu l'as, l'as vint'e infrantu
Si non ti viet n'arreat dolente
Non lu mantenza in dolu e in pena
Zeniosa simpatica sirena

Peppe Montesu
Marthu 2017

Bio non bio

Cantu m'agradat su bio non bio
Cantu bella ti faghet e galana
d'amore ischidas tue briu e gana
E inoghe derettu ti l'iscrìo
S'aere alas a cue currio
In cussa janna o cussa ventana
Pro ti idere che dulce mariposa
Semper prus bella dechida e donosa

Peppe Montesu
Capidanne 2016

Cantu ti amo

Cantu ti amo non podes ischire
Cantu a su coro meu ses dulcura
Tue ses chi ispannas s'amargura
E su dolore che faghes fuire
Perdona su de coro meu ardire
Ma no poto arreare in sa tristura
A tie amo a tie solu adoro
Ses tue chi m'incantas custu coro

Peppe Montesu
Agustu 2016

Cantu ti dechet

Cantu ti dechet cussu mucadore
Cantu t'adornat cussu visu bellu
Pares pintura in tela a prinzellu
De alta iscola e mannu pintore
L'at beranu prestadu colore
E Venere l'at fatu de modellu
In tratu delicada e portamentu
De coro meu dulcura e cuntentu

Peppe Montesu

Frearju 2017

Caras

Caras a lutu fascadas d'incantu
de sa tristura mudada in belleza
Sardigna mama dolent'e ofesa
chi ancora mi bagnas de piantu
Lacrimas sicas assutas d'ispantu
Chene gaju perunu e cuntentesa
Ma tue galu eternu giardinu
su menzus das chi as in su sinu

Peppe Montesu

Certa resta

De s'amore chi t'apo certa resta
Cancella donzi dubbiu e distrue
Sa chi adoro e istimo ses tue
A tie solamente apo in sa testa
Su coro solu a tie faghet festa
A ti sighit e giamat tottue
A tie a tie solamente a tie solu
Giamat e mutit che dulce oriolu

Peppe Montesu
Nadale 2016

Bellura poderosa

Cun sa bellura tua poderosa
A mie anim'e cor m'as furadu
Mi as de lughe tua illuminadu
De no amare a tie no est cosa
E tue sichi ancora frisca rosa
A mi mantener de lughe abbagliadu
Beni che lughe in su sinu meu
Ispanna dae mente donzi afeu

Peppe Montesu
Marthu 2017

Cantu mi pones

Cantu mi pones a su coro pena
Cantas ispinas ses punghenne a issu
Ma solu tue bi as postu fissu
Tue li as istrintu sa cadena
Solu tue pro isse ses amena
A tie amat a tie est promissu
Cantu prus tue li pone dolore
Cantu prus isse ti torrat amore

Peppe Montesu
Marthu 2017

Cessa su piantu

Sas lagimas assuta torra a riere
Non ti lees pius ite pensare
A tie risolutu de ti amare
In custa vida so lu ass'a biere
Versos divinos pro te dep'iscriere
Dae su coro tottu t'apo a dare
Cessa columba su tou piantu
Pro te est de amore custu cantu

Peppe Montesu
Agustu 2016

Che a su visu tou

Che a su visu tou incantadore
Non n'apo mai vidu ne connotu
Est de bellura dechidesa totu
E duo ojos chi mannan lucore
Si tue bella no mi das amore
In istadu mortale isto ridotu
Si no mi amas tue so sicuru
Su viver meu mi diventat duru

Peppe Montesu
Marthu 2017

Che istella

Che istella volante luminosa
falenne pares dae paradisu
reggirare mi faghes tratu e visu
ca mannas tue lughe portentosa
delicada pius de mariposa
moghes de mente e coro su sorrisu
bella dechida elegante galana
meritadu est su vantù chi ti dana

Peppe Montesu
Sant'Andria 2016

Che Mariposa

Che mariposa ti moghes lizzera
Chin grazia e armonia delicada
Bella dechida che luna incantada
che zefiru suave intro s'aera
colorida che dulce primavera
alenu torras a sa triste ojada
semenas chin sos ziros allegria
chin sos intonos de sa terra mia

Peppe Montesu
Nadale 2016

Che Sole

Che sole singulare risplendente
supra totu sas bellas ses reina
aurora in levante matutina
ti prestat rajos che istedd'errante
frizas li pones a su cor'amante
chi punghen prus de zou e de ispina
narami bella canno cheres tue
ca deretu pro che venzo a cue

Peppe Montesu
Sant'andria 2016

Che tie bella

Che tie bella non bi at atera
A girare su munnu tot'intreu
Ses tue sa funtana e su recreu
D'ermosura giunonica pandera
Ses tue sola sa bellesa vera
Egualle non b'at a parrer meu
Mancu Venus est bella che a tie
Ca ses dulcura fata a late e nie

Peppe Montesu
Sant'Andria 2016

Chelu e Mare

Chelu e mare d'azzurru coloridos
Sola tie mi vatini in ammentu
De su narrer e faghene an'istentu
De sortes cun destinis isfinidos
Ambos impare istrintos unidos
Gullinne de su tempus su mometu
Prima e su saludu tristu e duru
Chi tramudat sa lughe chin s'iscuru

Peppe Montesu

Frearju 2017

Chene reposu

In pensamentu chen'aer reposu
Colo sas oras a tie pensenne
In su letu imboladu abbaidenne
Ist'afeadu privadu e gosu
Chin s'alenu infritidu e afannosu
Mudu ti muto fele mastichenne
Sas penas de amore ch'ap'in coro
Beni e mi san' istimadu tesoro

Peppe Montesu
Marthu 2017

Cheret narrere

Si d'una ninfa imtennes s'amore
Pro chi non t'apat in laras basadu
Si de issas assazas su sapore
E mai l'as sas laras tastadu
Cheret narrer chi ses innamoradu
E disizas de issa d'onzi ardore
Cheret narrer chi tue assa istare
Chircanne a issa pro no olvidare

Peppe Montesu
Capidanne 2016

Cheret a tie

Cheret a tie custu coro meu
Ateru non ne cheret de fiore
Ses tue solu chi li das dolore
Solu tue ses bena de recreu
E jeo a isse li promito oddeu
Chi solu a tie jeo pedo amore
Nara si positiva est sa risposta
E si d'amare a mie ses disposta

Peppe Montesu
Frearju 2017

Cheria

Cheria in petus tou reposare
Sa conca mia d'afannos piena
Sos bios tuos intenner sirena
Chin su coro e su sou palpitare
Tanno mi diat deretu passare
Cuddas dolente amorosa pena
Cudda ch'a mie non lassat dormire
E de amore mi faghet morire
Peppe Montesu
Capidanne 2016

Cherjo pro te

Cherjo pro te culumba dechida
de amore unu munnu pintare
pro chi mai ti potat mancare
su calorosu afetu in custa vida
pintare s'aurora apena essida
prima chi solat su sole ispuntare
semper ti pinto sa luna in su chelu
pro chi s'iscuru non ti ponzat velu

Peppe Montesu
Capidanne 2016

Cherrer ti dia

Cantu ti dia cherrer'abbrazare
E carignos ti dare notte e die
Pro t'intenner de nou rie rie
Senna sa bida mia dia dare
Ma tue as zessadu de mi amare
Mi as lassadu no isco pro chie
Torra columba no mi lesses solu
No mi lessas de goi in disconsolu

Peppe Montesu
Frearju 2017

Mustra

Chi m'as amore mustra e mi as caru
dami sinzales chi m'as in su coro
s'unica dea ses tue ch'adoro
beni dereta naramilu craru
dali a sos bios de petu riparu
si mi mantenes goi m'addoloro
amare non ne cherj'un'ateruna
in tie solu chirco sa fortuna

Peppe Montesu
Sant'Andria 2016

Chie

Chie at'a esser cussu fortunadu
chi t'at a balanzare pro muzere
si a su postu suo jeo essere
de cuntentesa aia zumpadu
tue bellesa ses de su criadu
de donzi coro tinne faghes mere
in bellesa ses veru camione
si su vantù ti dan est cun rejone

Peppe Montesu
Marthu 2017

Chie ses

Cantu de grascias piena ses tue
cantu a ti mirare mi das gaju
cantu a su coro meu das ispaju
cantu luore isparghes totue
narami umbe e narami inue
pot'ammirare custa rosa e maju
narami umbe abitas e chie ses
lestru mi ponzo sas alas in pes

Peppe Montesu
Santu Gavine 2016

Cun tecus

Cun tecus si mi amas bella mia
Istare di'annenne note e die
Non bi at cosa chi firmet a mie
Totu ti do a tie sol'ebbia
Sena su chel'a tie dare dia
Preganne a Deus chi lu det a tie
De custu coro faghe su chi cheres
No est prus meu tue ses sa mere

Peppe Montesu
Santu Gavine 2016

Chin tirannia

Chin tirannia mi soles trattare
Ca ses segura chi ti tenzo in coro
De cuddas rosas ispinas issoro
A mie punghes non podes negare
Su coro meu faghes sambenare
E jeo macu de pius t'adoro
Paret chi cussa pena e amargura
Si la das tue divente dulcura

Peppe Montesu

Frearju 2017

T'apo Chircadu

Chircadu t'apo in sa mare profundu
Caminenne a sa sola in disisperu
Chen'aer de su tempus cunsideru
In sas carreras de totu su mundu
Sa Sardigna zirada l'apo a tundu
Chin sas zitade de su munnu interu
Como t'ap'acatudu e non ti lasso
Ma custu coro istracu no lu passo

Peppe Montesu

Chirco in s'aera

Chirco in s'aera e pedo implorante
A sas aes de chelu novas tuas
In umbe ses e prite ti cuas
Prite mi lassa goi agonizante
Pedo a su sole naschinne in levante
E a sa luna in sas runnas suas
Nemos de te mi dat prus novella
Ne pianeta ne aes ne istella

Peppe Montesu
Santu Gavine 2016

Ti dia...

Cingher ti dia sa fronte de laru
Amore eternu ti dia giurare
Bella si tue azetas de mi amare
Jeo ap'a esser s'amicu prus caru
Mai ap'a esser de amore avaru
Tottu su ch'apo e poto t'ap adare
Ca mi lu narat custu coro meu
A tie dulce bena de recreu

Peppe Montesu
Nadale 2016

Colores de primavera

Sos colores de dulce primavera
As in sos ojos e in sa mirada
Divina anghela a terra falada
Ses tue bella dechida pandera
Ses totue d'amore messagera
De nuscos amorosos profumada
Ses sa rosa prus bella de su rattu
Chen'eguale in pintura o retrattu

Peppe Montesu
Capidanne 2016

In Oriolu

Columba mi as postu in oriolu
A frizas de amore m'as colpidu
Non ne at pius in feretra Cupidu
Mi l'as puntas chene n'aer dolu
So pejus d'istudente noittolu
Perdenne ifattu tou su sentidu
Como non potu solu prus istare
A tie solamente cherjo amare

Peppe Montesu

Columba de amore

Columba de amore zeniosa
Firma su volu in su coro meu
Est a bios suspiros e aneu
Ca no ti at vicinu amada rosa
A ti esser luntanu no est cosa
Su tempus colo dolente in afeu
Lealu tue in sas alas d'amore
Daeli tita de afetu e colore

Peppe Montesu
Capidanne 2016

No mi lesses

Columba non mi lessas in afannu
Consumennemi in dolos e in penas
Astringhen tropu sas duras cadenas
Intro e coro sun faghene dannu
Jeo ti amo chin amore mannu
Ma mi sucutas sa carre e sas ve
No mi lessas de goi ispasimare
Cananea non sias in s'amare

Peppe Montesu
Nadale 2016

Prenami sa vida

Columba tue s'istimas a mie
No mi mantenzas in dolu e in pena
Ca si mi mancas dechida sirena
Ist'in dolore e pensenne a tie
Lizu dechidu candidu che nie
Amorosa sa vida mi piena
Ca si non bi ses tue a la prenare
Est anneosu su tempus passare

Peppe Montesu
Capidanne 2016

Columba mia

Columba mia, cumbintu lu creo
chi non mi jucas ne pena o ingannu,
non bi det aere ne dolu ne dannu
si ses sinzera e m'amas che deo
a sa promissa fata firmu arreo
e semper t'amo chin amore mannu
ses tue solu sa prenda donosa
s'amante mea sa futura isposa

Peppe Montesu
Sant'Andria 2016

Comare at bidu

Comare at bidu su meu cumannu
Ait'it gai a mie at pedidu
Che canno non n'aiat mai vidu
Pruite m'at pedidu it gai mannu
Li apo nadu chi iti in afannu
Ca cheriat intrare in d'unu nidu
"Compare si est goi sufferente
No lu dassedas in foras dolente

Peppe Montesu

Comente faco

Comente a non t'amare faco jeo
Canno ti mi presentas rie rie
Intro su coro che pones a mie
Frizas d'amore e mortale arreo
Solu basos d'amore a tie peo
Carignos solu poto dare a tie
Su numes tou ap'iscritu in coro
A sambes ruju e a cifras d'oro

Peppe Montesu
Santu Gavine 2016

Consumidu in dolore

Consumidu pro te isto in dolore
Infustu addoloridu in su piantu
Bella prite ti amo e t'amo tantu
Aite gai mi negas amore
S'istare goi mi ponet terrore
Viver non poto si non t'apo acantu
Ma si sechis de goi a no m'amare
Preferjo in d'una losa a m'inserrare

Peppe Montesu
Capidanne 2016

Contami

Contami nara umb'est su chelu
pruite si aperit si ti vio ?
Jeo umbe it s'intrada no ischio
tue mi l'as mustradu che anghelu,
tue a s'amore arzadu as velu,
lassadu sa tristura apo e rio
mi as su coro resortu e sanadu
denneli tue su chi l'it mancadu.

Peppe Montesu
Agustu 2016

Mi cheria

Corcadu in d'unu letu mi cheria
Chin tecus de amore disizosa
Cuczada de petalos de rosa
Vestida e nudidade solu ebbia
Donzi disizu de s'anima mia
Ti ere postu in brazos donosa
Leghenneti in sos ojos de amore
Sas bramas e anelos de ardore

Peppe Montesu

Corfas sos coros

Corfas sos coro chin frizas d'amore
sena su meu l'as fertu e colpidu
sas frizas amorosas de Cupidu
mi la sas puntas e mi dan dolore
ma sas fertas ammantas de dulcore
peri mortale mi apas feridu
sa ch'ischidas potente passione
no la firmat ne ferta ne rejone

Peppe Montesu
Jannarju 2017

Coro chi t'apo in coro

Coro chi apo in coro solu a tie
dillirienne non paso un'istante
colpidu m'as d'amore folgorante
cun su visu dechidu rie rie
pro te so in reggiru note e die
in bios e in palpitu costante
si no mi das risposta d'amore
ap'a morrer in penas e dolore

Peppe Montesu
Jannarju 2017

Non bi at cosa

Cosa non b'at chi descriat a tie
Non bi at cosa a tie simizante
Donzi cosa m'ammentas a s'istante
In conca arcanos mi pones a mie
Pius de montes ses candida nie
E de su chelu s'isteddu brillante
Ma nudda d'issos tenet sa bellura
Chi tue tenes dechida ermosura

Peppe Montesu
Frearju 2017

Costante

Si costante comente t'amo jeo
mi amas tue puru bella mia
s'amore mai mancu benner dia
in custu zuramentu firmu arreo
sas forzas mias totu las impreo
solamente a amare a tie ebbia
ti ap'amare finas a sa morte
de die in die semper pius forte

Peppe Montesu
Santu Gavine 2016

Cudda afetuosa

Ses cudda prenda afetuosa
Chi su coro mi prenas de amore
Se tue chi mi allughes de ardore
Cun sa mirada bella luminosa
Bella ses tue sa delicada rosa
De su giardinu su menzus fiore
Antela ses semper amenu reparu
In sas ranchidas oras se imbaru

Peppe Montesu
Marthu 2017

In sa ventana

Cudda die t'ap'idu in sa ventana
in mesu a duos vasos de fiore
ambos los superavas in colores
de issos fis prus e prus galana
che frizzicore in s'aera sana
de sa bellura nitidu candore
fugur' is de incatu e de recreu
ponenne alas a su sognu meu

Peppe Montesu
Jannarju 2017

Fidele

Cun afetu e fidele t'ap'amare
T'ap'amare costante chin impignu
Mai t'at a mancare su carignu
Mai m'apo de te a olvidare
su ch'apo in coro totu t'ap'a dare
d'amore t'ap'a dare semper signu
Tue de custu coro ses reina
Aurora lughente matutina

Peppe Montesu
Santu Gavine 2016

Cun sa mirada

Cun sa mirada su coro m'ischidas
Su palpitu li cresches e sos bios
Tanno penseris chin sos sognos mios
Aspettan solu chi tue li ridas
In oricras intenno tantas gridas
De campanas d'armonicas e de rios
Paret d'istare in su paradisu
Solu pro t'ider dechida su visu

Peppe Montesu
Nadale 2016

Mi lassas

Cun sas penas mi lassa intratesu
mi pones e penare e a patire
a sos mios lamentos e sufrire
cara non pones e no li das pesu
s'amore ch'apo dadu e tie resu
paret chi depat in nudda finire
ma si tue non m'amas mi lu nara
naramilu mirennemi in sa cara

Peppe Montesu
Nadale 2016

Cun tecus a d'onz'ora

No m'olvido ti tenzo in pensamentu
A donz'istante ti giamo a suspiros
Sa mente mi pienas de deliros
S'alenu tou mi vatit su bentu
Si de amare a mie das cuntentu
Fini sas runnas e finin so ziros
Solu cu tecus isto note e die
Cun tecus a donz'ora e rie rie

Peppe Montesu
Marthu 2017

Si mi amas

Cunforta custu coro si mi amas
si m'as istima non timas niente
tue ses sa chi juco e coro e mente
sun de amore custas mias giamas
si tue de amare a mie bramas
no intennas sas limbas de sa zente
s'amore vinchet custas limbas malas
si ambos duos li ponimus alas

Peppe Montesu
Nadale 2016

Cuntemplenne a tie

Isto cuntinu a tie cunteplenne
Non acato reposu note e die
Zirannemi in su letu penso a tie
In afannos e bios suspirenne
Oros e oras nervosu aspetenne
Uchidenne in regiros ses a mie
Si no mi amas n'acato sa morte
Ca jeo t'amo , t'amo e t'amo forte

Peppe Montesu
Marthu 2017

Cuntinu cuntemplenne

Cuntinu cuntleplenne istare dia
Sa bella tua figura dechida
Cudda a chi a su coro li dat vida
E mi ponet sa mente in allegria
Tue pius de Dea bella mia
Meritas che divina riverida
Non bi at ateruna che a tie
Chi mogat totue cree a mie

Peppe Montesu
Santu Gavine 2016

Curret su coro

Curret su coro a palpitos e bios
Ifatu a tie dechida pandera
Volat sa mente in sa nitida aera
Ifattu sun sos disizos mios
In sinu tou chircanne ninnios
Ch'annas e benis che dulce chimera
M'as pianadu de dulce turmentu
E su coro m'as postu in arreventu

Peppe Montesu
Frearju 2017

Cussos ojos

Cussos ojos m'incantan de bellura
mannan a mie sinzales d'amore
frizas de oro de raru lucore
chi penetran su petus chin dulcura
nieddos bellos chi d'onzi amalgura
cancellan e la tinghen de ardore
bellessa gai non paret terrena
derettu a mie ponen in cadena

Peppe Monresu
Santu Gavine 2016

Custu coro ti bramat

Custu coro ti bramat e suspirat
Ti cuntemplat sa mente ragirada
Ogni vena ti mutit sucutada
S'aju a tie solamente mirat
Frizas 'amore Cupidu ti tirat
Pro ti renner dechida innamorada
Si no m'aperis cussu coro tou
Frizas li porro a cuss'arcu sou

Peppe Montesu
Nadale2016

Da una poesia ... mea

Umbe abitas umbe ti reparas
nara inumbe ses ca venzo a cue
si amore as pro me ancora tue
si veras fini sas giamas de laras
non sicas a mi dare sas amaras
matanas inferzidas de pelea
ascurta beni chin mecus arrea
cessa su bolu amadu puzone

che barca so privu e timone
in mesu mare a vela abbasciada

Peppe Montesu
Sant'Andria 2016

Dae atentu

Est palpitene custu coro meu
Istat mutine chen'aer risposta
Tue a l'amare non bi ses disposta
Non das a isse ne gaju e recreu
Barbara lu pianas de anneu
Paret bi godas faghennel'aposta
Ma dae atentu su tant'ispetare
Sena s'amore che faghet passare

Peppe Montesu
Capidanne 2016

Dae Aritzo

Dae Aritzo su cor' e Sardigna
Arrivas tue che suave alenu
Bella e trattos de visu serenu
In sa bellura prus de dea digna
Rosa galana frisca carapigna
De amore su coro m'as pienu
In bios e in palpitos lu pones
A tie est dadu tue ne dispones

Peppe Montesu

Dae Canno
Dae canno t'ap'idu unu momentu
Apo su sonnu prenadu de penas
Intenno curren su sambene in venas
Su coro mi si solvet in caentu
Su visu tou mi moghet che ventu
Chi no lu firman frenos e cadenas
Si tue no la firmas sa tempesta
Morjo chin sos reggiros de sa testa

Peppe Montesu
Sant'Andria 2016

Dae canno

Dae canno t'ap'idu ti apo amadu
Colpidu m'as d'amore in cuss'istante
In ojos as lucura penetrante
Chi illuminat a die su criadu
Su trattu tou in coro m'est restadu
chen'atèru imprimidu simizante
Dae sa dia sa vena as apertu
De funtan'e amore puru e certu

Peppe Montesu
Nadale 2016

Dae coro

Dae coro cancella su fastizu
Pro me non sias goi angustiada
Atera in mente mea non binn'ada
A tie solu istimo amadu lizu
Tue sola m'allughes su disizu
Sa chi das lughe a sa ment'oscurada
Chin tecus mi arrico su manzanu
Senza tie su viver mi est vanu

Peppe Montesu
Sant'Andria 2016

Dae impoddile

Dae impoddile su coro mi sonas
Istat mutinne a tie luntanu
Ma su mutire sou paret vanu
Tue mai li imbias novas bonas
Novella de amore no li donas
e sichit chi sas giamas su manzanu
nessi un'ispera tue dami a mie
dami s'amore chi do jeo a tie

Peppe Montesu
Capidanne 2016

Daemi una risposta

Daemi una risposta coro amadu
sa mente tenzo in cunfusione
si mi nas no in sa tumba mi pone
viver non poto goi in cuss'istadu
si amore no m'apo meritadu
menzus d'iferru sa reclusione
ma si est positiva sa risposta
sa vida mea pro te est disposta

Peppe Montesu
Marthu 2017

Si m'abbandonas tue

Dami sa morte deret'a s'istante
no mi nelzas chi plus non ses mia
pro ti amare vivo solu ebbia
a tie solu cherjo pro amante
si m'abbandonas tue in su levante
no m'at a dare su sole prus ghia
dami sa morte non mi lessas goi
intro a sa tumba senza narrer ohi

Peppe Montesu
Santu Gavine 2016

Dare non poto

Dare no poto custu coro meu
A chie mai lu apo impinnadu
So d'un'atteru coro innamoradu
Est cussu solu chi mi dat recreu
Non cherjo essere unu cicisbeu
Chi dat amore in modu irballadu
Una ne amo e fidele l'arreo
E su chi faco jeo a issa peo

Peppe Montesu
Jannarju 2017

Ses cantu

De rosignolu ses cantu' e manzanu
raju e sole ch'issolves su nie
aghera ses chi respir'onzi die
sognu e sa note c'arrivas arcanu
non pot'istare dae te luntanu
cherj'istare chin tecus notte e die
ses delicada suave armonia
chi semenas amore e allegria

Peppe Montesu
Capidannu 2016

De alenos

De alenos ti vestis e de bios
E t'innodat su flebile zefiru
Ti vestit torra su meu respiru
Si ti ninnias in sos sognos mios
M'atis a coro dolos e affios
Sa mente mia as postu in regiru
S'anima tua chircanne sa mia
In d'unu abrazu si junghen'ebbia

Peppe Montesu
Nadale 2016

Battor rosas

De battor rosas sun ritratu vio
mi caentat su coro e su disizu
su sognu volat ch'en'aere abizzu
su ch'intenno chni sa pinna iscrio
de ider tantu mai lu credio
ne in su coro provare fastizu
tanta bellesa tanta post' impare
no ischis jeo umbe cominzare

Peppe Montesu

Faru e bellesa

De bellesa ses faru, coro meu
Ch'ispannas lughe e nitidas s'aera,
rundine in sa frorida primavera,
immaculada chene aer neu,
das armonia a su munnu intreu
che columba e paghe messaggera
ses tue sa funtana de s'incantu
chi moghet dae coro custu cantu

Peppe Montesu
Santu Gavine 2016

Amenneti costante

Costante notte e die de continu
A tie devo amare cun impignu
Fidele 'e cust'amore ti do signu
Cust'est sa sorte mea su caminu
Est su disizu e t'istare vicinu
Pro esser de amore tou dighu
In eternu a tie ap'a bramare
Bella sena sa vida ti ap'a dare

Peppe Montesu
Nadale 2016

Custu coro meu

De custu coro meu ses ispera
E ses su sole de onzi manzanu
s'orizonte chi toco cun sa manu
ses de sa notte sa mia lumera
rosa ses tue frisca verdadera
fiore delicadu 'e su beranu
oriolu de custa mente mea
chi moricat su coro e dat pelea

Peppe Montesu
Sant'Andria 2016

Ritrattu de Dulcura

Ritratu de dulcura singulare
E de bellesa immagine rara
Ojos azurros chi luchen in cara
Ispricu paren de su sardu mare
Pro las vier de goi ambas impare
su mortu torra da intro sa bara
De amore immagine est pintura
De custa terra nostra sa bellura

Peppe Montesu
Sant'Andria

Istella de Gerico

De Gerico s'istella est sa chi amo
Non bi at che a issa preziosa
De bellessa e de tratos est donosa
A note e die continu la bramo
Versos e rimas pro issa ricamo
Ca at una bellura portentosa
Lughente che a issa dea atera
Non si accatat in s'isola intera

Peppe Montesu
Nadale 2016

Piena de lughe

De lughe si pienat donzi via
Canno bi colas tue caminenne
Sos ojos rie rie ballizenne
Colpin mortales cust'anima mia
tue a sa mente l'as fattu maghia
no at sentidu a tie mirene
si tue amore mi negas a mie
prus de sa morte ucchides a mie

Peppe Montesu

De manu portentosa

De portentosa manu ses su donu
faru lughente de lughe ideorada
pares in s'aurora illuminada
chin dulce cantu e melodicu sonu
a su palpitu 'e coro li das tonu
canno s'anima mea est anneada
mi cambias sa note in bella die
si lughe luminasa das a mie

Peppe Montesu
Santu Gavine 2016

Figura adorna

De ricamos adorna una figura
Paret de ninfa pero est umana
Volat lizera pius d'una jana
Sognu m'aperit sa su'ermosura
abba est de funtana frisca pura
chi amorosa ischidat onzi gana
menguante mi ponet in isetu
sididu arreo in chirca e afettu

Peppe Montesu
Aprile 2017

Incantu

De bellessa ses tue forte incantu
Non s'incontrat che tie simizante
Bella ses prus de sole in su levante
Prus de sa Luna tue das ispantu
Moghe sa rima su versu su cantu
Cudda tua mirada penetrante
Pius ti miro pius m'innamoro
Rosa dechida chin sos pilos d'oro

Peppe Montesu
Jannarju 2017

De seda

De seda ricamadus ses deliru
De semidas caentes sa funtana
Ventada vrisca de aghera sana
Chi mi faghes su petus che chiliru
M'intrat totue su tou suspiru
Daennemi calore briu e gana
Onzi momentu su coro mi furas
Tristesa canzellanne e amarguras

Peppe Montesu

De sos mios deliros

De sos mios deliros amorosos
Ses causale tue ingrata e dura
A mie feris cun tanta bellura
E mi lassas in dolos turmentosos
De sos mios dolores afannosos
Pare chi godas chene n'aer cura
In arriscos de mort'a mie as postu
Chin cussu coro prus de preda tostu

Peppe Montesu
Marthu 2017

Amica de sos sognos

De sos sognos chi fuin ses amica
E de sas notes chi non colan mai
De sa carena frita e in tatai
Ventulada pius de foza sica
Canno su coro ti narat arrica
No istes in afannu e arguai
Ses tue amica chi mi das corazu
Pro cussu longu ranchidu viazu

Peppe Montesu
Sant'Andria 2016

Lamentu e coro

De su coro dolente su lamentu
Intenne jeo si li mancas tue
Addoloridu nieddu che nue
Ti chircat in totue in patimentu
A bios istat non passat momentu
Cheret bolare e benner' a cue
Si li mancas arreat in fastizu
D'ateru nudda ne tenet abizu

Peppe Montesu
Nadale 2016

M'ammento

De te m'ammento non t'apo in olvidu
Pro sa gentile rechesta mannada
Pares istella in terra falada
Brillas pius de sole appena essidu
Su coro meu che raju as colpidu
E custa rima a tie est dedicada
M'auguro prestu e ti canatre ancora
Gemma dechida brillante aurora

Peppe Montesu

Mai m'istanco

De ti amare no m'istanco mai
Mai ti lasso amadu tesoro
Alenu ses e biu e custu coro
Morit si ses luntana in arguai
Cannu li ses vicinu est ohi jai
Lu allughen sos tuos rajos d'oro
Ses tue d'isse eterna aurora
Ca li das lughe e lu amas ancora

Pepee Montesu
Capidanne 2016

De tie

Su destinu de tie no m'at dadu
pro t'amare deliscia momentos
sos afannos cunnidos de turmetos
m'an privadu e te cor'istimadu
atera in coro non n'apo serradu
son pro te sos mios sentimenti
mai ti apo a ponnere in olvidu
amore bellu chi apo perdidu

Peppe Montesu
Nadale 2016

Non mi at dadu

De tie no mi at dadu su destinu
Momentos de deliscia pro ti amare
Inoghe in piantu a lacrimare
solu mi as lassadu in su caminu
pensenne a tie m'esso e su tinu
non resesso a ateru a pensare
pruite in tanta pena m'as lassadu
morinne in bida pro t'aere amadu

Peepe Montesu
Nadale 2016

De una rosa

De una rosa m'at puntu s'ispina
a su coro dolente est iarrivada
Sambenosa sa ferta m'at lassada
Non resesso a li ponner meichina
Mi dolet forte sambenat lanzina
S'anima paret in petu istratzada
Fertas dolentes son custas de coro
Canno dat dolu su punghere issoro

Peppe Montesu
Capidanne 2016

Colpidu

De zeniu e bellessa m'as colpidu
In su coro un'ispina as puntu forte
Si no mi amas n'acato sa morte
Viver non potu de goi feridu
Su coro meu si cheret unidu
Intro su tou in sa matessi sorte
Sa vida mia tue l'as in manu
Amami tue pro chi torre sanu

Peppe Montesu
Jannarju 2017

Dea mi pares

Canno t'ido mi prenas d'allegria
inteno in conca campanas a festa
Ses che zefiru ch'infriscat sa testa
Chi da cumentu a s'anima mia
Venus mi pares in terra manifesta
Ch'allughes totu de amore e ghia
Che a issa ses tue triunfale
Dea d'amore chi vinchet su male

Peppe Montesu
Capidanne 2016

Dechida

T'abbellit e t'adornat su sorrisu
E sos ojos lughentes dan'ispantu
De su chelu tripudiu se cantu
Fiore 'e su terrenu paradisu
Su veranu m'ammentas in su visu
E d'umidu lentore pares mantu
A Flora superadu as in bellura
Dea e s'olimpu dechida ermosura

Peppe Montesu
Jannarju 2017

A tie totu do

Dechida ses grasciosa
in totue perfetta
De deas sa diletta
De su giardinu rosa
Si non t'amo m'est cosa
Si non m'amas non so
su coro totu do
a tie cherjo amare
a tie ap'adorare....

Peppe Montesu
Sant'Andria 2016

Deus t'at dadu

Deus t'at pienadu de bellura
Senza perun'achitu t'at pintadu
Tratu e galania a tie at dadu
Chin tecus no at apidu misura
ideale t'at fatu in ermosura
Ca tue mare e terra as incantadu
Belleza che a tie un'ater'una
Non bi at chi la gires Terra e Luna

Peppe Montesu
Nadale 2016

In eternu

Dia istare in etenu mirene
Sos ojos tuo anghela dechida
Pro poder dare a s'anima ferida
Cunfort'in su disizu ch'est proenne
A issos in continu cuntemplenne
Pro cant'in custu munnu tenzo vida
Mai de cussu mi dia istracare
Si tue a mie los lassas mirare

Peppe Montesu

Dia pro te

Dia pro te bambola amorosa
Sas fiammas ardentes isfidare
Non b'at muraglia e mi poder firmare
Non b'at refrenu e non bi at cosa
Solu pro te delicada rosa
In sos abissos che diap'intrare
Pro balanzare a tie do sa vida
Tottu pro te anghela dechida

Peppe Montesu

Dia pro te

Dia pro te dechida columba
Isfidare marinas e muntagnas
De sa terra sichire sas intragnas
Intrare vivu in s'oscurosa tumba
Sonare arpas violas e trumba
In aeras desertos e campagnas
Si tue mi lu pedis bella mia
totu pro te deo fagher dia

Peppe Montesu
Capidanne 2016

Diapo in s'ora chi ti so amenne
Vestire pannos de altu podere
In cuss'ora a ti dare piaghene
Sos cuvados ardores tripisenne
Su chi ses in su sognu disizenne
Ti dia dare faghennemi mere
Su capu tou o su professore
Chin tecus solu daenneti amore

Faeddami

Faedda a mie racontami e nara
Prite de custu coro no as dolu
Prite li negas amore e consolu
Prite li das a isse pena amara
Sas fertas de amore li repara
No lu mantenzas goi in oriolu
Tottu su ch'apo pro te sol'ebbia
Jeo in d'un'istante dare dia

Peppe Montesu
Jannarju 2017

Dispostu a t'amare

Jeo a ti amare so dispostu
Si ti dispones de amare a mie
Su coro t'apo a dare solu a tie
Si soe in cust'amore currispostu
Custu su coro meu m'at impostu
E a isse obbedo note e die
Amami bella chi ti do recreu
A tie solu est su coro meu

Peppe Montesu
Sant'Andria 2016

Distruimi

Distruim' in sa mente sos turmentos
Chi dae coro li suni arrivenne
No mi mantenzas de goi aspetenne
sos tuos cherj'ischire sentimenti
faghe cessare sos brutos momentos
chi su sogn' amorosu sun turbenne
ispanna dae conca donzi nue
si mi amas sincera nara tue

Peppe Montesu
Sant'Andria 2016

Prena d'ispinas

D'ispinas dolorosas ses piena
Chi m'ana puntu e m'an trapasadu
Su coro m'ana fertu e m'an lathadu
E infritadu su samben in vena
M'as garrigadu de dolente pena
Pro mi esser de te innamoradu
Pro te ingrata pro te solamente
Apo perdidu amicos e zente

Peppe Montesu

Dizosa

t'ap'a fagher dizosa amica mea
prite cara mi se e t'amo tantu
de amore pro te form'unu cantu
d'idillios chi tenzo in sa idea
Tue Venus galana Citterea
Ermosura dechida ses ispantu
Dizosa t'ap'a fagher de amore
Lizu istimadu meu incantadore

Peppe Montesu
Nadale 2016

Sos ojos tuos

Sos ojos chi pintadu ti an in cara
So' sa funtana de su meu deliru
Sa miradas che abba in su chiluru
S'intragna mi trapassan bella rara
janna de paradisu sun sas laras
Chi mi lean s'alenu e su respiru
Bella s'amas a mie in volo in chelu
Supra su gaju de su meu anelu

Peppe Montesu

Maju 2017

Chin s'ojada

Tue mannas amore chin s'ojada
Chin sa bellura mi ligas e prenes
A s'anima calore das e rennes
Volat lizera chin cussa mirada
Dea e s'Olimpu in terra falada
Chene fiamas su coro m'inchennes
A ti est incantu ed est recreu
Ma non das passu a custu coro meu

Peppe Montesu
Maju 2017

In sa Luna

Bio in sa luna sa tua belleza
Mi ammentat su sole sa lucura
In sas nies che vio sa friscura
De su visu che faru e candidesa
A sas aeras s'anim'enit resa
In s'intrigunu currenn'est sicura
In s'univesu chircanne est a tie
Lassare cheret s'intragna e a mie

Peppe Montesu
Maju 2017

Ferta dolentes

Dolentes ferin sas puntas d'amore
Chi mi das tue e inaspris continu
Fringhene in coro e allughen su sinu
Mortale paret s'issoro dolore
Mi moris de s'intragna d'ogni ardore
Finas a canno non torras vicinu
Tanno su chelu s'aperit de nou
Si torro a esser cuddu amadu tou

Peppe Montesu
Nadale 2016

Mi intimas

Dolente mi inferzis e m'intimas
Canno mi negas sa tua mirada
su coro mi pienas rosa amada
de piantu de dolu e de lagimas
ascurta tue sa poveras rimas
chi essin dae s'anim'affannada
jeo solu d' amore pedo a tie
ca t'amo forte onz'ora e sa die

Peppe Montesu
Capidanne 2016

Dolore in olvidu

Faghes immentricare su dolore
E mi pones sas penas in olvidu
Su bellu tou sorrisu dechidu
M'addulcat de su cor'ogni rancore
De su giardinu ses cuddu fiore
Chi dat ispantu a s'aflitu sentidu
Custu coro infunnes d'allegria
Canno t'isto miranne bella mia

Peppe Montesu
Capidanne 2016

Donzi die

Sa festa 'e sa femina ch'est passada
Vantidos bos an dadu a totu cantas
Ma solu tue a mie m'ispantas
Ca bella che a tie non binn'ada
Tue ses cudda sola chi mi dada
A su coro e sa mente puntas tantas
Su vantu lu meritas ogni die
Ca ispantu as fattu tue a mie

Peppe Montesu
Marthu 2017

In d'unu sognu

Dormo chin d'unu sognu isfavillante
Chi mi faghet costante cumpagnia
In sa mente mi cantat sa ninnia
Mi iscaldat su coro e m'est costante
Est una dea che sole in levante
Chi at in terra sarda sa nadia
Ojos d'incantu e pilos cindolados
Chi mi caentas dolos e ifados

Peppe Montesu

Duas Bellessas

Duas bellessas mi an'incantadu
No isco a cale dare sa corona
Una est de bellesa sa matrona
S'atera in simpatia m'at tocadu
Ambas tenen su tratu delicadu
Chi simizante non b' at in sa zona
Sun rosas d'altu rattu e de zenia
Manc'una perder d'issas ne cheria

Peppe Montesu
Sant'Andria 2016

Duas rosas

Duas rosa su ratu est allevenne
un'isparghennne ispart'est s'atera
una giovana bella verdadera
sa sicunda bellesa est promittenne
colore a su retratu ambas denne
paren de Botticelli Primavera
fiores de bellesa sarda rara
sas vidu goi simizante nara

Peppe Montesu
Sant'Andria 2016

Dulche funtana

Ses pro me abba frisca in asimizu
chi istutas sos sidos amorosos
dechida dea de tratos donosos
su sidu meu a tie t'est fizu
uguale non b'at a tie lizu
in colores e tratos zeniosos
tue frisca ses vena de amore
cristallina piena de dulcore

Peppe Montesu
Capidanne 2016

Pitzinna bella
Pitzinna bella ch'ischidas amore
Ses zeniosa dechida e galana
De disizos totue pones gana
In totue mi prenas de ardore
Su coro est in fiammas a brujore
Totu sos sensoz giamada mi dana
amurmutos su samben'in sas venas
Mi abbivat ardentes cussas penas

Peppe Montesu
Lampadas 2017

Dulche passione

Ses tue cudda dulche passione
Chi das afetu no lu negas mai
Ses de su coro costante arguai
De sa mia costante istimascione
Ses tue s'amorosa visione
Chi doles a su coro meda assai
Ses tue cudda amabile pintura
De tratu bellu piena e bellura

Peppe Montesu
Capidanne 2016

Dulches sognos

Dulches sognos alligras cantilenas
Torràn'in mente de tempus coladu
Canno cun tie su sero abrazadu
Intennia su palpitu e sas venas
Oras de paghe alligras amenas
D'unu coro sinceru innamoradu
Jeo ipo tuo e tue fis mia
Atteru intunnu prus nudda vidia

Peppe Montesu
Nadale 2016

Duos Lizos

Duos lizos de campu coloridos
Sun achimenne in d'unu giardinu
Su visu an coloradu purpurinu
Chi ardores ischidan ch'in dormidos
Friscos amenos bellos e dechidos
Profuman de amore e de gelminu
Dizosu chie los at al lograre
Custos lizos de campu singulare

Peppe Montesu
Sant'Andria 2016

Duessa

Prite mustras in fagher sa duessa
Chin no as in sos ojos ne in laras
A mie chi mi amas semper naras
Ma no mi das d'amore cuntentessa
Forzis sentis de mene carchi ofessa
Ca limbas anzenas oricra paras
Jeo non so su chi sas limbas malas
Istan narenne pro imbija in palas

Peppe Montesu
Jannarju 2017

E faeddas

Faeddas mi naras e faeddas
pares narenne ma nudda mi naras
no mi risponnes a dimannas gias
no mi dimannas e mai m'ameddas
sas paraulas mias las aneddas
a tie cosas mias nun su caras
paret chi mi mantenzas de iscorta
aspettenne e mi ponnere a sa porta.

Peppe Montesu
capidanne 2016

Visu e Dea

E m'aparit su visu d'una dea
Chi smi leat s'alenu e su respiru
Rest'incantadu confusu in deliru
Ca non t'aia goi in sa idea
Torrani su respiru bella mea
No mi mantenza de goi in regiru
Tue ses un'incantu una dulcura
Rosa fozida dechida ermosura

Peppe Montesu

Agustu 2016

A s'improvisu

E poi a s'improvisu aparis tue
Bella galana lughente che Dea
Dae s'ora sa mente e sa idea
Sichini a tie infatu totue
Tue su petus d'amore m' allues
Ca ses de coro sa fiamma mea
Mi brujas intro alenu e respiru
Rosa galana e su meu regiru

Peppe Montesu
Jannarju 2017

Ello Proite

Ello proite columba dechida
ti mi mustras a mie goi dura
si sichis gai in sa sepoltura
mi che pones a mie intr'e bida
chin custu coro non sias perfida
a tie amat solu ista sicura
attera non ne chircat ne ne amat
A tene solu palpitat e giamat

Peppe Montesu
Jannarju 2017

Canno amat

Canno amat su coro dat'afettu
E a bios arreat palpitenne
Cuss'ispina ch'a isse les punghenne
Dolu li dat ma li dat pur' isettu
Donzi puntura li ponet deretu
de amore disizu ch'est brujenne
punghet s'ispina e brujat su coro
penas ti dana sa puntas issoro

Peppe Montesu
Lampadas 2017

Pro ammirare a tie

Essini a foras pro ti ammirare
Sos mortos chi bi sun'in campusantu
Falan anghelos totu in dulce cantu
Pro ti poder totue acumpanzare
Tue sas mentes faghes regirare
Piludos coros ponenn' in piantu
Jeo mortale chi tantu ti amo
Onzi istante in totue a tie bramo

Peppe Montesu
Santu Gavine 2016

Pro cussa vorta

Pro cussa vorta una vorta ebbia
ch'a tie apo dadu una mirada
dae tanno in su coro ses restada
essida non bi ses mancuna via
como ses mere de s'anima mia
tue chin tecus ti che l'as leada
sena su coro mi cheret lassare
ca chi su tou si cheret istare

Peppe Montesu
Jannarju 2017

Dea de chelu

Est de su chelu sa dea ch' adoro
Non bi at ateruna simizante
Lughet pius de sole in su levante
Prus de sa prata e pius de s'oro
Donzi trama mi sonat de su coro
e lu ponet in bios palpitante
non bi at che a issa un'atera
assimizu non n'an ne sole o luna

Peppe Montesu
Jannarju 2017

Est giuradu pro te

Est giuradu pro te s'afetu meu
Mai bi morit e arreat costante
Est de amore sa vena bunnante
Che riu impetuosu dat recreu
Finas chi vida a mie mi dat Deus
Unica e sola ses tue s'amante
Tue sola as de coro su podere
Atera non binn'at ses tue mere

Peppe Montesu
Sant'Andria 2016

Sa mente in regiru

Est sa mente in regiru e visione
A palpitos su coro t'est chirchene
Sas laras vellutadas paren nenne
Beni a sa chircada passione
Jeo so chi ti do afezione
Declarati no istes aspetenne
derettu naramilu si mi bramas
peri chi parjan sas ojadas giamas

Peppe Montesu
Marthu2017

Fagher ti dia

Fagher ti dia de bellos fiores
Unu morbidu lettu a ti ninnare
Cun petalos de rosa cucuzare
Pro ti ponnere sos nuscus e colores
Sognos deliros pienes d'ardores
A tie dia in cue dedicare
Ma solu in sognos custu fagher dia
ca tue ses luntana bella mia

Peppe Montesu
Capidanne 2016

Faghes immentricare

Faghes immentricare su lucura
De su sole caente in s'ispuntare
Sa e sa Lunas faghes oscurare
Ca tue prus de issos as bellura
Sos ojos tuos amada pintura
Abbaglian de amore in su brillare
Non bi at che a tie risplendente
Che gires da Levante a su Ponente

Peppe Montesu
Santu Gavine 2016

Faghes volare

Faghes volare donzi fantasia
Totu las moghes sas cordas de coro
Tue las giogas e su sonu issoro
Lu revertis in dulce melodia
Su petus lassat cut'anima mia
Ifattu tou amadu tesoro
Mi mantenes ischidu notte e die
Si tanco ojos so sognenne a tie

Peppe Montesu

Falada in Nugoro

Ohi cantu mi vrighet a su coro
Cussa bellesa e cuss'ermosura
Pares de Paradisu creatura
Vennida in terra falada in Nugoro
Pius ti miro pius m'innamoro
Ca mi pienes d'amorosa arsura
De recreu ses vena e de incantu
In umbe colas semenas ispantu

Peppe Montesu
Frearju 2017

Falas dechida

Falas dechida piena e candore
Chin portamentu regal'elegante
Pius de faru ses tue abbagliante
Pius de sole das tue isplendore
Sos ojos tuos frizas de amore
Lassanna isvenidu ogni passante
Zeniosa ses dea de bellura
Campione e sa zona in ermosura

Peppe Montesu

Fantasias e sognos

Fantasias e sognos d'incantu
Pones in mente e intro e coro
Canno mi ses lontana m'addoloro
T'isto mutinne dolus'in piantu
Oscurosa s'aera ghetat mantu
Cuvanne rajos lughentes de oro
Ma apenas tue mi venis vicina
Torrat s'aera lughente ladina

Peppe Montesu

Fiamas de coro

Fiamas in su coro allughes tue
E sos sognos infunnes de ardore
Bunnante ses funtana de amore
Chi abba cristallina das totue
mi mantenes in nues rue rue
Che foza infusta d'umidu lentore
Pares de chelu sa manu divina
Abbagliante aurora matutina

Peppe Montesu
Santu Gavine 2016

Su cantu de su manzanu

Dulche suave unu rosignolu
cantat in s'aurora lucorosa
li risponnet chin voche armoniosa
sa filumena leanne su bolu
dae coro cancellas donzi dolu
tue prenda dechida zeniosa
canno benis vicinu acantu a mie
sena sa note si tinghet de die

Peppe Montesu
Jannarju 2017

Fina a sa morte

Fin' in sa morte a tie ap'amare
Ses imprimida in s'anima mia
Solamente pro te pro te ebbia
Su coro meu at a palpitare
In chelu terr'in su prufundu mare
In totue pro tene morrer dia
Olvidare non podet custu coro
De ojos tuos sa bellessa issoro

Peppe Montesu
Agustu 2016

Giamat su coro

Giamat su coro a frizas feridu
Mutit a tie custa mente mia
Totu de me dare ti cheria
Est totu tou su coro oprimidu
In intro sou bi as fattu nidu
A tie amat solamente ebbia
Lu as in manu tue ne ses mere
Jeo so como che isciau essere

Peppe Montesu
Marthu 2017

Fiore apossianne

ses che fiore in s'apossiare
de colores piena e de bellura
in sa nitida aera ses friscura
ses recreu de s'aju a ti mirare
ses oriolu chi faghe sognare
pares de chelu divina pintura
zeniosa simpatica egalan
rundine ses in s'aea sana

Peppe Montesu
Capidanne 2016

Fiore d'incantu

Fiores ses de incantu
de sa mia bramosia
Chin tecus volare dia
Supra s'isteddadu mantu
Bella ca ti amo tantu
Intenne sa giama mia
Tua amadu rusignolu
In s'aera beni a bolu

Peppe Montesu
Capiadnne 2016

Firma columba

Firma columba de goi non fuas
Non so babau non apas terrore
Dad'ap'a tie afetu e amore
E como sas aeras mi annuas
Nara pruite s'intragna mi luas
It'est chi apo fatu cal'errore ?
Daemi assunessi una risposta
A sa mia dimanna ista disposta

Peppe Montesu
Sant'Andria 2016

Firmati ingrata

Firmati ingrata mi chi so in pena
Ca de afannos pienad'as a mie
Jeo pro culpa de amare a tie
isto che fera ligadu a cadena
Sicadu m'as su samben'in sa vena
E m'as lassadu prus fritu de nie
Chene mi narrer pruite e comente
Ti ses zirada pejus de serpente

Peppe Montesu
Nadale 2016

Firmu arreo

Firmu arreo a su ch'apo giuradu
No mi lasso da tie allontanare
su corpus meu poden inserrare
ma chin sa mente t'arreo attacadu
peri siapo mortu e sepultadu
continuu eternamente ti ap'amare
no mi firmat ne tempus ne disterru
custu amore pro te est rocca e ferru

Peppe Montesu
Jannarju 2017

Fiza de Gennargentu

ses de montes niados sa bellura
creschida in sos castagnos seculares
sas graniticas predas pro altares
an cunsacradu sa tue ermosura
pares de Flora sa sarda iscultura
vennida in terra pro las adornares
de Gennargentu ses rara bellezza
naschida in sa terra Desulesa

Peppe Montesu
Capidanne 2016

Focu

Custu focu chi apo in petus meu
Solu tue lu podes istutare
Bella si non dezidis de mi amare
In focu mi consumo e in afeu
Negadu m'at a esser su recreu
Solu tu lu podes ravivare
Si custos ojos bier galu cheres
Chi mi amas bisonzat chimi neres

Peppe Montesu
Marthu 2017

Forte mi torrat

Forte mi torrat crudele s'ammentu
de basos e carignos chi m'as dadu
d'issos manc'unu n'apo immentricadu
torran continu in su pensamentu
tanno su coro intrat in turmentu
chircat a tie che disatinadu
ma no lu podet sa mente frenare
istat mutinne sichinne a chircare

Peppe Montesu
Jannarju 2017

Giardinu

Giardinu ses de frutos prelibados
Pren'e nuscos deliscias incantu
Ses in totue a nomea e spantu
Ca de bellesa los ammajados
Sos passantes ne restan'incantados
Ca bellura ch'ispannas est tantu
Sos frutos chi possedis sun divinos
E alligran contradas e caminos

Peppe Montesu

Gosu de ojos

Gosu a sos ojos mios das continu
E chene focu m'allughes fiamas
Si tue bella sinzera mi amas
De amore det'esser su caminu
Ma si mi naras no so miserinu
Trapassadu chin puntas e chin lamas
Columba naramilu si m'as caru
Derettu mi lu nara in modu craru

Peppe Montesu
Nadale 2016

Hermosura

Hemosura perfeta e singulare
Deus de totu a tie at dotadu
In bellesa sa parma ti at dadu
A tie at cherfidu incoronare
Mai coro mi das de ti lassare
Cun tecus notte e die erep'istadu
Senna in s'iferru ti dia sichire
In sas fiamas amore a pedire

Peppe Montesu
Nadale 2016

Su passadu

S'ammentu tou mi torrat e venit
pienu de cuntentu e disisperu
semper su coro mi colpitu abberu
che busilada mi corfat e ferit
da ala in ala su petus m'aperit
punghet che lanza e leat sa mente
firmat s'alenu n'arreo morente

Peppe Montesu
Nadale 2016

Sognos

Illusiones sognos e dulcuras
Intran' in mente mea lenos lenos
Afusos bios suspiros alenos
Mi caentan de venas sas frituras
De una ninfa suaves belluras
Intenno e bio in sognos amenos
Ses tue chi m'aparis rie rie
In sas aeras ses mutinne a mie

Peppe Montesu
Nadale 2016

Immagine pintura

Ite suave immagine e pintura
Sa chi m'as imbiadu cara dea
intrada est lena lena in sa idea
e m' at corfadu sa tua bellura
mancu in s'Olimpu simil'ermosura
binn'at istadu a idea mea
tue a su tempus li pares fughida
rosa de su giardinu pius dechida

Peppe Montesu
Frearju 2017

Immentricada

Forzis immentricada ti ses tue
Forzis de me no as prus ammentu
Ma intro e coro meu mai ispentu
Si est su focu e brujat tottue
Ancora chirco inoche e in cue
Mutit su coro a tie a numes tentu
Ponner non cheret a tie in olvidu
Prite d'amore eternu l'as colpidu

Peppe Montesu
Marthu 2017

Imprimida in coro

Impremida ti apo in coro meu
ses tue sa chi amo e chi adoro
ses solu tue nobile tesoro
chi mi pones in gaju e in recreu
ohi cantu ti amo jeo oddeu
cantu t'istimo cantu t'apo in coro
ses tue de sa mente su deliru
tue ses chi mi pones reggiru

Peppe Montesu
Sant'Andria 2016

In afannos

In afannos d'amore mi turmento
In deliros de mente e in regiru
lamentosu l'intenno su respiru
Su coro in giamas a palpitu sento
Su visu tou costane m'ammento
Donzi pensieri meu juco a ziru
Si tue a mie mi mantenes goi
Senza feridas morjo nanne ohi

Peppe Montesu
Frearju 2017

In afannu

In afannu trambustu e in turmentu
M'as postu bella chin d'una mirada
In sa mente e in coro ses intrada
E mi mantenes che foz' in su bentu
A tie de ti amare ap'in s'intentu
Ses tue solu sa prend'istimada
Tue mi ses faghenne totu custu
Sufro dolente leannebi gustu

Peppe Montesu
Sant'Andria 2016

In brazos mios

In brazos mios istringher ti dia
Abellu a abellu narenne ti amo
S'amore chi pro intenn'e bramo
In cuss'istante dare ti cheria
Ma tue ses luntana anima mia
E solu chin sos palpitos ti giamo
So morinne in penas e disizu
Ca no apo de te presente abizu

Peppe Montesu
Frearju 2017

In Deliru

Sa mente mia i deliru costante
a tie istat chircanne notte e die
si ischeras s'afetu ch'apo a tie
no mi eres mantesu menguante
ischis columba non paso un'istante
ca as feridu e accisadu a mie
jeo de goi non poto pasare
si tue non dezidis de mi amare

Peppe Montesu

Frearju 2017

Sa tua bellessa

In ojos juco sa tua bellessa
In laras cuddu basu apo serradu
In d'un'istante totu m'est mancadu
Senz'ischire pruite chen'ofessa
Sa funtana de briu e cuntentesa
In afannu e in pena m'at lassadu
In dolu m'at lassadu e agonia
S'amore prus sinceru chi aia

Peppe Montesu
Nadale 2016

Sos ojos in sos mios

In ojos tuos isprico sos mios
S'alenu tou caente respiro
Sas laras tuas incantadu miro
Su cor'intenno palpitenn'a bios
de sa mente oriolos e ninnios
innamoradu e incantadu giro
solu pro ti amare arreo in vida
prenda gentile ridente dechida

Peppe Montesu

In ojos tuos

in ojos una flebil'amargura
cuntrastat sa bellesa de sas laras
morbidas bellas unicas e raras
chi dan'ispantu a sa tua bellura
sos pilos brundos sa petinatura
faghen'adornu a sa carre giara
dulche pintura chi faghes sognare
cussos chi colan a t'abbadiare

Peppe Montesu

In ojos tuos

In ojos tuos m'isprico e mi miro
M'ifunno totu in su respiru tou
De incantu mi vestis semper nou
Istanne firmu s'universu ziro
S'alenu tou inteno e respiro
Intro e coro mi punghes che zou
Onzi cosa e tene m'est mutinne
S'anima mea amore est pedinne

Peppe Montesu
Santu Gavine 2016

Semper incantas

Semper'incantas chin cussa mirada
Galu sos coros faghes palpitare
Su visu cun sas laras d'ammirare
Amorosa sun galu fiammadas
Non t'at su tempus pro nudda tocada
Galu sas mentes pones a sognare
Su trattu tou de nobile dama
Allughet fogu d'ardente fiamma

Peppe Montesu
Lampadas 2017

Prus de prenda

Dechida prus de prenda ses incantu
Chin cusos ojos chi ferin su coro
Est de abbagliu su lughere issoro
E a su visu bellu azunghen vantu
Sa visura descriet un'ispantu
De delicadu e fine decoro
Deus chin tecus tantu s'est tratesu
Ca in bellura totu ti at resu

Peppe Montesu
Lampadas 2017

Sa cara chi m'at incantadu

Sa cara ermosa chi m'at incantadu
in sonnu onzi note mi la bio
la giamo e prus vicinu la cherio
sena in su sonnu la chirco ammajadu
parma vera su coro m'as furadu
onzi biu onz'alenu a tie imbio
nara si carchi borta mi as in mente
si mi pensas lugore risplendente

Peppe Montesu
Lampadas 2017

In Oriolu

In oriolu bella as postu a mie
E su coro mortale mi as colpidu
In alenos d'amore e isfinidu
Isto ogni ora de notte e de die
T'amo amare cherjo solu a tie
Sol'atie ap'in coro e i sentidu
Ses tue chi mi moricas su coro
Attera non ne cherjo a tie adoro

Peppe Montesu
Marthu 2017

In penas

In penas custu coro m'as lassadu
Mi l'as feridu ed est a lamentu
so bios afidanne est a su bentu
t'istat mutinne che disperaddu
prite coro ti ses innamoradu
pro ti ponner in dolu e in turmentu
prima currias liberu in s'aera
como ses mortu sena cunsidera

Peppe Montesu
Santu Gavine 2016

In penas de amore

In penas de amore so brujenne
Ca tue bella m'as infiammadu
Sos ojos tuos mi an'incantadu
E de deliru mi ses pienenne
Su coro non si firmat palpitenne
Che caddu pladore bibrilladu
Tue m'as postu reggiros d'amore
Chi mi pienan de dulce dolore

Peppe Montesu
Marthu 2017

In penas mi consumo

In penas mi consumo de amore
Pensenne a tie no apo reposu
Su visu tou dechidu e donosu
Lu tenzo in coro e mi dat dolore
Ca non poto assazare su sapore
A laras de su visu zeniosu
M'afanno in su disizzu e ti basare
E sos bios de coro assaporare

Peppe Montesu
Capidanne 2016

In pensamentu

A tie bella in su meu pensamentu
Apo costante ti bio totue
Ma prite bella non mi miras tue
E mi mantenes in custu turmentu
Jeo brujanne so che fogu tentu
Ma su tuo non brujat non b'alluet
Si in coro pro me as carchi istima
Naramilu derettu cantu prima

Peppe Montesu
Marthu 2017

In pettus meu

In pettus meu firma cussu bolu
pro intennes sos palpitos de coro
anelu e bios ascolta t'imploro
beni a lis dare recreu e consolu
no lu mantenzas in afannu e dolu
ca t'amo forte t'istimo e t'adaoro
no mi dexas in dolu e in anneu
posa su volu tuo in pettus meu

Peppe Montesu
Capidanne 2016

In reggiros

In reggiros istenne note e die
su tempus meu pass' addoloridu
non riposo no dormo e ist' ischidu
mente e coro chircanne sun' a tie
chisciai bella s'ammentas a mie
si tue puru mi as in sentidu
custos afannos mi sun'uchidenne
in sognos de amore palpitenne

Peppe Montesu
Sant'Andria 2016

Fagher dia
In rimas unu poema tesser dia
Pro ti cantare dechida ermosura
In tela dia ponner sa bellura
De su visu ch'ischidat onzi ghia
De marmaru pro tene bella mia
Ere fatu immortale un'iscultura
Solu pro esser in su coro tou
Su munnu itreu dia fagher nou

Peppe Montesu
Nadale 2016

Apo vidu una Dea

In sa funtana apo idu una dea
De fatura e bellesa singulare
Fit graziosa elegante in s'annare
Amorosa e dechida in sa idea
Currenne lestra it s'anima mea
Pro si poder de issa inebriare
Ma arribad'est in s'ora su maridu
Chi m'at firmad'in pettus su sentidu

Peppe Montesu

In sa niera

Sos rajos de su sole in sa niera
paren fritidos coros ischidare
bios respiros solen ricamare
aes bolenne in sa nitida aera
s'arrivu de sa bella primavera
naran sos rios chin su murmutare
su ventu una ninnia t'est sonenne
a custu coro chi ses ischidenne

Peppe Montesu
Frearju 2017

Notte de mudore

In sa notte 'e mudore chirco a tie
in sa lucura de su firmamentu
in sas ninnias chi vatit su bentu
in sa aurora arveschene die
amorosos turmentos das a mie
non dan dolore e n'arreo cuntentu
in su fritu in s'abba in sa calura
a tie chirco galana bellura

Peppe Montesu
Jannarju 2017

Ricamanne

In sa tela pintadu unu fiore
A manu una rosa ricammenne
Idechid'issa bellura l'est denne
A puntos d'agu a rajos de luore
Galanu bellu ritratu d' amore
Ch'ispantadu so jeo ammireenne
Artistica idilliaca bellura
Chi tancat cust'immagine visura

Peppe Montesu
Nadale 2016

Mi pones in sa tumba

In sa tumba mi pone coro amadu
Chene te plus non poto istare
Menzus sa morte si non poto amare
A tie accisu bellu delicadu
Sena in sa losa chi so suterradu
A tie onzi momentu ap'a giamare
Dae sa tumbas sos lamentos mios
An'a essire e intenner sos bios

Peppe Montesu
Santu Gavine 2016

In s'ala tua

torturella gentile in bramusia
chi libera in s'aera leas fua
pro volare lizeri in s'ala tua
marineri de chelu mi cheria
volenne impare a tie bella mia
e giocanne ins'aera a cua cua
luntanos da afannos e da penas
in litos bellos e terras amennas

Peppe Montesu
Santu Gavine 2016

Faco unu nidu

In s'anima pro te facu unu nidu
e chin sa tua la ponzo a istare
In coro meu deven abitare
S'accisu tou e su visu dechidu
Totu sas penas chi tue as patidu
In petus meu las des sepultare
Sos rajos de su sole inserro in coro
Pro ti los dare nobile tesoro

Peppe Montesu
Jannarju 2017

In sas lagimas

In lagimas lu tanco su dolore
De custu coro chi tue as feridu
In issas de amore est su sentidu
Peri no appan neunu colore
Las caentan fiamas e brujore
De cuss'amore chi m'as imprimidu
A su ventu amorosu las affido
Chi las cunsignet a tie cunfido

Peppe Montesu
Santu Gavine 2016

In s'eternu

Est de incantu sa tua figura
E de gentile as modu e trattu
Tue innamorare mi as fatu
Colpidu m'at sa tua ermosura
Si tua amas a mie ista sicura
Chi mantenz'eternu cussu patu
Si tue rosa amare des a mie
Jeo in s'eternu ap'amare a tie

Peppe Montesu
Capidanne 2016

Cosumidu

So cunsumidu In su disizu tou
arrematadu in continu deliru
afannosu mi essit su respiru
de su patire non fago montou
in coro paret chi apa unu zou
su piantu m'affogat donzi airu
si tue no mi amas e das cara
mi pones biu inintro una bara

Peppe Montesu

Bi faco nidu

In su pettus pro te bi aco nidu
Cun ramos de armidd'a pumas d'oro
Sas craes t'apo dau de su coro
Ca de amore mi lu as feridu
A palpitos e bios pispinidu
Ti est giamanne nobile tesoro
Narami tue ite fago jeo
Morjo d'amore s'aspettanne arreo

Peppe Montesu
Jannarju 2017

Non poto prus cuvare

De coro su patire prus cuvare
jeo non poto mi dolet assai
in pena mi as postu e arguai
a tie tenzo solu in su pensare
incantadu mi as a ti mirare
mutit su coro non si firmat mai
non si firmata arreat fue fue
si calmat solu si lu mutis tue

Peppe Montesu
Jannarju 2017

Bella in visura

In visura ses bella e singulare
Ma pius bella ses in sa persone
Su vantù ti chi dan est chi rejone
Cas ses incantu veru 'e ammirare
Non bi at che tie a la chircare
Un'atera uguale visione
Abberu ses sa bella e sa galana
Che tie bella bidu non ne ana

Peppe Montesu
Sant'Andria 2016

Sa Zaramontina

In Zaramonte bio as fatu nidu
Ma su numene tou est muntagninu
Bellu sa tratu dechidu est su sinu
Chi ponner no si poden in olvidu
A ti mirare pones gana e sidu
Sen' a su coro l'arzas su palpidu
Pares sa primavera fiorida
chi ammentat de Venus sa naschida

Peppe Montesu
Jannarju 2017

Incantu de Ojos

Incantu ses de ojos e maghia
Chi mente coro m'as totu pienu
Prus de fiamma caentas s'alenu
De cust'isperanzosa anima mia
basos carignos dare ti cheria
in litu fioridu o campu amenu
tue de custu coro ses vestale
meighina potente e ogni male

Peppe Montesu

Infiammadu

De su disizzu tou infiammadu
mai t'olvido ti amo costante
mancu su pius duru diamante
iscalfit custu coro innamoradu
como ti amo e t'apo amadu
de un'amore veru palpitante
sas muntagna si poden cambiare
ma jeo sempre a tie sico amare

Peppe Montesu

Frearju 2017

Inserrada in su coro

Inserrada in su coro ti cheria
Pro vier de s'amore sa funtana
Umbe tue dechida galana
Das sos cumannos a sa rima mia
Pro cantare sos verso chi cheria
Canno da issu tue ses luntana
pro chi lo podas ascoltare tue
e ti consolen umbe ses totue

Peppe Montesu
Santu Gavine 2016

Inserrada

No m'essis dae coro t'apo in testa
inserrada che prenda bi ses tue
nidu b'as fatu a fozas d'oro cue
e canno bi ses tue faghet festa
non mogas mai sepre ine resta
tantu ti venit infatu tottue
arrea cue fiore galanu
istabi semper da sero a manzanu

Peppe Montesu

Frearju 2017

Intro su coro meu

Intro su coro meu as fatu nidu
Mi as sa mente i reggiru furadu
S'ammirada lughente ch'as ghetadu
Mi at lassadu morente isvenidu
A frizas de amore m'as colpidu
Iscampu a custu coro no as dadu
No m'uchidas crudele in agonia
Ca amo solu a tie a tie ebbia

Peppe Montesu
Capidanne 2016

Viver non poto

No mi servit sa vida si non t'amo
Viver non poto si no amo'a tie
No importat de viver goi a mie
Si no apo vicinu sa chi bramo
Sa morte a boche manna tanno giamo
Patire no mi lessas prus gasie
Morte si no mi amat beni tue
Viver non cherjo picami a in cue

Peppe Montesu
Lampadas 2017

Isetenne

Isetenne unu basu unu carignu
Mi lassas tue in penna e disizu
Nara si custu ti ponet fastizu
E si d'amore tou non so dignu
Pro piaghère daemi unu signu
Nara si intro e coro n'as abizu
Declara bella si mi as afetu
Si m'amas nara naralu derettu

Peppe Montesu
Nadale 2016

Umbe ses

Umbe ses amorasa joja mia
Mi mancan sa mirada grassiosa
Cudda giama gentile e amorosa
Chi parian suaves melodia
M'as lassadu in tristura e agonia
Non ti pot'olvidare no est cosa
Torra derettu chi non pot istare
No mi mantenzas de goi a penare

Peppe Montesu
Marthu 2017

Inzusta zelosia

Lassami custa inzusta zelosia
A tie solu bramo cara Dea
Unica ses in sa mente mea
A tie amo solamente ebbia
S'ere potidu a tie mustraia
De cor' e mente onzi mea idea
Istanne certa amo solu a tie
Non ti ponzas penser beni e rie

Peppe Montesu
Marthu 2017

Iscio...

Iscio chin sa manu tremulante
Su coro est a palpitu in suspiros
S'anima in viazos e in ziros
Chircat a tie dulce car'amante
In sognos de amore delirante
Chene crejuras , in milli regiros
Umbe non bi at edu ne edade
Chene tristura e ne malidade

Peppe Montesu
Frearju 2017

Ispina dolente

Cust'ispina dolente ch'apo in coro
M'est faghenne sufrire e mi dat pena
Su samben mi sucutas de sa bena
A sa muda ne sufro e m'addoloro
Ca tia amo t'istimo e ti adoro
Che tiranna m'astringhes sa cadena
No mi das de amante su recreu
Solu penas mi das coro meu

Peppe Montesu
Marthu 2017

Ispinas

Ispinas sun dolentes sas chi tue
In su coro m'as puntu de amore
Si che las dogas mi dan prus dolore
Lassalas puntas lassalas in cue
Si che las dogas anno ruerue
Anzi si podes faghe su favore
Punghelas forte mantenelas puntas
Ma si lu podes d'amore las untas
Peppe Montesu

Canno ti so acantu

Istare dia continu mirenne
A tie bella ca ses un'incantu
Canno t'abbojo si ti so accantu
dae petus su coro m'est lassenne
Sas laras tuas mi paren narenne
Veni deretu lassa su piantu
Beni chi est inoghe su consolu
A su continu tou istare solu

Peppe Montesu
Capidanne 2016

A palpitos su coro

Istat su coro a palpitos e bios
Canno li ses lontana amore meu
Pranghet ti mutit istat in afeu
Paret appunta e dare sos adios
Sena e prantu mi essin guttios
Si mi mancat de te cuddu recreu
Ite pena e dolore istare solu
Chene poder de te aer consolu

Peppe Montesu
Santu Gavine 2016

S'istentu de sa natura

Istentu s'at leadu sa natura
Canno sestadu ti at e pintadu
Sos tratos delicados chi t'at dadu
Simizantes non bies in bellura
De graniticas venas as friscura
Pius de rosa ti at profumadu
Ses s'adornu sa prenda su fiore
Vennida in terra e ti giamo amore

Peppe Montesu
Capidanne 2016

Issolves

Issolves de so impetos su frenu
de amore sas benas mi aperis
Su coro lu penetras e lu feris
Totue de ardore so pienu
S'arranchiu pesante chi fit lenu
De impedicas tue l'allizeris
A sos ojos d'amore ses reina
Aurora dechida matutina

Peppe Montesu
Sant'Andria 2016

Nara

Isto pro te in reggir'onz'ora
In arguai ti penso continu
A palpitos su coro intro e sinu
Dae su petus ch'est essinne fora
Ma tue rosa bella incantadora
Mi mantenes in dolu e in pibinu
Nara si m'amas naramilu nara
Si no a biu mi ch'intro in sa bara

Peppe Montesu
Santu Gavine 2016

Istriores d'amore

Venin in venas d'amore istriores
Disizos in sa mente sun nitidos
Bramas de coro a bios unidos
Sun'a miscuru diventan'ardores
cuvadas penas pianas d'amores
mi allughen sos senso e sentidos
canno cuss'ora ata a arrivare
de t'astringhere a mie e de t'amare

Peppe Montesu

Agustu 2016

Ite cheres chi ti die

De meu ite cheres chi die
Prus de s'amore chi totu ti do
Mai in sa bida t'ap'a narre no
Nudda pro te jeo lasso a mie
Sena su samben ti do rie rie
Finas ch'alenu apo e biu so
Sa vida mia est a tie dada
Ca est a tie solu dedicata

Peppe Montesu
Jannarju 2017

Ite pena ite dolore

Ite pena ite dolore
a ne seperare una
che sole mi paret una
totu piena e lucore
s'atera pren' est d'amore
pius bella est de sa luna
si Paride essere istare
sa mela dia truncare

Peppe Montesu
Capidanne 2016

Su coritu

Su coritu sestadu as a modellu
De pannos fines e luchidas sedas
Umbe abitas sa natura arredas
A totu das colore che prinzellu
Su coro m'as colpidu chen'apellu
Totu ti do bastet chi lu pedas
Daeimi tu solu solu pro favore
Una promissa de mi dare amore

Peppe Montesu
Jannarju 2017

Juches in laras

Juches in laras su coro pintadu
De sambes tintu de ruju colore
In su visu de purpura e candore
Sos ojos brillan ne rest'abagliadu
Su petus d'alabastru delicadu
Cuvan si bios e alenos d'ardore
Paren seda sos pilos de testa
S'anima volat perdid' est in festa

Peppe Montesu
Capidanne 2016

Lampana de simpatia

Lampana acesa sun de simpatia
Sos ojos tuos de raru splendore
Donzi mirada m'acennen'amore
E mi brujan de brama donzi bia
Puntas de focu chi su coro ebbia
Mi caentan de pena e de ardore
Dami sa morte ma non nelzas no
A s'amore chi cherjo e chi ti do

Peppe Montesu
Jannarju 2017

Lassami chin sas manos

Lassami chin sas manos ispizare
Sos pilos tuos bellos aneddados
Intro sos ojos mi cherjo ispricare
Intenenne sos bio afannados
Cherj'intennere su coro palpitare
Cun sos risitos tuos delicados
S'anima tua cherjo astringher jeo
Poi de morrer sena a Deus peo

Peppe Montesu
Capidanne 2016

Ite Dulcura

Ite dulcura bellesa e incantu
As in su visu e in sa mirada
In tratos e aturas delicada
Moghes ardores 'e cuvad'ispantu
Non basto deo a ti dare vant
Rosa bella e ratu profumada
Ninfa non b'at ne diva ne dea
Assimizante a tie bella mea

Leghere in ojos tuos

A carignos d'amore cinta cheres
E pienada de basos ardentos
Dia sas laras tuas atraentes
A sas mias unire si m'ameris
E canno istacare che las deres
Vier sos ojos tuos sorridentes
in issos dia legher' cantu t'amo
a tie cantu istimo e solu bramo

Peppe Montesu
Capidanne 2016

Lepiu zefiru

Bentu ses tue e lepiu zefiru
Chi vatus dulches e suaves sonos
In sa mente melodicos intonos
A mie ischidas ponenne regiru
Emotziones afannu e respiru
Mi das a mie che dizosos donos
Paret chin tecus no apat edade
Su tempus prejoneri in libertade

Peppe Montesu
Frearju 2017

Lizera rundinella

Delicada lizera rundinella
Ch'in pensametu ses ponenne a mie
A donzi istante so pensenne a tie
Intro serradu parjo in d'una zella
Non dormo ne a notte ne a die
Ca ses de chelu sa lughente istella
Hoi cantu mi doles a su coro
Ma prus mi dolet prus a tie adoro

Peppe Montesu
Agustu 2016

Disizu

Ancas veladas chi vatin disizu
Cuczadas de gai ponen sidu
S'uju si arzat umbe no est bidu
E in venas su sambe dat fastizu
Dereta a sa mente dat abizu
Paret su coro ne reste feridu
Epuru pro sa mia mala sorte
Canno ti biet muttit pius forte

Peppe Montesu
Santu Gavine 2016

Lughe giara

Tue ses in s'iscuru lughe giara
Azudu e zoja intro su dolore
Mi caentas che sole e das calore
Nitida abbae cristallina e rara
Ses mucarolu ch'assutas sa cara
Ses infinida d'infinidu amore
Su coro mi pianas d'allegria
A tia amo solamente ebbia

Peppe Montesu
Frearju 2017

Lughe no apo

Lughe no apo prus in ojos mios
Si innantis non t'apo e ses luntana
S'iscuru ch'in s'annoju in coro m'ana
Firmadu de sos sognos sos fruscios
Dae coro pius no m'essin bios
Mirenne solu una muda ventana
Che ramu sicu aspetto su ventu
Ca dae truncu no ap'alimentu

Peppe Montesu
Nadale 2016

Luminosa bellura

Luminosa bellura chi s'incantu
Moghes canno mi miras chin s'ojada
Vestale ninfa de rios fadada
Ses po sa mente ca li das ispantu
Figura chi canzellas su piantu
De sa dolente anima afannada
Ses tue meichina a sa tristura
che fiore chin s'ape das dulcura

Peppe Montesu
Capidanne 2016

Luna risplendente

Ses tue cudda luna risplendente
In note crara sas prus brilladora
Frizas saetas che frisca aurora
Cun s'ojada e su visu sorridente
Pares sole naschinne in oriente
Nenne a su coro ischida ch'est ora
Tue feris donzunu a ti mirare
Luna amorosa de devere amare

Peppe Montesu
Frearju 2017

Luntanu

Peri chi da e te sia luntanu
Ista sicura columba istimada
Non colt die non passat notada
Chi non pensep'a tie fittianu
Mancari je nono t'apapo a manu
Mai un'istante ti ap'olvidada
Onzi momentu a tie pensenne
De t'abrazare de nou aspettenne

Peppe Montesu
Frearju 2017

Mi atraes

De bellesa m'abbaglias e incantas
Cun sas grascias chi tenes mi atraes
Sa miradas de lughe chi mi daes
Sunu frizas in coro totu cantas
De simpatia e zeniu ispantas
De mente coro t'apo dadu craes
Canno cheres aperi e intra tue
Faghebi nidu deo aspetto in cue

Peppe Montesu
Jannaju 2017

Ma no lu perdo

Ma no lu perdo de te cuss'amentu
Chi mi carignat dolente su coro
Galu in sas laras mias t'assaporo
Ancara a mie tue das cuntentu
Su focu e coro mai s'est ispentu
Gal'in cadenas mi tenet che moro
Sempere tu sas craes las giughes
Galu d'amore mi arzas e rughes

Peppe Montesu
Sant'Andria 2016

Mai m'olvido

D'amare a tie columba amorosa
Mai m'olvido in perun'istante
Mai pro me det'esser bastante
S'amore tou incarnada rosa
Viver chenza certu non est cosa
A bi pensare n'arreo tremante
Pro viver dae tene separadu
Menzus in d'una tumba sepultadu

Peppe Montesu

Frearju 2017

Mai

Mai s'amore meu at a finire
T'amo in eternu dechida galana
Sena sa morte m'at a esser vana
Sena in sa losa a tie apo a mutire
Su firmamentu totu at ischire
In s'universu ammentare l' ana
S'amorech'apo a tie est gai forte
Prus de sa vida e prus de sa morte

Peppe Montesu
Nadale 2016

Mai ti lasso

Non ti lees neunu pensamentu
si tue ses fidele e ses sincera
mai ti lasso istimada pandera
inoghe ti lu fago a giuramentu
onzi cosa ti do onzi cuntentu
acatanne su mediu e manera
prus de s'aera a tie isto vicinu
paris faghimus tottu su caminu.

Peppe Montesu
Capidanne 2016

Maleichenne s'ora

Maleico cuss'ora e su momentu
Chi m'as lassadu inoche a penare
In mesu a tantu dolu a lacrimare
Turbadu dae penas in lamentu
Como mi brujat prus de fogu tentu
Su coro chin su sou paplitare
Torra columba no mi lasses goi
Morinne so chin sos de coro ohi

Peppe Montesu
Frearju 2017

Pro chi luntanu

Pro chi lontanu mi fetat istare
sa dura sorte non timas columba
eternu amore finas a sa tumba
continuu custu coro ti at a dare
mai de te m'apo a olvidare
e custu chi ti naru certa arrumba
ista sicura tue e certa arrea
solu tue bi ses in sa idea

Peppe Montesu
Jannarju 2017

Mancu sa Luna

Mancu sa luna mi dat prus abboju
No mi faeddat comente un via
Galu chin issa mirare cheria
Sa chi non bio pius chin cust'uju
Cudda chi non mi dat prus acunoju
Chi apo semper in sa mente mia
Dimannare cheria 'e cussa Dea
Chi m'atit semper custa mente mea

Peppe Montesu
Sant'Andria 2016

Mannas dulcura

Serena mannas dulcura
de bellesa ses dotada
che a tie non binn'ada
mancu dea in ermosura
amami si no m'est dura
rosa bella profumada
mai m'apo a olvidare
in eternu t'ap'amare

Peppe Montesu
Agustu 2016

M'as atiradu

S'uju distratu mi as atiradu
Ca de bellura ses potente faru
Su corpus tuo dechidu est e raru
Chi su samben a mie at caentadu
Su coro pius forte at palpitadu
Tremenne sun sas ancas chen'imbaru
Tue m'as dadu s'iscossa potente
Tremidu as totu dae coro a mente

Peppe Montesu
Marthu 2017

Rajos de bellesa

Mannas rajos lughentes de bellesa
Chi abbaglian de ojos sa mirada
Rosa galana nuscosa incarnada
Bena bunnante vrisca e gentilesa
Mi pianas de ghia e cuntentesa
Canno ti bio in ventana acerada
Se s'aurora de milli colores
Pianas ses de lughe e de ardores

Peppe Montesu
Santu Gavine 2016

Dae me dividida

Canno ses da mene dividida
No at importu nudda cor'amadu
Vivere dae te allontanadu
Mi prenat de afeos custa bida
Istat s'anima in petus aturdida
E su coro a palpitos cuvadu
Lantanu dae te non poto istare
Prestu deretu coita a torrare

Peppe Montesu
Jannarju 2017

M'as colpidu

Chin frizas de amore m'as colpidu
Su coro mi as puntu e trapassadu
Cussu visu chi tue m'as mustradu
Intro su coro mi l'as imprimidu
Mortale da amore so feridu
Pro cuss'ojada bella ci m'as dadu
Non resseuso pius a olvidare
Pius bi penso prus ti cherjo amare

Peppe Montesu
Marthu2017

Mere t'apo fatu

Mere de custu coro t'apo fatu
ca as tratu distintu e nobilesa
funtana de sa mia cuntentesa
de nobilesa distintu as su tratu
a cadena ligadu est su cuntratu
e serrada in su coro cuss'intesa
bella pro cantu in su munnu arreo
a tie solamente amar'ap'eo

Peppe Montesu
Frearju 2017

Mere tue

Su coro meu como tenes tue
Est in podere tou si lu cheres
Si tue in podere meu esseres
Unidos istaimus in totue
Si tue cheres ne venzo a in cue
Ambos a pare nos faghimus meres
Tue amenne a mie e jeo a tie
Rosa dechida candida che nie

Peppe Montesu
Capidanne 2016

Sinzales

Sinzales mi as dadu bella mia
chin sa mirada e chin su sorrisu
canno ti miro su rujore in visu
ti acennet sa cara e simpatia
in s'istante sas laras si podia
basare ti las dia a s'improvisu
assazanne de gai su dulcore
d'una rosa su nitidu lentore

Peppe Montesu

Luminosa

Mi as de sole sos ojos pienu
De lucura m'as illuminadu
Non bi at che a tie in su criadu
Astru prus luminosu e prus amenu
Tue ses dea in su munnu terrenu
Sa chi a mie su coro at furadu
Ischidadu mi as venas passidas
Aperinne d'amore sas feridas

Peppe Montesu
Capodanne 2016

Ispina in coro

M'as postu in su coro ispina fissa
Chi mi leat su sonnu e su sentidu
Dae su prim'istante chi t'ap'idu
De t'amare est istada sa promissa
Fidele arreo atacadu a issa
Ca mortale su coro mi as colpidu
Columba a cust'amore non ti cuas
Cust'afetu crudele non distruas

Peppe Montesu
Jannarju 2017

Inserradu in coro

Mi lu as tue su coro inserradu
In fortes rezas de veru amore
Si che esso a mie dat dolore
Chi no inteno si isto ligadu
Unu nidu in intro bi as formadu
A chimuzas e ramos in fiore
S'istare inie a mie dat recreu
In foras d'isse totu m'est anneu

Peppe Montesu
Nadale 2016

In mesu corcacadu

Mi dia cherrer in mesu corcadu
A bois ambas astrintas a mie
In notte longa aspetanne die
Po fagher cue su c'apo sognadu
Onzi disizu m'aia cazadu
In cussas oras chin vois inie
Ma so s dizzos impresse mi passan
Colan deretto e solu mi lassan

Peppe Montesu

Su coro a palpitare

Mi as postu su coro a palpitare
So in tripisu a tie mirene
Su petus tuo paret a mie nenne
Beni ainoghe a mi carignare
Sa mirada mi faghet allumare
Tottu e te mi est piaghenne
Tue ojos d'incantu mi as colpidu
Mi lassa fertu in amorusu sidu

Peppe Montesu

Totue chirco

Chirco totue in umbe ses tue
In mare in terra in chelu in s'aera
De t'acatare non bi at manera
Sinzosde te non b'at in neddue
M'as lassadu in piantu rue rue
Ses isparida crudele chimera
Dae sa die no acato passu
In laras vringhet cuss'unicu bassu

Peppe Montesu
Lampadas 2017

Mi est afannu

Afannu m'est lontanu t'istare
arrea tristu custu coro meu
pienu de velenu e de afeu
sufrit ca non ti podet abrazare
gai dolente sichit a giamare
mutit su tou a li dare recreu
e canno li risponet d'onzi pena
li passat e li torrat bona lena

Peppe Montesu
Marthu 2017

Mi leo ifatu

Mi leo ifatu sa tua bellura
Intro sa mente la juco pintada
In coro meu ti apo inserrada
Chin tecus intro no apo paura
Parto ma ti promito ista sicura
Chi fidele t'arreo nina amada
Catu prima deret'ap'a torrare
Ca mi est chene te mortal'istare

Peppe Montesu
Jannarju 2017

Giamas

Mi paren giamas sos tuos cummentos

Chi dà e coro tou sun'essinne

No los est prus sa mente tratteninne

Ma accorados essini a istentu

Benin a mie paren forte ventu

Narenne paren beni so sufrinne

A tie so pensenne in disisperu

In coro t'apo e ti amo abberu

Peppe Montesu

Incantu de beranu

Mi pares de incantu unu veranu
Adornadu de chimas e fiores
Sos de visu t'imporporin colores
Chi pares aurora su manzanu
Sa mirad atraente rennet vanu
Cuddu e coro tremante timore
Veni pares narenne acurzu a mie
Deo so aspettenne solu a tie

Peppe Montesu

Aurora a rajos d'oro

Mi pares s'aurora a rajos d'oro
chi s'arzat su manzanu in su levante
ojos de simpatia penetrante
ses tue chi corfadu m'as su coro
de sa tua mirada m'innamoro
e n'arreo acecadu menguante
no mi mantenzas de goi dolente
in penas de amore sufrerente

Peppe Montesu

Mi turmentat

Mi turmentat e dolet su pensare
chi lontana m'arreas cor'amadu
si podia a bolu ere zumpadu
montes e abbas cantu b'at in mare
solu pro t'idere biere e toccare
sos benes de su munnu ch'ia dadu
ma m'arreo aflitu in disconsolu
so inserradu e non leo bolu

Peppe Montesu
Jannaru 2017

Mi vinches

Sognos d'amore in conca mi pones
Disizos in su pettus mi allughes
Sa redossia la vinches e rughes
Chin sa bellura chi as e dispones
Canno mi miras gai paret sones
Sas cordas de su coro chi mi sughes
A umbe cheres mi ligas e prenes
Ma no m'uchides totu a mie rennes

Peppe Montesu

Agustu 2016

Mi vringhet

S'ojada m'at ferid e m'est mortale
Su visu tou ponenne deliru
Alenu mi sucutas e respiru
So coro mi penetras che pugnale
vringhet su coro che ferta chin sale
sa mente mia pones in reggiru
mi uchides si tue no mi amas
e mi secas de vivere sas tramas

Peppe Montesu
Frearju 2017

Mira Columba

Mira columba chi t'apo in su coro
Chi in afannu pro te so e pena
Issorvela dereta sa cadena
Ca so in dolu prenu e secacoro
Jeo t'istimo ti bramo e t'adoro
Ses che samben chi curret in sa vena
A tie solu bramo d'istimare
Bella si as in mente de mi amare

Peppe Montesu
Nadale 2016

T'apo miradu

T'apo miradu e m'ischido mortale
Su coro m'as colpidu e dat afannu
Est a lamentu paret ch'apat dannu
Canno li ses lontana patit male
Donzi mirada tua li est fatale
Mutinne a tie est in dolu mannu
Beni a lu cunfortare e dali amore
No lu lessas in palpit'e dolore

Peppe Montesu
Nadale 2016

Miro s'aera

Miro s'aera aflitu isconsoladu
In ojos t'ido e t'apo presente
In dolu vivo ti naro comente
Podet viver su coro cust'istadu
Custu tristu destinu m'est tocadu
De ti lassare sola amaramente
Contos sas dies in afannu solu
In afannu pro tene e disconsolu

Peppe Montesu
Sant'Andria 2016

Miradas

Sun che pugnale sas tuas miradas
Tottu cantu de te mi est fatale
Sun sas tuas miradas che pugnale
Chi in coro fatale sun'intradas
Vintas sa resistenzias fascadas
Su coro est tou no li facas male
No li trattes ti prego tinannia
Amare cheret solu a tie ebbia

Peppe Montesu
Frearju 2017

Miro su visu e ses un'incantu
Sos ojos tuo mi an'ammajadu
deretu m'at su coro palpitadu
Ti at amadu e ti amat tantu
Lu colpis e lu prenas de ispantu
Su samben totu li as supuzadu
De bellasa ses tue frisca vena
Prus de Diana pius de Elena

Morjo

Morjo pro te ca no mi cheres tue
Morjo ca no intennes custu coro
Morjo pro te morjo m'addoloro
Morjo ca m'as su coro fertu in cue
Morjo ca mi mantenes rue rue
Morjo ma ca ti amo m'addoloro
Morjo ammenne solamente a tie
Morjo pro chi no ames tue a mie

Peppe Montesu
Capidanne 2016

Coro mortale

Mortale custu coro m'as feridu
issalenadu pro te palpitenne
ma tue altera lu ses olvidenne
non t'importat si est addoloridu.
Como ch'at isse s'alenu finidu
est a tocheddu in petus pranghenne
pruite no lu giamas si as dolu
dali columba su tou consolu.

Agustu 2016
Peppe Montesu

No istes affliggida

No istes affligida torturella
Pranta corazu chi t'apo in su coro
A tie solu istimo a tie adoro
Continu mi des esser sentinella
Ses in s'iscuru sa lughente istella
Chi in su chelu brillat che i s'oro
Ma i assa esser da me dividida
Pro cantu apo respiru e so in vida

Peppe Montesu
Freaju 2017

Mustra dulcura

Muda columba cussu pensamentu
Faghet 'amena mustra sa dulcura
Abbandona sa fea indole dura
Isculta dulce su meu lamentu
Jeo so in delliru onzi momentu
Tiranna no mi des sa sepoltura
S'accanida prosighis tue goi
Mi ponenes in sa tumba pren'e ois

Peppe Montesu
Marthu 2017

Mutinneti invanu

Si intennes su palpitu o su biu
de custu coro chi ti amat tantu
si su ventu ti vatit su piantu
chi m'essit dae ojos ch'unu riu
si su sonu t'arribat che ninniu
de una voche de omine afrantu
cusse so deo a tie luntanu
in pena e dolu mutinnet'invanu

Peppe Montesu
Capidanne 2016

Ti mirat s'uju

Ti mirat s'uju in su caminare
istat a bios su coro sichinne
sa laras mudas ti sunu mutinne
son'in turmentu ti cheren basare
So in tripoju e tantu penare
de dolore amorusu so sufrinne
si no mi torras de amore ojada
donzi lughe pro s'est oscurada

Peppe Montesu

Nara

Nara s'a mie mi pensas mi nara
custu so aspettenne naramilu,
Iscrielu in littera de papilu
Iscrielu deretu a cifra crara.
No mi che ponzas intro una bara
a sa rechesta mea dali asilu.
Nara si tue a mie as istima
naramilu deretu rosa prima.

Peppe Montesu
Agustu 2016

It'est ch'as fatu

Nara it'est ch'as fattu a custu coro
Chi palpitat pro tene solu ebbia?
Nara columba mustrali sa via
D'amare a tie nobile tesoro
Ischis ch'a tie bramo e solu adoro
No mi lesses in custa tirannia
Amami e alenta sa cadena
De s'amoros chi mi ligat pena

Peppe Montesu
Marthu 2017

Narami bella

Narami bella s'amore as a mie
Nara s'a mie as intro su coro
Jeo ti amo t'istimo e adoro
Donzi momentu penso solu a tie
Sos ojos tuo bellos rie rie
Mi mannan frizas inferzidas d'oro
Canno non t'ido so in mille penas
Ca ses su samben chi apo in sas venas

Peppe Montesu
Marthu 2017

Narami

Narami chene duda si m'as caru
Non ti cuves non fagas milli ziros
su tempus meu colat in suspiros
In afeu arreo prus amaru
Videne iscuru in su locu craru
Pienu de affannos e deliros
Narami si a m'amare ses disposta
Daemi cantu prima una risposta

Peppe Montesu
Sant'Andria 2016

Narami tue

Narami tue chi'est custu dea
Umbe abitat .nara s'est terrena
Non bi at dea non bi at sirena
Bella de goi a s'idea mea
Pius bella est de Venus Citerea
Su coro mi at post' in dolu e pena
Chi cussos ojos de bellessa rara
Est un'incantu sa luchida cara

Peppe Montesu

Su motivu veru

Ses solu tue su veru motivu
Chi vivente resist'in custa vida
Ses tue de cust'inferru sol'essida
E pro amare a tie arreo vivu
Resto in afannu de ateru brivu
Si m'amas tue donosa dechida
Solu si m'amas tue mi dat lena
Solu pro te amada sirena

Peppe Montesu
Marthu 2017

Navighenne

Navighenne intr'e mares de afannu
Jeo so bella pro amare a tie
Ma si amore no mi das a mie
A custu coro li azunghes dannu
Ti so puntenne da pius de un'annu
Ma mi risponnes continu gasie
in edade non so aspetta ancora
canno so manna e drempida est s'ora

Peppe Montesu
Nadale 2016

Nemos mai
Nemos mai comente t'amo jeo
Ti at amare ne daret'istima
Onz'istante pius de su e prima
De t'amare pius a mie peo
Che a mie niunu penso e creo
Versos at a cantare a tie in rima
Si m'amas tue comente ti amo
De sognos una vida ti ricamo

Peppe Montesu
Frearju 2017

Nidu caente

Incoronas de laru su mudore
Cun sa mirada l'inferzis de brama
A s'aurora tue li ses mama
Ses nidu caentosu in su dolore
Menguante a tie pedo amore
In coro meu carignos ricama
Dami s'amore chi ti so pedinne
No mi ponzas a banna ammentatinne

Peppe Montesu

Frearju 2017

No aperjo balcone

Prus no aperjo balcone ne janna
in domo ist'inserradu note e die
Ranchidu solu so pensenne a tie
Che intro cella sena una cundanna
giamenne dolorosu a voche manna
pruite no m'istimas che a mie
in pena mi as postu e in piantu
com'est d' atitu su chim'essit cantu

Peppe Montesu
Capidanne 2016

No apo prus

No apo prus sos carignos tuos
sos modos grasiosos e s'afetu
passo su tempus semper in isetu
chi torremas impare totas duos
afannos meosnon tenen azuos
no los abbrandas prus tue deretu
ca como tue a issos ti li cuas
sas penas brujan e arrean cruas

Peppe Montesu
Marthu 2017

No istedas

No istedas a pranghere suspiros
Annade cudda ch'amo a bisitare
Nadeli chi la amo e l'ap'amare
Finzas ch'alinu m'essit e respiros
Pustis chi'azis finidu cussos ziros
Torrade novas d'issa a mi contare
Jeo aspetto chi torredas bois
Pro calmare sas penas chin sos ohis

Peppe Montesu
Nadale 2016

Obbligadu a t'amare
Non poto ma mi l'obligat su coro
D'amare a tie atraente dechida
Tue minn'as furadu anima e bida
In manos tenes su destinu issoro
a tie amo solu a tie adoro
semper ti penso parma fiorida
tue m'as de amore infiammadu
da canno t'apo vidu e incontradu

Peppe Montesu
Santu Gavine 2016

No m'olvido

No m'olvido de te mancu un'istante
a tie penso suspiro e ti giamo
in pensamentu ti tenzo e ti amo
ses in su coro ninnada costante
continuu ognu ses su sdelirante
s'idea ch'apo in mente e tantu bramo
tue ses tottu su chi cherjo jeo
ses cudda chi a Deus solu peo

Peppe Montesu
Frearju 2017

Non bastan versos

No mi bastan sos versos a cantare
Te tene dea sa bellesa rara
De diamante se sa lughe giara
Totue soles lughente brillare
Sos ojos virdes che abba e mare
Son duos astros c'adornan sa cara
Tue de s'errosura ses modellu
Pro sos pintores in tela e prinzellu

Peppe Montesu
Capidanne 2016

No m'abbandones

Si m'abbandonas dolente n'arreo
si non bi ses mi sento perdidu
sa lughe vera ses chi apo vidu
non ses abbagliu, cumbintu lu creo
ses solu tue sa chi cherjo jeo
atera non minn'intrat in sentidu
pro s'abbandonu daemi sa morte
ma sena mortu ti amo prus forte

Peppe Montesu
Agustu 2016

Su disizu

No mi lassat istare su disizu
No mi dat pasu su pensare a tie
S'ispina in coro chi as punt' a mie
Anzi momentu mi ponet abizu
Dolore goi no at asimizu
Ca no b'a ferta ne samben inie
Ma canno ses a mie vicina
Passat su dolu chene meighina

Peppe Montesu
Jannarju 2017

No mi lessas

No mi lessa in pena e in disizu
ca t'amo tantu m'agradis t'istimo
si ti apo a fiancu nudda timo
a mie das corazu e cuntepizu
canno t'apo vicinu tenzo abizu
a donzi cosa pius forza imprimo
tue mi moghes donz'alenu e briu
senne morinne mi torras a biu

Peppe Montesu
Marthu 2017

No as difetu

Non as difetu ne taca ne neu
Ne de bellesa bi at simizante
Tue ses s'aurora e su levante
Chi a mie dat lughe e dat recreu
In totu t'ad dotadu a tie deus
In donzi cosa t'at fatu bastante
Ses tue sa funtana de s'incantu
Chi umbe colas azunghes ispantu

Peppe Montesu
Nadale 2016

Non b'at cosa

Cosa non b'at chi descriat a tie
Non bi at cosa a tie simizante
Donzi cosa m'ammentas a s'istante
E mill'arcanos isvelas a mie
Pius de montes ses candida nie
E de su chelu s'isteddu brillante
Ma nemos d'issos tenet sa bellura
Chi tue tenes dechida ermosura

Peppe Montesu
Frearju 2017

Non bastat sa rima

A ti cantare non bastat sa rima
Ca ses d'incantu su mare infinidu
Tue de s'universu as reunidu
Su lugore bellesa e s'ora prima
Ses cuss'abbagliu calorosu istima
Chi in su coro a mie as colpidu
Canno ti vio bio s'aurora
La bio in te e la bio ad onz'ora

Peppe Montesu
Marthu 2017

Non b'at
Non bi at rosa non bi at fiore
ch'a tie vincat in nuscù o bellura
non bi at tela non bi at pintura
pius de tie chi apat colore
non b'at naschidu in terra iscultore
chi apat fatu che tie iscultura
mancu in s'Olimpu b'at naschidu Dea
ch'assimizet a tie bella mea

Peppe Montesu
Santu Gavine 2016

Non b'at prinzellu

Non b'at prinzellu e non b'at pintore
C'at pintadu bellesa che a tie
Mancu su sole ispuntenne die
At che a tie in simizzu lucore
Istidda pura d' umidu lentore
Chi mi vocas de tinu rie rie
Cun sa buca s'acisu e sa mirada
S'anima mia arreat incantada

Peppe Montesu

Non benit mancu

S'amore meu mai benit mancu
donzi die ti amo e t'apo in coro
costante t'amo costante t'adoro
si ses vicina e ti apo a fiancu
de istare chin tene mai istancu
ap'a istare nobile tesoro
si m'istimas costante che a mie
pius costante jeo istimo a tie

Peppe Montesu

Frearju 2017

Non bi at ae

Non bi at ae in sa ridente aera
Chi non ti det cantenne su saludu
Sena sa voche torras a su mudu
Canno ti viet ridente e lizera
Matutina aurora e primavera
Chi m'ispozas su coro nudu nudu
Sena su sole restat abbagliadu
Canno viet su visu immaculadu

Peppe Montesu

Che a Tie

Non bi at che a tie attera dea
Ne ninfa che a tie simizante
Tue ses s'aurora e su levante
Cudda ch'ischidat sa idea mea
Bella ses che a Venus Citterea
Chi d'amore m'allughes a s'istante
Jeo pro te mi fago ladrone
Si m'amas tue non timo prejone

Peppe Montesu

Non bi bastat

Non bi bastat su versu a ti cantare
A ti cantare non bi bastat rima
Tue in conca ses s'idea prima
E nemos ti che podet cazellare
Sichit su coro in palpitu a t'amare
Est sol'a tie chi sentit istima
Arreat isse a palpitos e bios
Nudda l'importat de sos versos mios

Peppe Montesu

Non bio

Non bio s'ora de ti abrazare
De t'istrighera mie Nina amada
Tue rosa gentile vellutada
Chi m'as fatu sa mente regirare
Canno cussu momentu at'arrivare
Sa brama mia t'at a esser dada
Conto sa dies cuss'ora aspetenne
D'essere paris a tie abrazenne

Peppe Montesu
Nadale 2016

Non colata mai

Non colat mai su tempus luntanu
Dae sos ojos tuos prend'amada,
Si no la vio sa tua mirada
mi paret note chi no at manzanu,
rosa dechida si no t'apo a manu
s'anima mia istat attristada,
solu tue la prenas de recreu
si ses vicina a su coro meu.

Peppe Montesu

Non Cheret

Non cheret custu coro ista sicura
Si non tue amare un'ater'una
Solu tue pro isse ses sa luna
Chi bagliore li das in note iscura
Sus tue chi lu pones in arsura
Cheret a tie atera neuna
De su disizu ses funtana tue
Chi li pones in coro e li allues

Peppe Montesu
Nadale 2016

Non cherjo vivere
Non cherjo chene te istare in vida
Viver non cheret custu meu coro
Si non m'istat vicinu sa chi adoro
No lu sopporto est pena infinida
S'anima mea dolente affliggida
Morit de dolos e puntas issoro
Viver non cherjo aflitu in afannu
Venzat sa morte prus pacu m'est dannu

Peppe Montesu
Nadale 2016

Su destinu

Non cherzo su distinu tramudare
Ca a tie m'at postu in su caminu
Tanno' sest gai istami vicinu
Ca ti cherjo d'amore pienare
Tottu s'afettu meu t'apo a dare
Su chi apo serradu intro e sinu
Si tue mi caminas a fiancu
S'amore meu non ti benit mancu

Peppe Montesu
Frearju 2017

Non m'amas

T'amo non m'amas e ne morjo jeo
Ne so morinne m'est forte dolore
Jeo ti amo e non mi das amore
M'esso e tinu si de goi arreo
Custos penseris in rima t'intreo
Ca prus de morte no apo timore
Si no mi amas daemi sa morte
No no l'azeto custa dura sorte

Peppe Montesu

Frearju 2017

Non ne poto mirare ateruna

Mirare non ne poto un'atteruna
un'atteruna no la poto amare
custu coro non podet olvidare
pro issu Sole tue ses e Luna
affeu est pro me e isfortuna
si tue no m'esseras istimare
sin non chin tie custu coro meu
no at prus gaju e perunu recreu

Peppe Montesu
Frearju 2017

Sognos

Sognos sas alas mi sezi ponenne
Chin sos disizos torranne a fiotu
Currenne a umbe issa sezi totu
De nou in venas mi sezi brujenne
Ifatu a bois so galu ponenne
De nou m'azes postu in abolotu
S'anima mia bos sichit ancora
Che istella cometa brilladora

Peppe Montesu
Trigulas 2017

In totue

A donz'ora e sa die penso a tie
Is sos sognos se fissa e ses costante
Tri bramat custu coro a d'onz'istante
Ses tues sola chi aggradas a mie
Sa mirada chi faghes rie rie
Semper la la juco in ojos innante
In sa venas a mie ses intrada
S'anima mea tue l'as furada

Peppe Montesu
Trigulas 2017

Non pot'istare

Non pot'istare sen'amare a tie
Viver non poto mi est pena dura
Fatale m'est istada sa bellura
De cussu visu tou rie rie
Amami bella tue che a mie
Torra in amore sa mia tristura
Si tu m'amas jeo torro a bida
Sin mi amas sa bida est finida

Peppe Montesu
Frearju 2017

Non poto

Non poto insensibile arreare
A sa rechesta chi tue m'as fatu
De ermosura ses bellu ritrattu
Pro galania ses de ammirare
Su versu a mie faghes ispuntare
Ca ses dechida e as fine su tratu
Solu a ti mirare das incantu
sa mente prenas e coro d'ispantu

Peppe Montesu

Non podet abba

Non podet abba istutare su focu
Chi as allutu tue in coro meu
Mancu sa morte sa chi nos dat Deus
At a lenire custu mannu affocu
Sena sa morte ghattada a irrocu
Mai at a binchere custu affannu meu
Sa tua rara dechida ermosura
Vinchet sa morte chin sa sepoltura

Peppe Montesu
Sant'Andria 2016

Non poto istare

Bella non poto istare unu mamentu
Si non t'ido su tempus m'est fatale
Mannami de amore unu sinzale
So in ascurtu intenno su ventu
Dae a custu coro su cuntentu
Si no ne morit , no li facas male
A tie est amenne in oriolu
Morinne n'est ca lu lassas solu

Peppe Montesu
Marthu 2017

Non podet

Non podet custu coro alligru istare
Canno dechida l'arreas luntana
Sos bios suos palpitu mi dana
Chi d'amargura mi solen prenare
S'anima tanno chircat de volare
Ca a sa sala si paret orfana
Ambos non poden istare in olvidu
Ca ses che abba chi cazat su didu

Peppe Montesu
Jannarju 2017

Non poto

Non poto si ti miro unu momentu
Ignorare su c'apo intro e coro
De ojos mios sa mirada issoro
Tue l'attiras e li das cuntentu
Si t'alluntanas mi est patimentu
Paret ch'apa perdidu unu tesoro
Pius non vivo a tie luntanu
Solu tue bi ses su restu est vanu

Peppe Montesu
Nadale 2016

Non poto

No poto istare luntanu da tie
Ses su respiru su biu s'alenu
su portu ses ridente e amenu
Chi custu coro chircat note e die
Si no t'intennet paret mortu sie
Chen'aer lughe de dolu pienu
Ses s'aera ch'a isse dat respiru
Ses de isse s'afannu su deliru

Peppe Montesu
Capidanne 2016

Non resessit...

Non resessitsa mente a cancellare
Sa tua tantu amabile figura
Trattos de dea d'umana ermosura
Chi custu coro faghes palpitare
S'accisu tounon poto olvidare
Si ses luntana n'arreo in tristura
Veni dereta consolami oddeu
Deliru dulce de su sognu meu

Peppe Montesu
Capidanne 2016

Non resessit sa mente

Non resessit sa mente a olvidare
Sos ojos tuos cun cussa mirada
Su coro mi as fatu palpitare
In dolu e pena est s'anima afannada
Bolu in s'aera cheren ispiccare
Chircare a tie cheren prend'amada
In letos de ispinas so dormenne
In amorusu tremit'isettenne

Peppe Montesu
Santu Gavine 2016

Non resesso

Non resesso su coro a l'abbrandare
Cun frizas de amore l'as colpidu
Dae canno columba ti at vidu
T'istat mutinne chene si firmare
Chin su tou si cheret incontrare
Chin isse solu si cheret unidu
Nara a su tou chi listet vicinu
Si isse est palpitenne intro e sinu

Peppe Montesu
Santu Gavine 2016

Non ses in olvidu

T'amo t'istimo e non ses in olvidu
A tie adoro ti penso e ti bramo
In coro e in sa mente a tie giamo
Ca mi l'as tue su coro feridu
Dae su primu momentu chi t'ap'idu
Semper intro su petu ti ricamo
Chin s'immagine tua minn'ischido
Chin issa dormo e in sognu la bido

Peppe Montesu
Marthu 2017

Sa proposta

Non ti poto mannare una litera
Ca su tempus a iss'at'arrimadu
Ma su versu a tie dedicadu
Lu faco annare liberu in s'aera
Pro ti vatire sa mia sinzera
Proposta d'unu cor'innamoradu
Si l'intennes risposta dali tue
Ponela chin s'alenu in carchi nue

Peppe Montesu
Santu Gavine 2016

Nudda mi firmat

Nudda pro te mi diat firmare
Si columba a mie das amore
De sos bentos e nies su furore
A manos nudas lu dias isfidare
Solu pro te sa bida dia dare
Chene aere de morte timore
prus de sa carre mea doles tue
pro me ses tottu non chirc'aterue

Peppe Montesu
Jannaju 2017

Nudda t'azunghet

Nudda t'azunghet a tie bellura
Non bi at cosa prus bella e te
As bellu totu dae conca a pe
Ses sa perfeta dechida pintura
A cifras d'oro in bell'iscrittura
Su vantù tou iscrier lu de
Non n'at naschidu ne n'at a naschire
Prus bella che a tie in s'avvenire

Peppe Montesu
Santu Gavine 2016

Deliros

Sognos deliros afannos d'amore
pienan custas notes longas meas
venis vicinu ti corcas arreas
a tie inteno e su tou calore
baso sa laras de dulce sapore
sudoradu m'arrico e in peleas
fit solu sognu boidu est su letu
palpita sufrut su coro in isetu

Peppe Montesu
Jannarju 2017

Si podia

Ohi bella si podia
Aer sos tuos carignos
O d'amore cuddos signos
Ch'unu tempus mi daias
Tanno custas penas mias
Totu si dian calmare
Ma las devo aguantare
Che istrajadu in sa via

Peppe Montesu
Agustu 2016

Canta bellura

Ohi canta bellura in cusu visu
cantu galana ses in cus'annare
coro non sicas goi a palpitare
pro custu bellu e delicadu acisu
si non ti fascas podes d'improvisu
dolente de amore iscopiare
ca tanta galania e dechidesa
sono crudeles in ora e vezesa

Peppe Montesu

Ohi cantu mi doles

Ohi cantu mi doles a su coro
Ohi cantu a dogn'ora a tie bramo
A tie solamente a tie amo
A tie semper solamente adoro
Semper ti penso nobile tesoro
Ad onz'ora e sa die a tie giamo
S'anima dae petu m'as lassadu
Chircanne a tie vrove delicadu

Peppe Montesu
Capidanne 2016

Ohi cantu ti dechet nina amada
Su mucadore de seda in sa testa
Intro su coro mi pones tempesta
S'anima ischidas chin sa tua ojada
Rosa ses de giardinu profumada
Chi mente e coro mi pones in festa
Tue alligras de tempus s'annare
Chi mi addulcas in su dolu istare

Peppe Montesu
Jannarju 2017

Laras

Ohi ite laras dulches de incantu
Chi mustras tue in custa visura
Giovanile ses dechida ermosura
De coro e mente zeniosu ispantu
De sestu fine totue ses vantù
Su visu tou e sa tua bellura
Deus t'at dadu d'onzi calidade
Immagine gentile de beltade

Peppe Montesu
Capidanne 2016

Ohi si ere ...potidu

Ohi si ere potidu torrare
A cuddos annos de sa giovania
A ti cantare in sarda poesia
Versos d'amore pro t'innamorare
Sas otadas prus bellas a rimare
A note luna in mesu e sa via
Aspetanne suta sa ventana
Visu e ojos chi colpidu m'ana

Peppe Montesu
Nadale 2016

Tramas de coro

Onzi tram'e su coro moghes tue
onz'alenu, onzi palpitu, onzi biu
ses su caentu e su deliru miu
semper ti penso e ti vio tot.ue
Ses ventu ch'ispannat onzi nue
ses abba vrisca d'unu lenu riu.
Tue ses su ninniu e ses su cantu
ses tue solu sa chi cherjo acantu

Peppe Montesu

Agustu 2016

Ojos

Ojos ch'in sa pupilla' an'iserradu
Su mare sardu sos suo colores
De su visu sos dechidos rujores
Chi Adornan s'acisu delicadu
Custu coro de te innamoradu
Canno ti viet est prenu e ardore
cantu t'istimo t'adoro e ti bramo
Venere sarda solu a tie amo

Peppe Montesu

Ojos chi ammentades

Ojos chi ammentades s'aurora
Canno de lughe pienat sa terra
Laras divinas chi ponen in gherra
Sos sognos mios chi bi an dimora
De bellesa funtana bunnadora
Su coro mi aperis perra perra
Anghela pares de arte pintura
Bennida inoghe pro dare bellura

Peppe Montesu

Abbagliadu d'incantu

Ojos chi de incantu m'abagliades
Canno bos vio arreo in reggiru
Laras chi mi firmades su respiru
Chin su colore chi bois mustrades
Melodias de coro su chi nades
Suaves prus de lepiu zefiru
Su visu tou dechidu galanu
Paret sole naschinne su manzanu

Peppe Montesu
Santu Gavine 2016

Ritrattu

Ojos nieddos, duos pinnadellos
Chi eguale non b'at in bellura
Sinos dechidos paren gioiellos
Chi cumpletan sa dechida figura
Pilos castanos lisciados e bellos
Chi nemos gai ne at tessidura
Laras chi paren pinturas de Giotto
Chi cheria basare ma non poto

Peppe Montesu

Agustu 2016

Incantada primavera

Ojos de incantada primavera
Ch'azes a mie su coro furadu
Visu gentile bellu delicadu
Chi de sa mente sezis s'incantera
Delicada profumas in s'aera
Adornanne d'incantu su criadu
Ses samben chi curret in sa vena
Chi mi ravvivat nobile sirena

Peppe Montesu

Ojos de sardas

Ojos de sardas chi chentu zenias
Azes pintadas in dogni mirada
De s'ispagnola in Pasca sacrada
E de Cartago in pregadorias
de moras sezis in solas ninnias
E africanas cann'abba non b'ada
Agrestes rudes che thirjos de ventu
che mare prenos pro dare cuntentu

Peppe Montesu
Capidanne 2016

Ojos de una amabile

Ojos chin d'un'amabile mirada
a mie azes colpidu de amore
Visu gentile chi mannat bagliore
De una dea in terra falada
Non bi at che a tie prenda amada
Atera chi mi sanet su dolore
Si lu giro su munnu tot'interu
Che tue non binn'at neuna aberu

Peppe Montesu
Agustu 2016

Donzi cosa

Onzi tou mania onzi disizu
ana esser pro me un cumannu
sena su sognu tou plus mannu
m'an'a ponner in mente cuntepizu
de donzi cosa dep'aere abizu
po chi no apas pelea o afannu
totu su chi disizas bella mia
in pedes tuos jeo ponner dia

Peppe Montesu
Santu Gavine 2016

Ojos Nieddos

Ojos nieddos prite mi mirades
Ghettanne frizas de amore ardente
Vois mi che furadas core e mente
E mortu chen'alenu mi lassades
Intro e me su sognu ischidades
Ma no li dades importu niente
In disisperu a mie azzes postu
Ca bos amo e bos cherjo a donzi costi

Peppe Montesu

Oriolu

Oriolu e su meu pensamentu
Chi su coro mi pones a penare
luntanu dae te non poto istare
in deliru ti giam' in turmentu
bios alenos chi lasso a su ventu
volan deretu pro ti visitare
de issos sos afannos tue intenne
intro e coro los liga e los prene

Peppe Montesu

Padrona de custu coro

Padrona tinne fato 'e custu coro
si mi das positiva una risposta
azeta cara sa mia proposta
no mi nes no nobile tesoro
jeo ti bramo t'istimo t'adoro
a cust'amore non ti mustres tosta
amami tue puru coro meu
ponimus custos coros in recreu

Peppe Montesu
Marthu 2017

Paren Pugnales

Paren pugnales sas tua miradas
Falan crudeles in su coro meu
Intunnu ziro arreo a rozeu
paren dulches cussas pugaladas
dae mente dereta canzelladas
sun sas ideas ch aia oddeu
in reggiru mi pones totu tue
mirene a tie anno rue rue

Peppe Montesu
Frearju 2017

Pares fiore

Pares fiore pienu e dulcura
S'ape isettenne a bilu suzare
Cantu la dia cherrer'asazare
Cussa deliziosa cunfutura
Accainne de gai cuss'arsura
Chi mi as postu sol'a ti mirare
Lentore delicadu 'e su manzanu
Chi dia cherrer toccare chin manu

Peppe Montesu

Pares mariposa

Che mariposa arrivas lizera
Donzi manzanu arveschenne die
Mi saludas venenne rie rie
Pares intranne una primavera
Deretta faghes nitida s'aera
Rajos de sole mi mannas amie
Pares de s'aurora fiza cara
Chi dat recreu a custa vida amara

Peppe Montesu
Agustu 2016

Fiore apossienne

Pares unu fiore apossienne
Ch'isparghet in s'aera s'errosura
Dechida rosa in frisca fozura
De raios luminosos ses lughenne
Sa vida totu a tie t'est daenne
Reina prus de Flora in sa natura
S'aurora naschinne in s'orizonte
Chircat a tie e ti enit de fronte

Peppe Montesu
Santu Gavine 2016

Tinta dae s'aurora

Paret chi tintu t'apat s'aurora
Cun rajos delicados che verbena,
Colore rosa delicada amena
Venis giocunda che sole a primora,
Pius de Venus ses incantadora
Prus de Diana menzus de Atena,
Sole e Luna ti faghen sentinella
Ca tra sas bellas tue ses sa bella

Peppe Montesu
Santu Gavine 2016

Paris impare

Jeo columba solu a tie adoro
A tie solamente istimo e bramo
De veru coro sinceru ti amo
A ti solamente tenzo in coro
si m'amas tue nobile tesoro
inie a tramas d'oro ti recamo
paris imapere bi fachimus nidu
umb'ap'a esser s'amante prus fidu

Peppe Montesu
Marthu 2017

Pensenne a tie

Pensenne a tie colo notes cantas
Cantas cosas de te enin in mente
S'ojada chin sun visu surridente
frizas in coro mi punghene tantas
De oriolos totue m'ammantas
Peri luntana mi pares presente
Ma poi arribat duru su manzanu
Lasso su sognu e non t'apo in manu

Peppe Montesu
Marthu 2017

Penso a tie

T'amo non pens'atera m'as feridu
Su coro est a palpitos dolente
Continu in pensieri ses e mente
Mancu un'istante ti tenz' in olvidu
Notes che colo in su letu ischidu
Disizenne a tie solamente
Luntanu dae te non poto istare
Non poto pius sonnu assecurare

Peppe Montesu
Marthu 2017

Prenda e su coro

Prend'istimada de su coro meu
Cantu m'as postu in cor'allegria
At'a esser pro te s'istima mia
Ateru coro no mi dat recreu
Tue virgine dea senza neu
Postu m'as amorosa in bramosia
Chene tene pius non poto istare
Sena in s'eternu a tie ap'amare

Peppe Montesu
Santu Gavine 2016

Perdidu

Perdidu arreo in sos ojos tuos
Intennenne e sa carre su calore
Venis acurzu truncas su mudore
Sos respiros si miscian ambos duos
De coro intenzo sos palpitos suos
Chene fiammas m'allugo in brujore
Ses in sos brazos mios como tue
Paris chin tecus jeo so in cue

Peppe Montesu
Frearju 2017

Perdona bella

Perdona bella cust'ardire meu
Ma cust'amore devo declarare
Mente e coro mi faghes regirare
A tie penso solamente oddeu
Si non ti so vicinu m'est anneu
E in dolu arreo a ti pensare
Pro dovere ti pedo una risposta
Nara si a m'amare ses disposta

Peppe Montesu
Sant'Andria 2016

Prite

Ello prite de custu coro no as dolu
Prite lu lassas in penas amaras
So isfinidu pensenne a sas laras
Chin no mi dana de basos consolu
No mi lasses columba in oriolu
Ca tue podes sas oricras para
Mustra chi m'amas e mi as in coro
Culumba bella istimadu tesoro

Peppe Montesu
Marthu 2017

Pienu de penas

De turmentos e penas so pienu
chene consolu semper in isetu
solu afigidu pensenne a s'afetu
chi caentavat custu fritu alenu
chene ischire in custu locu anzenu
novas de te istimadu oggetu
si no mi mutis n'acato sa morte
risposta adami ca ti amo forte

Peppe Montesu

Frearju 2017

Pius de s'aurora

Cann'aparis pius de s'aurora
Tue das lughe a su coro meu
su munnu paret tanno tot'intreu
In pedes tuos fada incantadora
Tue de sa bellura ses signora
funtana ses bunnante de recreu
issolves su lentore de manzanu
e su dolore 'ecoro faches vanu

Peppe Montesu
Capidanne 2016

Pius de Venus

De Venus sa bellesa as superadu
Simizante no as in gentilessa
De simpatia prena e cuntentessa
Donzi giovanu coro che as furadu
Su meu a s'istante innamoradu
Che l'as furadu chin pius lestressa
Aspeto chi ne torret chin su tou
Pro fagher de amore nidu nou

Peppe Montesu
Marthu 2017

Pius ti miro

Pius ti miro pius m'innamoro
tottue m'intras in coro e in mente
su visu tou bellu sorridente
mustran de ojos sa bellesa issoro
sa fronte alta cun sos pilos d'oro
paren rajos de sole in oriente
est de s'Olimpu sa prus bella dea
sa chi si parat a sa vista mea

Peppe Montesu
Nadale 2016

Pones disizu

Pones disizu a atteru disizu
Totu de issu sa vida pienas
Ma no ischis su ch'as intro e venas
O si in sa mente bi at carchi abizu
Ma si dezidis e pones cuntepizu
Finin de su disizu cussas penas
Si est de coro tue ischis abberu
O s'est disizu ef it passizeru

Peppe Montesu

Prego

A Deus prego e Santa Maria
De ti podes lobrare ca t'istimo
Bella ca t'amo ateru non timo
Nudda la firmat cust'idea mia
A tie solamente a tie ebbia
S'amore meu lu e esprimo
Nudda niente mi at a firmare
Cuntepizu ap'a ponnere in t'amare

Peppe Montesu
Jannarju 2017

Ti juco in s'intelletu
Tue ses sa chi juco in s'intelletu
sa chi in coro b'at fatu su nidu
sa divina bellura chi colpidu
a mie at ancora piseddu
ti amaia ancora zovaneddu
ti amo como omine cumpridu
a ti ap'amare in sa vezesa
sena in sa tumba chin s'anima resa

Peppe Montesu
Marthu 2017

Penso...

Penso chi bella det'esser sa rosa
De delicados profumos piena
Ma che a tie amorosa verbena
Non binn'at in giardinu preziosa
Tue jana m'incantas graziosa
E das color'in sa campagna amena
Non bi at dea non bi at istella
In su munnu che tie tantu bella

Peppe Montesu
Sant'Andria 2016

Prite

Prite penas e dolos mi disizas
Dae te custu certu cherj'ischire
Prite mi pones crudele a sufrire
E perfida a mie martirizas
De su male chi faches non t'abizas
E sichis che tiranna a mi colpire
ammentati però chi t'ap'amadu
e semper t'apo in coro inserradu

Peppe Montesu
Nadale 2016

Prite volas ancora

Prite volas ancora rundinella
Supra a sa campagna fiorida
Firma su bolu puzone dechida
Dami si podes de issa novella
Sa ch'adoro lughente car'istella
lassadu mi at solu ed est partida
Inoghe m'at lassadu in discunortu
in amaru piantu e mesu mortu

Peppe Montesu
Jannarju 2017

Pienada de amore

Pienadu ti apo de amore
E che pizinna tue b'as jocadu
Dispiagheres a mie as torrada
D'afannu m'as pienu e de dolore
Ma custu coro non ti at rancore
A ti lassare si est rassignadu
Canno una die ti at a mancare
Cumprener des it'est a amare

Peppe Montesu
Santu Gavine 2016

In Pena

In pena addoloridu anima mia
Ti suspiro a donz'ora de sa die
arreo in isetu amenne a tie
disizenne sa tua cumpagnia
a ti basare in brazos cheria
mirenneti sos ojos rie rie
ma tue ses luntana e isto solu
che ne alas bolenne in disconsolu

Peppe Montesu
Sant'Andria 2016

Pro balanzare a tie

Pro balanzare a tie onz'atrivida
Dia faghene lassanne sos timores
No mi firman ne lanzas ne dolores
Dare dia pro te anima e vida
Pro tene bella amabile dechida
Su munnu pinto de milli colores
Mudo pro s'iverru in primavera
Si mi lu pedis tue rosa vera

Peppe Montesu
Nadale 2016

Pro cantu duro

Pro cantu in sa terra devo istare
solenne faco a tie giuramentu
mai ti lasso mancu unu momentu
a tie solamente depo amare
mai un'istante t'ap'a olvidare
sa vida ponz'a ti dare cuntentu
neuna atera solu tue ebbia
anim'e coro pro te columba mia

Peppe Montesu

Frearju 2017

Pro cantu

Pro cantu in sa terra duro biu
senna in sa bara fago giuramentu
semper d'amare a tie so cuntentu
atera non bi at in coro miu
ses tue de su coro su ninniu
ses sa fimma ses su focu tentu
a tie apo iscritu in coro e mente
a tie solu a tie solamente

Peppe Montesu
Jannarju 2017

Pro cantu biu

Pro cantu in sa terra duro biu
senna in sa bara, fago giuramentu
semper d'amare a tie so cuntentu
atera non bi at in coro miu,
ses tue de su coro su ninniu
ses sa fiama ses su focu tentu,
a tie apo iscritu in coro e mente
a tie solu a tie solamente

Peppe Montesu
Jannarju 2017

Pro chi no m'ames

Pro chi non m'ames tue t'amo deo
T'apo semper'amadu e t'amo ancora
pro te su coro palpitat onz'ora
a isse prite palpitat li peo
Risposta no mi dat ma penso e creo
Chi non ne cheret atera signora
Solu tue l'as fatu sa maghia
Amat a tie solamente ebbia

Peppe Montesu
Nadale 2016

Su tou delicadu visu

Pro me su tou delicadu visu
Mi est prejone e d'amore cadena
Est oriolu ,afuscu e d'est pena
Est recreu lizeru ed est accisu
Est balsamu a su coro su sorrisu
Chi su samben alligrat in sa vena
Su dechidu e gentile tou tratu
Regirare sa mente mi at fatu

Peppe Montesu
Sant'Andria 2016

Pro poder

Pro poder cussas laras sigillare
Cun sa mias in d'unu basu ardente
Non dia a sa rejone ponner mente
Su samben diat totu derramare
Pro ti podes columba valanzare
Intr'a s'iferru e non timo niente
Pru cuss'istante sa vido ti do
Pro caridade no mi nias no

Peppe Montesu
Sant'Andria 2016

Pro sa bellesa

Pro sa bellesa tua prontu so
A soffrire in palpitos e pena
Si tue mi la pones sa cadena
Ponela puru non ti naro no
De onore paragula ti do
Chi pro do sumben ch'apo in vena
Ista zerta ca zertu ne so jeo
Chi pro te solu aspetto e arreo

Peppe Montesu
Nadale 2016

Pro t'amare

Pro t'amare derrutu so in pena
A tie ogni istante ap'in su coro
Che friza fine puntada de oro
Mi lu as puntu e ligadu in cadena
Cantu in su mare nostru b'at arena
A mie ses ponenne seccacoro
Amanne a tie no ap'acunortu
a biu mi consumu e non so mortu

Peppe Montesu
Nadale 2016

Nudda pretenno

Nudda pretenno de su ch'apo dadu
De su ch'as dadu non torro niente
lu serro in coro e intro sa mente
ca est su primu basu assaporadu
ata a esser pro semper ammentadu
pro cantu duro lu tenzo presente
s'ammentu tou ap'a cunservare
pro cantu duro t'apo a ammentare

Peppe Montesu
Santu Gavine 2016

Meraviza

Meraviza in bellesa e portamentu
Bellas ses tue chene simizante
Matrona dea in totu bastante
De sos coros amantes su turmentu
De onzi sognu disizu e cuntentu
Aurora lughente isfavillante
Solu a ti biere alligras sa mente
Chin cussu bellu visu sorridente

Peppe Montesu
Trigulas 2017

Male e peri

Pro te annare dia male e peri
Accapidanne isperas d'amore
Garrigare mi dia de dolore
Errante in donzi mare marineri
Viver dia in isterru e furisteri
In caldanas de focos e calore
Pro te solu pro te dia isfidare
De s'astragu su nie seculare

Peppe Montesu
Nadale 2016

Pro ti amare

Pro ti amare totu apo lassadu
Pro t'istare vicinu arreo biu
Tue de custu coro ses ninniu
Tue a s'amore lu as ischidadu
Tue lughe incantu e su criadu
Alenu ses de su viver miu
Samben ses chi curret in venas
Si non bi ses sun dolos e penas

Peppe montesu
Santu Gavine 2016

Pro ti fagher reparu

Pro ti fagher reparu in su dolore
Ti dia ninniare in brazos mios
Inserranne in su coro cuddos bios
Chi s'anima ti ferin de rancore
Che balsamu ti sano su brujore
De lagimas chi t'essin a gutios
Ap'a esser pro te dulce consolu
Pius de melodia e rusignolu

Peppe Montesu
Capidanne 2016

Pro t'istare vicinu

Pro t'istare vicinu a ogni istante
Dia montes e mare attraversare
In s'iferru che dia abbutinare
In sas fiammas de focu gigante
Sena su sole firmu in su levante
Dia mantenere pro t'illuminare
Abbas e bentos firmare los dia
Pro t'istare vicinu bella mia

Peppe Montesu
Sant'Andria 2016

Pro valanzare a tie

Pro valanzare a i tie fagher dia
aturas mai in munn' immaginadas
bolare chene alas piumadas
solu chin sognos e sa fantasia
firmare dia su mare in traschia
faghenne totu sas abas passadas
pedinne a deus de mi azudare
solu pri tene bella accuntentare

Peppe Montesu
Capidanne 2016

Pro zelebbrare a tie

Pro zelebbrare a tie s'arpa leo
solennes innos intono d'amore
su cantu meu e su tou bagliore
d'acumpanzare a sas musas peo
pro te cantanne die die arreo
tra melodias de altu autore
chin sa bellesa tua de incantu
tottu sas Deas t'ana a dare vantuu

Peppe Montesu
Sant'Andria 2016

Penas amaras

Da ch'in penas mi lassas goi amaras
Nessi unu sorrisu faghe a mie
Jeo colo onzi note e onzi die
Aspetanne paraulas de laras
Nara proite chi m'ama non naras
E no istutas fiamas a mie
No mi lesses ti prego in cust focu
M'est uchidenne custu tou jocu

Peppe Montesu
Jannarju 2017

Profumada verbena

Profumada verbena amore meu
Chi de ispantu accennes su coro
S'uju a lampizu mannat rajos d'oro
Sa laras che funtana dan recreu
Ohi cantu ti amo cantu oddeu
Cantu t'istimo e cantu t'adoro
Faghes a s'aurora tue iscola
Ma de bellesa ses prima a sa sola

Peppe Montesu
Marthu 2017

Mai in Olvidu

Mai ti ponzo diosa in olvidu
pro cantu in custu munnu tenzo vida
finas a conno s'anima est essida
de continu ap'a tenner de te sidu
totu mantenzo in coro impremidu
ca ses sa prenda d'importu dechida
de t'amare un'istante non cesso
finzas chin bida d'istare resesso

Peppe Montesu

Maju 2017

Tottu in coro

Tottu in su coro juco su bagagliu
Chi partinne mi leo in fattu meu
Miradas bellas oras de recreu
sinzeras giamas chin perun'isbagliu
in cue solu tue as fatu intagliu
tottu su restu est roba e anneu
s'unica cosa chi leare cheria
ses tue solamente gioja mia

Peppe Montesu
Sant'Andria 2016

Proibidos disizos

Proibidos disizos pantasias
Ap'in sa testa mi sun cunsumenne
Colo sa dies a tie pensenne
Isto in tripisu prenu e bramosias
Si su matessi tue l'intennias
Poniap'alas venia volenne
Si as disizu a mie uguale
Narami umbe daemi sinzale

Peppe Montesu

Pruite

Pruite cor'amadu no mi giamas
Prite non benis a mi cunfortare
Inoghe solu sico a ti pensare
In afannu colenne dies gramas
Che focu mortu privu de fiamas
Aspettanne su ventu a l'allumare
Non potu istare goi in custu istadu
Torra deretta beni coro amadu

Peppe Montesu
Santu Gavine 2016

Pruite Coro Meu

Pruite coro meu a palpitare
Ti pones goi pro custa bellura
Troppu pro te arreat in altura
Si ti nat no ti faghet penare
Ifattu sou non podes volare
Paret divina cussa creatura
Isco chi l'amas de amore mannu
Ca si ti brujas ti dolet su dannu

Peppe Montesu
Jannarju 2017

Pensamentos Pruite
Pruite pensamentos oje ancora
A mie mie mi torrades a in cue
A cussu chi mai in neddue
Aia vidu e ammento ancora
Bella chi mi pariat s'aurora
galu l'ammento però ca fis tue
fis bella tanno e ancora incantas
ca de bellura in totue ispantas
Peppe Montesu
Capidanne 2016

Raju de Sole

Pares de sole su raju lughente
Canno timidu intrat in s'iscuru
Ma chin de zisu faghene e sicuru
Das lughe a totu non dassas niente
Su bellu visu tou risplendente
Ammodicat su coro pius duru
Chin su sorrisu e cun sa mirada
Li das cuntentu a s'anima afannada

Peppe Montesu
Frearju 2017

Rattu fioridu

Tue ses cussu rattu fioridu
de su giardinu nobile galanu
de me ses cuss'ammentu fitianu
ch'enet lizeri a mi ponner sidu
ses su raju e sole apen'essidu
chi arrivat festosu su manzanu
su donu ses de chelu ch'es bennidu
a custu coro e bi at fatu nidu

Peppe Montesu
Frearju 2016

Reina de s'altura

Reina de s'altura ses cumpagna
Prenda donosa funtana e recreu
Palpitu pones a su coro meu
Infunnenne d'amore onzi sicagna
Flora t'abellit sa virde campagna
E la profumat de murta e puleu
A tie cinghet de laru e fiores
Ca de reina meritas onores

Peppe Montesu
Nadale 2016

Reina pares

Pentesilea a briglias in manos
Pares fieru mannanne bagliore
Supra sa sedda ischidas ardores
Che gherriera de tempos luntanos
Sognos disizos remotos arcanos
Pones in coros pienes d'amore
Pares reina che sole in levante
Chi accennes sos sognos a s'istante

Peppe Montesu
Frearju 2017

Ricamadu

Ricamadu in tela ses fiore
A filos d'oro da manos de dea
Amada rosa chi sa mente mea
Ischidas e la vestis de ardore
Cunzetu pius altu de s'amore
De altu tratu e nobil'idea
Tue de Venus totu t'as leadu
Ermosura e modu delicadu

Peppe Montesu

Rimas

Rimas d' istima afetu e amore
dia itonare pro ti dare vantù
sas musas totu e s'issoro cantu
ap'a mutire a ti rennere onore
suaves versos de altu valore
dia sestare ca ti amo tantu
sa poetica arte in posia
tottu la mogo pro te bella mia

Peppe Montesu
Nadale 2016

Risposta vana

Risposta no arrivat a sas giamas
De custu coro ispramadu mutinne
Sun bios de dolore so ch'essinne
In sas aeras ispannan sas bramas
Sas bunnas de alenos e sas tramas
Sunu ammiscuru amore pedinne
Ma tue a issos ti mustras altera
Semenas dolu no as considera

Peppe Montesu
Capidanne 2016

Sa lughe tua

De isteddos t'andadu s'isplendore
E mastros de valore t'an pintadu
De bellura una Dea ana formadu
Prena de lughe e prena 'e ardore
Prus de raju e sole das calore
Canno su coro meu as caentadu
Superas donzi cosa in ermosura
De chelu e terra in s'intera natura

Peppe Montesu
Jannarju 2017

Rosa non b'at

Rosa non b'at che a tie fozida
Chi ti vincat in nuscu o in colore
Non b'at in litu o in campu fiore
Attraente che tie o prus dechida
Tue rosa e maju fiorida
Ses de incantu su vivu isplendore
Ses tue chi m'incantas e regiras
Canno d'amore mi muttis e miras

Peppe Montesu
Nadale 2016

Ti apo in coro

Rosa ti apo in coro a donzi istante
Donz'istante mi pones in deliru
Afannosu mi zirat su respiru
Si mi venis vicinu che amante
Su petus tou bellu provocante
Sa mente mia ponet in regiru
Bella dechida a formas de dea
Oriolu chi apo in mente mea

Peppe Montesu

Rundine dali

Rundine tue dali s'imbasciata
Canno volenne che colas inie
Anima e coro lassad'ana a mie
Chircann'a issa non faghen torrada
Narali a cussa rosa delicada
Chi so contenne sas oras e die
Senza issa sa vida mest'anneu
Isto dolente vivenne in affeu

Peppe Montesu

Sa Bellesa

Sa bellesa chi as mi est fatale
Mi ammajat e leat su sentidu
In reggiru arreo e isperdidu
Puntu su coro a friza e pugnale
No ischia ,s'amore tantu male
Podiat fagher si est infinidu
Ma como l'isco e craru lu tenzo
Lu toco a manu ae a bier benzo

Peppe Montesu
Sant'Andria 2016

Lughe indeorada

Saludende una lughe indeorada
donu de una manu portentosa
dae chelu falada pares cosa
che rosa alabastrina profumada
tue bella dechida e delicada
ses de lughe divina illuminada
cun sos rajos m' inferzis de luore
che su manzanu s' umidu lentore

Peppe Montesu
Santu Gavine 2016

Sa dea e s'infante

Sa manu d'una Dea a un'infante
Chin decoro li mustrat su caminu
Adornadu chin prendas at su sinu
E de bellessa no at simizante
Passu regale dighu de regnante
Chin su surrisu bellu e genuinu
De Oliena mustras s'iplendore
Vestida a festa reina e amore

Peppe Montesu
Sant'Andria 2016

Firma su bolu

Pro te firmat su bolu e moghet cantu
Sa filumena dulce incantadora
Suspennet s'arveschida s'aurora
Pro ti mirare e pro ti dare vantu
Su sole in su levante n'at ispantu
Chin sa Luna argentada brilladora
Universu e natura sun pro te
Ca tue ses reina e pones pe

Peppe Montesu
Jannarju 2017

Chene reposu

Sa mente mia no at prus reposu
A tie penso totu m' as furadu
Su coro meu ti che l'as leadu
Da chi non t'ido no apo prus gosu
De carignos arreo disizosu
Ammentenne sos basos chi m'as dadu
Mi cunsumo in sas penas ammentennte
In donzi locu a tie chirchene

Peppe Montesu
Jannarju 2017

Sa mirada

Sa mirada gentile turturella
Mi ammantat su coro de dulcura
Pares celeste dechida pintura
Falada in terra pro la fagher bella
Non bi at Sole ne Luna n'istella
Chi det comente tue das lucura
Pares divina in terra falada
daenne incantu chi sa sua ojada

Peppe Montesu
Marthu 2017

Dami sa morte

Si no mi cheres daemi sa morte
Viver non cherjo si non ses vicinu
Lu preferjo mortale su caminu
si no mi dat a tie custa sorte
jeo ti amo e ti amo forte
chenza e tene non bi at destinu
ses tue solu chi li das recreu
a custu ch' as feridu coro meu

Peppe Montesu
Santu Gavine 2016

Sa vida in turmentu

Pro te sa vida mea est in turmentu
Vivo in afannu a tie pensenne
Su coro est isfinudu palpitenne
Ca non li cheres dare su cuntentu
So athapadu che in note e ventu
In penas de amore so brujenne
Bella in d'unu iferru mi as postu
Issolve prestu cussu coro tostu

Peppe Montesu
Marthu 2017

Renno sa Vida

Sa vida renno si no m'amas tue
In sa losa preferjomi ch' intrare
mi dolet tropu chene te istare
annanne menguante rue rue
Su coro dae petus fue fue
Passu non tenet in su palpitare
Tue m'as de amore imbolicadu
No mi lessas de goi in cust'istadu

Peppe Montesu
Santu Gavine 2016

Sette Ninfas

Sette ninfas adornan su retratu
Tottu dechidas chi paren fiores
Dados da Raffaello sos colores
E dae Giotto pintadu est su tratu
De galania su quadru esattu
Chi abbagliat de rajos e lucores
Bellessas goi si cheres mirare
Solu in Orune podes incontrare

Peppe Montesu
Nadale 2016

S'allegria leada

S'allegria mi leas chi m'as dadu
Lassannemi in dolore e in tristura
Mi mustras cant'est dulce sa bellura
Chin sa morte est totu canzelladu
Tue distrues su chi as criadu
Jocas chin mecus e chin sa natura
Nara pruite nos pones in pena
Daenne abba e luvanne sa vena

Peppe Montesu
Capidanne 2016

S'amore meu

S'amor meu mai at'a cessare
Olvidare non poto a tie bella
Su visu tou che lughente istella
No lu poto in sa mente cancellare
In su coro e sa mente ass'a istare
Ambos ti an'a fagher sentnella
Sos carignos s'afetu chi m'as dadu
Semper tottu lu tenzo ammentadu

Peppe Monresu
Jannarju 2017

Sapore de laras

Ap'in laras de tene su sapore
Mi brujas in su coro note e die
In sa mente bi tenzo solu a tie
Che lanterna de vividu lucore
ti muto in su bent'amore amore
paret sa voche chi torret a mie
su coro meu a palpitu mutinne
curret a tie afetu pedinne

Peppe Montesu
Frearju 2017

S'anima mea

S'anima mea in s'aera alada
Curret chirchene a tie dechida
Tue la mutis li ses de guida
Che divina superba dea amada
Ti venit fatu pareti arrivada
In s'altu chelu non chircat essida
Disizosa e bellura est in s'annare
Chi chircat in su nostru delirare

Peppe Montesu

Sas dotes tuas

Sas dotes tuas mi an'incantadu
in sa mente continu juco a tie
muttinne istat su coro notte e die
sempres prus forte prus ostinadu
tue tottu de me che as furadu
tottu mi as leadu rie rie
s'anima non cheret torrare
paris chin tecus si cheret istare

Peppe Montesu
Nadale 2016

A tie chirchenne

S'anima mia a tie it chirchenne
Prima de t'aer vidu e connoschidu
Ti at chircadu in su chelu infinidu
Est arreada inoche aspetenne
Como puru su corpus t'est videnne
In su coro t'at postu e imprimidu
t'at accatadu como e a cadena
S'est ligada a sa tua e no at pena

Peppe Montesu

Alas

Sas alas d'una rundine lizera
In terra sun'infustas de piantu
Cann'in palas faghian ispantu
S'arzaian suaves in s'aera
Tue fis che alligra primavera
Piena fis de risu e de incantu
Como non bolas no ispicas bolu
Piena de afannu e disconsolu

Peppe Niontesu
Sant'Andria 2016

Sas alas moi prestade

Sas alas mi prestade pro annare
A visitare sa rosa dechida
Cudda chi intr'e coro ap'imprimida
E cuntinu lu faghet palpitare
Rosa in pena so pro ti amare
Ca juco cor'e anima ferida
Canno arreat luntanu custu coro
Dolent'arreat e mi addoloro

Peppe Montesu

Bellesa de vantu

Ses bellesas de vantu numenadas
Superadas la sas si sun arresas
Sas numenadas de vantu bellesas
Si sun arresas las as superadas
As superadu reinas e fadas
Dadu ti an s'iscetru in dechidesas
Fadas reinas tue as superadu
S'iscetru in dechidesas ti an dadu

Peppe Montesu
Frearju 2017

Sas craes de su coro

Sas craes de su coro juches tue
Umbe est tancadu su dulce patire
S'amore tou a mie lassa essire
No lu mantenzas in inserru in cue
Jeo su meu derramo in totue
Ma non ti dignas tue a l'acogliere
Ti muto e giamo a tie tiranna
Ma mi mantenes in pena prus manna

Peppe Montesu
Santu Gavine 2016

Sas dies meas

sas dies meas colo amada bella
Pensenne a tie chi che ses luntana
Sos palpitos de coro no mi dana
Ne novas tua ne de te novella
Parjo serradu intro una cella
Mirenne foras da una ventana
Prite tiranna a mie no mi giamas
E mi naras derettu chi mi amas

Peppe Montesu
Jannarju 2017

Su coro minne furas

A sa bellessa unis su sentidu
Ses malisciosa piena e candore
In cavanos as galu su rujore
Chi in feminas credia isparidu
A s'istante su coro mi as feridu
Pienu mi l'as tue de amore
Chin sos risitos tuos e aturas
Onzi die su coro minne furas

Peppe Montesu
Trigulas 2017

A Susanna Sitzia

Tue de mutos cudd' istudiosa
Chi de su versu medis sa bellura
Pares de tela sa bella pintura
De giardinu sa delicada rosa
Volas lizera prus de mariposa
Chin ojos d'allegria e de tristura
In su coro'unu sognu ch'as serradu
De ballu tunnu 'e passu torradu

Peppe Montesu
Trigulas 2017

Ghemidas d'amore

Sas ghemidas d'amore su suspiru
Ap'in sa mente intenno totue
Jeo ascurtenne su chi naras tue
Mutidas giama d'amore e deliru
Sas laras tuas sos ojos d'ammiru
Paren muttinne a mie a in cue
Cust' est su sognu chi m'atis a mente
Canno ti paras goi surridente

Peppe Montesu

Sa cadena

Sa caden'amorosa ch'as tessidu
Est d'aneddos de oro preziosa
Ligadu m'at a tie in donzi cosa
Ca li as tue sa maglia affortidu
Ligadu m'at su coro e sentidu
E no la trucat limba velenosa
Tue sa crae la juches columba
Pro cantu duro finas a sa tumba

Peppe Montesu
Sant'Andria 2016

Segheros

Sa luce allughes chin cussa mirada
Incantas prus de sole in su levante
Su coro mi acennes palpitante
Istat in petus s'anima afannada
Ohi canta bellura cantu aggradat
Su sognu chi m'ischidas che amante
Cantu ti amo cantu t'apo cara
Gentile rosa de giardinu rara

Peppe Montesu
Sant'Andria 2016

Su Sole...

Su sole s'at a podere iscurare
Firmare diat sos ziros sa terra
crapid' ider su munnu perra perra
e sicadas sas abbas de su mare
ma mai m'as a biere olvidare
de cust'amore chi mi faghet gherra
sa fiamma ch'allut'ap'in su coro
mai s'itutat , pro semper t'adoro

Peppe Montesu
Nadale 2016

Amanne in Afannu

S'afannu chi mi dat s'amare a tie
A tremitos de coro m'est picanne
Colo sas oras semper'isetanne
Non bi passo pro cussu note e die
Una punt'e bullete nessi iscrie
Fachemi ischire su chi ses pensanne
Fachemi ischire si mi amas bella
Risposta dami lucorosa istella

Peppe Montesu
Sant'Andria 2016

Sa figura attraente

Sa figura attraente
Luminosa lughente
Pius de sole abbagliat a mie
In coro so colpidu
de amore sididu
canno venis innantis rie rie
pius de luna giara
illuminas sa notte chin sa cara

Sonos de armonia
Cantos e melodia
Apo in su coro e inteno cuntinu
Ses tue prend'amada
De grazias dotata
Sa chi m'addulcat su duru caminu
Tue ses su prus mannu
Balsamu pro su male e pro s'afannu

Sas iscusas

Sas iscusas chi vocas tue apizu
Su coro mi inchennen de lamentu
Pares papiru chi leat su bentu
Chi ti fughit luntanu che lampizu
Tanno prenu e pena e de fastizu
Maleico ogni ora ogni momentu
Ma mi torro de nou a assietare
Canno vicinu torras a istare

Peppe Montesu
Santu Gavine 2016

Sas laras tuas

Sas laras tuas mutinne sas mias
sogno sa note suta su letolu
de custu sognu che sico su bolu
ma no isco inumbe tue sias
in sas aeras chircanne sas vias
isto bolanne in chirca e consolu
gai che colo sas notes continu
de un'amore chi no at destinu

Peppe Montesu
Santu Gavine 2016

Unu disizu

Sas laras tuas sunu unu disizu
De sas mias chi de amor'an sidu
Sas notes colo aspetanne ischidu
Chene aer de te perunu abizu
Mi consumo in anneu e martirizu
Dae penosos dolos affligidu
Ma tue a mie no mi das importu
S'amor'a tie mi vatit a mortu

Peppe Montesu

Sas Notes meas

A tie sun sas notes dedicadas
Sos pensamientos sos sognos d'amore
Sos bios de su coro e su dolore
Chi provo in cussas oras afannadas
Sas giamas e sas lagimas versadas
Chi in sas pumas non ponen colore
Solu su coro meu ne at ammentu
De su dolente amorosu turmentu

Peppe Montesu
Nadale 2016

Sas oras

Sas oras diventan dies
venin sas dies a meses
Sos meses si faghen annos
Venin sos primos afannos
Ma mai firmare ti desses
Mai s'ispera la lesses
Camina sichi a annare
Amamami chi t'apo a amare

serena mannas dulcura
de bellesa ses dotada
che a tie non binn'ada
macu dea in ermosura
amami si no m'est dura
rosa bella profumada
mai m'apo a olvidare
in eternu t'ap'amare

Sas oras

Sas oras in afeu e in istentu
Colo canno non t'ido Nin'amada
Como chi ses in coro inserrada
Sa luntanza mi dat patimentu
Solu si bi ses tue apo cuntentu
Solu tue mi das un'alligrada
Non isco ite siat custa mia
Ca poto viver cun tecus ebbia

Peppe Montesu
Sant'Andria 2016

Sas penas sorres

Sas penas mi sun sorres pro t'amare
Cumpanzia mi faghet su piantu
Su coro meu non si est infrantu
In afannu est sichinne a palpitare
Puntas crudeles tue soles dare
E d'angustia mi as postu mantu
Pruite custas penas das a mie
Si amo solamente e solu a tie ?

Peppe Montesu
Freaeju 2017

Sena in s'eternu

Dae mente s'ispeddiu cancellas
Cun su disizu chi m'allughes tue
In su benente che volo in totue
de te chircann'amorosas novellas
Inneda volo in mesu e istellas
Senn'in s'eternu anno puru a cue
Su tempus no at pro me pius misura
Tu l'incurzas e li das bellura

Peppe Montesu
Capidanne 2016

Isteddos

Sas Tres Marias e s'Isteddu Atarzinu
Illuminan a die su padente
S'isteddu e s'arbeschida risplendente
A Sette Frades mustrad' at caminu
Tue corcada mustranne su sinu
Acantu a mie dormis sorridente
Cann'aperis sos ojos s'aurora
Podet naschire arrivada est s'ora

Peppe Montesu
Nadale 2016

Sas trizas de oro

Canno t'issorves sas trizas de oro
Paret su chelu aperjat s'intrada
De ardores si vestit s'alenada
E mi pones a palpitos su coro
De seda paren sos filos issoro
Che venas d'una rosa delicada
Cuddos disizos mios inferzidos
Volan totue in s'aera perdidos

Peppe Montesu
Santu Gavine 2016

Semper de te

Finzas ch'alenu mi essit a mie
Mai m'istraco a tie d'amare
Su samben meu ap'a sucutare
Onzi momentu pro lu dare a tie
Columba bella candida che nie
Mai de tene m'ap'a olvidare
Su numes tou in cor'apo serradu
Comente diamante preziadu

Peppe Montesu
Santu Gavine 2016

Cun sa tua bellura

Bella dea no m'essis da e mente
Pensenne a tie isto note e die
Cun sa tua bellura risplendente
De sas nieras issolves su nie
Ses tue de su chelu astru lughente
Sa chi d'amore colpid'at a mie
Tue ses un'eterna primavera
Chi intre e coro m'allughes s'ispera

Peppe Montesu
Jannarju 2017

Sentidos d'amore

M'as ischidadu sentidos d'amore
Curret su samben de nou in sas venas
Su temus de cunfortu mi pianas
Pensenne a tie no apo dolore
Perdid'apo in su coro su rancore
Sas iras de sa mente sun prus lenas
Cambiadu mi as e fatu nou
Cun s'afettu e su bellu fagher tou

Peppe Montesu
Marthu 2017

S'eres ischidu

S'eres ischidu cantu t'amo forte
No eres goi indocile fughida
Pro tene dia dare coro e vida
E affrontare totue sa morte
Ma tue pro sa mia malasorte
Pena mi das sa pius ranchida
Ma si connosches cust'amore meu
Prite mi pones goi in tantu afeu

Peppe Montesu
Santu Gavine 2016

S'ere potidu

S'ere potidu a tie dedicare
Sas d'amore paraulas de mente
Ma canno t'ido astru risplendente
su coro mie faghes palpitare
A buca aperta chene faeddare
Arreo reggiradu solamente
Tue m'abbaglias e arreo ammudidu
Resto totue d'amore colpidu

Peppe Montesu
Capidanne 2016

Che Rundine

Ses che rundine a chelu bolada
In totue lassanne disisperu
Miro sa foto e non paret beru
Chi morta ses e ti che ses annada
Galu in fiore ti che ses sicada
Lizu gentile d'animu sinceru
Como in so chelos ses tue ballenne
Chin anzelos chi sunu abbadienne

Peppe Montesu

Fiore preziadu

Ses de su campu su lizu doradu
De Gerico sa rosa preziada
De custu coro sa prenda istimada
De giardinu fiore delicadu
Tue sa mente mia ch'as furadu
Partida est non fachtet torrada
Tottu ti ch'as furadu e juches tue
Nara iumbe m'as postu nara inue

Peppe Montesu
Frearju 2017

Ses lentore de manzanu

Ses su lentore chi donzi manzanu
M'infunes che foza sa carena
Ses cantu de melodica sirena
Chi m'atirat a tie in mod'arcanu
De su cunfortu ses sa forte manu
Chi faghes currere su samben in vena
Tue ses s'aurora ses s'incantu
Sa ch' ispannas d'amore totu cantu

Peppe Montesu
Capidanne 2016

Passione

Ses passione ch'allughes su coro
Incantu pro me ses e dulch'ispera
Sos colores t'at tintu primavera
Dadu t'at de fiores nuscu issoro
ses diamante ses prenda de oro
sa preziosa sa dechida vera
che a tie in su munnu a lu girare
simizzante est raru a n'incontrare

Peppe Montesu
Jannarju 2017

Ses rosa

Ses rosa chi allegrat su giardinu
e de coro funtana ses d'amore
ses tue chi ispannas su candore
e che fiamma m'azendes su sinu
astru lughente in su meu caminu
chi inferzis s'iscuru de lucore
a tie tenzo in mente e in coro
a tie solamente a tie adoro

Peppe Montesu
Santu Gavine 2016

Ses Lughe

Ses sa lughe ch'ispuntat a manzanu
Dae su mare abbagliante e pura
Intras totue e semenas bellura
Denne ristoru a donzi cristianu
S'iscuru de su coro rennes vanu
De su male cancellas sa paura
Tue ses s'aurora frisca amena
Chi chin sos rajos cancellat sa pena

Peppe Montesu
Sant'Andria 2016

Ses Samben

Sambene ses chi ufras donzi vena
chi ifunnes su coro palpitante
de aba frisca funtana bunnante
suave cantu de bella sirena
delicada bellura ses amena
aurora naschida in su levante
canno non t'ido arreo dolente
a tie tenzo a tie solu in mente

Peppe Montesu
Capidanne 2016

Abba de funtana

Ses 'abba de funtana cristallina
Chi istutat su sidu e sa calura.
Ses nuscua de sa rosa pius pura
piena de umore e genuina.
Ses che proghia lepia atonzina
chi dae terra canzellat s'arsura.
Ses su zefiru ch'infriscat totue
tue ses totu e lu ses solu tue.

Peppe Montesu

Si mi daias

Si mi daias d'amore sinzale
A bolu ne venia a bisitare
S'istima ch'apo in coro pro ti dare
Canno mi mutis tue puntuale
Ma timo chi che perda sacu e sale
Si sico ubbidiente a t'aspetare
Bella si sichis goi e no mi giamas
Intro e coro mi secas sas tramas

Peppe Montesu

Trigulas 2017

Totu li faghes

Li faghes totu a su coro meu
Ses tue chi lu prenas d'allegria
Pro te palpat isse solu ebbia
Si est tristu lu pones in recreu
Su dolore l'istrajias e s'anneu
Li torras chin sa mente s'armonia
Semper istat totora fatu a tie
Pasu no at a note e a die

Peppe Montesu

Trigulas 2017

Ses Sole

Su sole iscuran, sas bellesas tuas
A totu das abbagliu e das lucura
Non biat simizante in ermosura
Sena e Venus sa fama ch'annuas
In su visu lughentes paren duas
benas cuddas pupillas de dulcura
Tue m'as postu in brama e reggiro
So note e die pro te in deliru

Peppe Montesu

Ses tottu

Ses pane cunnimentu a donzi gana
Ses abba frisca in notes d'arsura
Ses d'ispera s'immagine pura
Chi donzi pena mantenes luntana
Pro su respiru ses s'aera sana
Zeffiru ses ch'ispannat s'amargura
De su coro ses palpitu ses biu
Reggiru se de menne e ses ninniu

Peppe Montesu

Frearju 2017

Ses Tue

Ses tue chi mi pones in suspiros
E no mi mustras chi caru ti so
In manos tuas su coro ti do
Ma mi afrentas chin mortales tiros
Rides crudele 'e sos mios deliros
A mie semper narennemi no
Ma mancu gai ti ponzo in olvidu
Ca su coro ti chirca pispinidu

Peppe Montesu
Sant'Andria 2016

Potente allascadura

Ses tue sa potente alluscadura
chi mi as postu su coro in afannu
sinceru t'est amenne chen'ingannu
ca est feridu da sa tua bellura
no lu mantenza in dolu e tristura
no li accas feridas e ne dannu
amalu coment'isse t'est amenne
ca isse sena s'anima t'est denne

Peppe Montesu

Ses

Ses sa pintura de raru colore
Ses armonia sinfonia e cantu
Ses de su chelu isteddadu mantu
Ses de manzunu lughente lentore
Ses de raju e sole su bagliore
Ses sa chi moghe su risu e piantu
Ses tue chi su coro m'as pienu
Ses tue su respiru e meu alenu

Peppe Montesu
Agustu 2016

Ses vida

Tue ses sa perfeta e sa divina
Non b'at atera bi ses tue solu
Ses tue cuddu cantu e rusignolu
Ch'ischidat s'aurora matutina
Lentore ses ch'infriscat che frina
Nitida aera umbe leo bolu
Aera chi respiro e mi dat vida
Sa cumpgna chi amo e apo fida

Peppe Montesu
Santu Gavine 2016

Ses bis

Ses de su coro meu su lamentu
Ses da sa mente su briu s'incantu
Ses de sos ojos delicadu ispantu
Ses in s'aera su zeffiru bentu
Ses de natura unu veru portentu
Ses sa reina digna d'onzi vantù
Ses sa chi amo istimo e adoro
Ses su ninniu cunfortu de su coro

Peppe Montesu

Agustu 2016

Si m'istimas

Si abberu m'istimas e mi amas
E si a mie tenes in su coro
De limbas lassa sos contos issoro
Seca sos filos e crudele tramas
Intenne solu de su coro giamas
Ca jeo solamente a tie adoro
Non tenzas mai dubbios pro me
Ca jeo mai ne tenzo pro te

Peppe Montesu
Nadale 2016

Sinzale de amore

si d'amore das tue unu sinzale
alas mi ponzo arrivo volenne
a note die pro t'istare amenne
a tie solu istedd' istentale
narami si amore as te a mie
si cust'amore meu es currispostu
jeo pro ti amare so dispostu
coro e mente tottu do a tie

Peppe Montesu

Si fidele

Si fidele apo a tie a su fiancu
Non ne timo de sorte ne destinu
Non timo nudda sa morte ne mancu
Si tue coro amadu ses vicinu
Mai ap'a esser de t'amare istancu
Semper ti amo costante continu
Ses tue chi m'infunes forza e briu
De custas venas ses su sambes miu

Peppe Montesu
Marthu 2017

Si fipo zecu

Si fipo zecu sa tua bellura
Sa vista a ojos m'aiat torrada
Con b'at cosa goi in su criadu
Bella che tie amada pintura
sa mente in mi as postu in disaura
E su coro d'amore as trapassadu
Ambos son tuos faghe su chi cheres
sena de morrer bastet bi lu neres

Peppe Montesu
Sntu gavine 2016

Si intennes sas rimas

Si las intennes custas meas rimas
Chimi essini dolentes dae coro
Si as amore a su mere issoro
Daemi tue bramas e istimas
No mi mantenzas infustu e lagimas
Ca mi est dura pena e m'addoloro
Beni dechida tue a mi sanare
Ischis chi chene te non poto istare

Peppe Montesu
Capidanne 2016

Si los unimus

Si los unimus sos coros a pare
Damus a issos manna cuntentesa
Tue reina ses de sa bellessa
Jeo fidele ti ap'a istare
Continu solu a tie ap'a amare
Totu sa vida mia a tie est resa
Solenne ti lu faco a giuramentu
motivu non des'aer de lamentu

Peppe Montesu
Sant'Andria 2016

Si lu pedis

Sa bida si lu pedis dare dia
Tue ne ses padrona e ne ses mere
Como est tua e n'as su podere
Faghenne su chi cheres tue ebbia
S'anima m'at lassadu chi tenia
Vivo pro te che isciau essere
Ma si no m'amas tue so feridu
Che mortu intro sa bara sepellidu

Peppe Montesu
Marthu 2017

Si ses Luntana

Si luntana mi ses m'est forte pena
Li est afannu a custu coro meu
Cantu ti amo jeo l'ischit Deus
Cantu mi dolet totu sa carena
De angustia sa mente est piena
E su tempus pienu de anneu
Solu si ses vicinu coro amadu
Torrat ridente custu triste istadu

Peppe Montesu
Nadale 2016

Si m'apozo

Si m'apozo in su sinu
paret chin supra mi falet s'incantu
de amore unu mantu
mi tasset supra su Deus divinu
a su coro vicinu
intenzo d'isse s'amorosu cantu
e si mi naras t'amo
a lagimas d'amore lu ricamo

Peppe Montesu

Si m'as amore

Si amore mi as che su ch'ap'eo
Mai su meu benner diat mancu
Mai ap'esser de t'amare istancu
In s'amore giuradu firmu arreo
Sas craes de su coro a tie intreo
Continu t'ap'a essere a fiancu
Mai ti zuro jeo ap'a mancare
Si bella dae coro m'as amare

Peppe Montesu
Jannarju 2017

Si m'as istima

Si a mie as istima e simpatia
Comente eo pro te la so proenne
Apo a istare a tie brammenne
Mai olvidare ti poto anima mia
A tie solu bramo a tie ebbia
Sena in sa morte t'ap'istare amenne
Mancu sa morte m'at a separare
Si columba dezidis de mi amare

Peppe Montesu
Agustu 2014

Si mi amas

Si m'istimas inoghe a mie nara
Si so in cust'amore currispostu
Nara si in coro tou b'apo postu
Su chi ne peggas naramilu in cara
Derettu chene duda lu declara
A su cherrere tou so dispostu
Si no lu isco a mie est afannu
Naramilu derettu chen'ingannu

Peppe Montesu
Nadale 2016

Si mi miras de gai

Si mi miras de gai onzi disizu
Creschet potente pienu 'e ardore
In sa fronte mi essit su sudore
Vinchet su samben de venas s'impizu
Sas ideas li ponen cuntipizu
Chene fiammas inteno calore
Paret iferru custu paradisu
Ch'allughes tue chin corpus e visu

Peppe Montesu

Si m'istimas
Si m'istimas columba t'ap'amare
Onzi die pius de die prima
Sos carignos sos basos e istima
Mai ti giuro a tie an' a mancare
Sena su samben meu t'ap'a dare
Ramu ap'aesser si tue ses chima
Si tue m'amas e m'amas costante
Ap'a esser de te eternu amante

Peppe Montesu
Nadale 2016

Si no mi amas tue

Si no mi amas tue est pena dura
viver non poto mi est agonia
in coro meu apo a tie ebbia
si mi nas nono a mie est tristura
mi das sa morte chene sepoltura
si mi negas amore bella mia
sa giaes as tue 'e custu coro
aperilu amorosu ti l'imploro

Peppe Montesu
Jannarju 2017

Si no mi amat...

Si no mi amat morte incruelida
Beni s'anima mia a che leare
Sas penas de su coro a cancellare
Beni dereta no mi lessas vida
Non ne bio pro me atera essida
Si issa non disponet de m'amare
No mi sicas de vida unu momentu
Viver non cherjo in pena e turmentu

Peppe Montesu
Nadale 2016

Si no mi dana a tie

Si no mi dana a tie faco gherra
Sa gherra faco pro ti balanzare
Non b'at nisciunu e mi poder firmare
Montes e biddas totu ghetto a terra
Su munnu ap'a truncare a perra perra
Sas nues preno ch'in s'abba e su mare
Apia esser tempesta in su turmentu
De s'uraganu pius forte bentu

Peppe Montesu
Capidanne 2016

Si podia

Si in s'aera podia bolare
Comente rundinella volas tue
Donzi momentu volav' a in cue
Pro ti podere bella bisitare
Ma mi tocat inoche de istare
Moricanne disizzos in totue
Solu sos sognos meo ponen alas
Ma s'angustia mi restat in palas

Peppe Montesu
Marthu 2017

Canno ti vio

Canno ti bio delicada rosa
Paret su coro pro iscopiare
Pius forte est su sou palpitare
De lu assetiare no est cosa
Sa mente puru mi bolat festosa
Ambos a mie mi paren lassare
Bolare cheren in su tou sinu
Lassanne a mie solu chene tinu

Peppe Montesu
Marthu 2017

Non n'an pintu

Figura che a tie non n'an pintu
Ne colore l'at dadu Rafaellu
Non n'at pintadu mancu su prinzellu
De Tizianu chi telas at tintu
Nemos custa bellura at mai vintu
Pintadu at nemos visu goi bellu
Tue as donzi dea superadu
E mai che a tie ne an pintadu

Peppe Montesu
Marthu 2017

Rosa tue

Ses rosa tue de distintu candore
chi su giardinu allegras e ispantas
donzi visitadore lu incantas
e li tinghes su coro de amore
lu acisas de nuscus e colore
lu cufunnes l'ammajas e lu mantas
in petus li allughes cussu focu
e su coro li tenes a isoccu

Peppe Montesu
Marthu 2017

Sos pilos

Sos pilos tuos bella sun candore
Chi ti cinghen che mantu delicadu
Su castanu colore vellutadu
De zoventude ti dat su lucore
Canno si moghen sun undas d'amore
de unu mare arcan'incantadu
M'aperin sognos disizos deliros
Accumpanzados cun milli suspiros

Peppe Montesu
Marthu 2017

Sa mirada

Una sola mirada ti est bastada
E cun issa mortale mi as feridu
Potente m'as atratu e m'as mutidu
Da su momentu t'apo disizada
Una promissa mi pariat dada
Mancu un'istante apo resistidu
Magnetica e potente calamida
M'as atratu sa mente e l'as colpida

Peppe Montesu
Marthu 2017

Prite non benis

Prite non benis che dulce chimera
A mi sanare feridas de coro
Pensenne a tie solu m'addoloro
Non leat bolu mancu prus s'ispera
Bio nieddas nues in s'aera
Ist'afligidu in s'iscuru issoro
Beni torrami tue lughe e briu
Si no uchie no mi lessas biu

Peppe Montesu
Marthu 2017

Aurora

Si de sudore tumidas sa fronte
Paret ch'apas corona de reina
Lughes che aurora matutina
Appena essida dae s'orizzonte
A pili isortu che ninfa e fonte
Infusta pares de lentore e frina
Non bi at prenda de prata e oro
Chi ti adornat e ti dat decoro

Peppe Montesu
Marthu 2017

Sa movidia tua

Sa movidia tua est de incantu
m'atirat e pienat de granzeu
canno ti moghes est donz'uju meu
miranne a tie e ne at ispantu
sa mirada de vozas faghet mantu
su sambes moghet che vulcanu Oddeu
tue che vrebbe pones calentura
e pones sidu daenne friscura

Peppe Montesu
Marthu 2017

Piena de incantu

Ti pianas d'incantu e de maghia
Canno mustras fieru collu e petu
D'onzi pensieri ponenne in isetu
Allughenne sa mia fantasia
Tanno cun manos toccare cheria
S'arte perfeta chi no at difetu
Ca tue ses vivente s'iscultura
Chi simizante no at in natura

Peppe Montesu
Marthu 2017

Canno ti moghes

Sas chi si moghen caminenne undas
Ch'annan e torran de su sinu tou
Cun cussa ancas mi faghen iscou
Intro sas venas sas pius profundas
Onzi disizu in mente fecundas
Donz'istante ne naschit unu nou
Su mogher tou a sa mente es regiru
Li est ammaju dulcura e deliru

Peppe Montesau
Marthu 2017

Imprimidu

Imprimidu lu tenzo in mente mea
Su nuscù tou 'e promissas pienu
A isse inteno chi mi venit lenu
Paret s'alenu chi li net arrea
Amoras m'ischidat sa idea
In regiros m'imbolicat sulenu
Sena si non ti vien custos ojos
Isse de te mi dat sos abbojos

Peppe Montesu
Marthu 2017

Si ti amo

Si ti amo ti amo pro amore
Non ti amo pro visu o pro mirada
Ti amo e pro amore ses amada
In coro t'apo e mi das calore
T'amo totue intro su mudore
T'amo ca ses in s'anima annidada
Poden sas formas tuas cambiare
Ma jeo sena gai ti ap'amare

Peppe Montesu
Marthu 2017

Ses de istintu

Ses de istintu d'atinu e dechida
Delicada pien'e bonu coro
Non bi at prata dinare ne oro
Pro pacare sos benes ch'as in sinu
Ses de su chelu s'isteddu ladinu
Chi dat prus de su rest su decoro
Tue brillas de lughe e de bonesa
S'anima mia a tie totu est resa

Peppe Montesu
Marthu 2017

Prus bella arrabiada

Si ses pro carchi cosa arrabiada
Pares prus bella ti prenat de vida
Totu de te in chirca d'essida
Intro su coro meu achet intrada
Poi si torras masseda e passada
Su sulenu ti faghet prus dechida
Cale si siat su chi as umore
Sempere a mie allughes amore

Peppe Montesu
Marthu 2017

Ite non dia faghère

Cal'est sa cosa chi faghère non dia
si tue mi lu pedis prend'amada
pro te sa vida mea est dedicata
faghènne su chi cheres no est mia
tue l'as in podere tue ebbia
sena s'anima a tie est afidada
jeo cuntentu so de ti las dare
si tue a mie mi cheres amare

Peppe Montesu
Marthu 2017

Piena d'atinu

Ses de istintu piena d'atinu
Delicada piena 'e bonu coro
Vales pius de prata prus de oro
E pro te in ammaju so continu
Bellu su visu delicadu sinu
Totu m'agradit de tie tesoro
Tue ses un'incantu naturale
Chi cunnis custa vida prus de sale

Peppe Montesu
Marthu 2017

Istentale brilladora

Pares cudd'istentale brilladora
Chi tancat e aperit su didie
De lughe giara abbaglias a mie
Chi ti miro in sa note a donzi ora
In coro meu as fattu dimora
Nemos ti tocat fissa ses inie
A umbe anno jeo benis tue
Semperi impari annamus totue

Peppe Montesu
Marthu 2017

In disizu

Isto in disizu e su cuvadu sinu
supra sas mias mi sogno sas laras
tue abbellu a bellu chi mi naras
benim'acurzu istami vicinu
donzi note su sognu enit continu
prenanne semper sas oras amaras
ma custu sognu no arrivat mai
tue lu lassa a morre de gai

Peppe Montesu
Marthu 2017

Nara a mie

Si mi amas columba nara a mie
No mi mantenzas in dol'aspetenne
Sas penas chi su coro mi est denne
Punghenne istan continu note e die
Dispostu so d'amare solu a tie
A tie solamente so pensenne
Duncas dami deretu sa risposta
A sa sinzera d'amore proposta

Peppe Montesu
Marthu 2017

Timoria

De timoria prenu so in coro
Sicurezza no apo isto perdidu
Dae canno sos ojos ti an bidu
Chircana a tie amadu tesoro
Su faru ses e sa lughe issoro
Ses tue chi potente mi as colpidu
Chircat sa mente azudu a li dare
Benenne a tie continu a chircare

Peppe Montesu
Marthu 2017

Formas de Venus

Tue de Venus formas sas leadu
S'uju as de Diana e sa mirada
De Giunone s'ardore e caminada
Erato voche sua ti at prestadu
De dogni dea tue che as leadu
Sa menzus dote chi at incarnada
Duncas tue las vales totu cantas
E in totu prus corfas e ispantas

Peppe Montesu

Aprile 2017

Sonos de mudore

Son sonos de mudore sas miradas
Chi das tue canno ses vicinu
Su coro mi lu tremes in su sinu
No l'assietan sas tantas feridas
Dulches chimeras a isse l'ischidas
Chi in regiru mi ponen su tinu
Prenu de milli palpitos e bios
Son solu tuos sos afetos mios

Peppe Montesu
Aprile 2016

Canno mi lassa

Canno mi lassas s'iscurat s'aera
falan sas umbras in sos ojos mios
si ammudan sos canticos e cios
morit s'ispantu morit s'incantera
paret in coro flebile s'ispera
e de isse s'abrandana sos bios
canno non bi ses tue non b'at briu
morinne paret custu coro miu

Peppe Montesu
Aprile 2017

A medas

A medas Deus sa belleza at dadu
Totu cantas a s'uju dan livesa
Ma a tie t'at dadu gentilesa
E mama tua t'at ben'educadu
Su coro tou no est ifascadu
Pienu est de amore e de bonesa
Custas dotes chin cussa 'e sa bellura
Faghen de te unica in natura

Peppe Montesu
Aprile 2017

Turmentu Amorosu

Ses de su coro turmentu amorosu
Ses de sa mente sa luchida pena
Ses de s'anima mia sa cadena
E de su sonnu mancadu reposu
Ma de sa bida mia ses su gosu
E non la faghes curre mai lena
Tue ses canno venis tue ebbia
Chi mudas su chi so in allegria

Peppe Montesu

Aprile 2017

Lasso sas penas

A bolu lassa penas e afannos
Conn'ido a tie itimada columba
Tottu los serro e los ponzo un sa tumba
Sos sos dolore de bida e sos ingannos
In coro sasas sas fertas e dannos
Falan anghelos sonanne sa trumba
Allughes tue de nou s'incantu
Torrat tottue su briu e s'ispantu

Peppe Montesu

Aprile 2017

Beni a m'abrazare

Beni a m'abrazare a tie adoro
Solu pro te est s'istima mia
A tie amo solamente ebbia
Atera non ne tenzo in custu coro
Amada prenda nobile tesoro
Sena sa vida pro te dare dia
Ses tue solu chi mi das recreu
Ca ses s'amore de su coro meu

Peppe Montesu

Aprile 2017

Canno miro a tie

Canno ti miro pius m'innamoro
Sa bellesa chi tenes mi at colpidu
Cun grasias talentu as tot'unidu
De totu mustras su volore issoro
Menguante n'arreo bell'imploro
Donzi cosa li pedo a su sentidu
Jeo pro ti amare so resortu
Tottu ti do finas senne mortu

Peppe Montesu

Aprile 2017

Lagimas d'amore

Sas lagimas d'amore an'inserradu
De cust'afetu meu onzi dulcura
Juchen in intro sa tua bellura
Totu sos basos chi tue m'as dadu
Totu sos sognos chi t'apo contadu
Chin donzi bena e sa mia tristura
Serran s'afetu serran su dolore
De cantu ti apo amadu e t'apo amore

Peppe Montesu
Aprile 2017

Semper vicinu

A custu coro ses semper vicinu
A chimas fiorida faches nidu
De dulcura l'as prenu e l'as cunnidu
De amore lu tintas de continu
Lu ufras tue che riu atonzinu
Lu carignas che fruttu intro su sinu
Tue de isse ses cudda funtana
De abba cristallina pura e sana

Peppe Montesu
Aprile 2017

Istriore

Cherjo cussu chi pones istriore
Chi caentosu mi leat s'alenu
Cussu chi firmat su respiru lenu
E chi potente si prenat d'ardore
Cuddu chi forte ti giamat amore
E in mente ti intrat che balenu
A tie cherjo solamente a tie
Ses tue solu ch'ischidas a mie

Peppe Montesu

Aprile 2017

Craes de coro

Sas craes de su coro ti apo dadu
Tanca e aperi canno cheres tue
Ma no istes da isse fue fue
No lu lesses a solu abandonadu
In intro solu tue coro amadu
Sola bi ses nemos bi at cue
Si tue no lu tancas e l'aperis
De abandonu mortale mi feris

Peppe Montesu

Aprile 2017

Alas pro volare

S'erepo juttu alas pro bolare
Che turturella in sa bentana tua
Intrae dia in sa note a cua
Canno ses tue in su menzus sognare
Ti dia a tie una rosa apozare
Supras al laris chin sa foza sua
Narenneti ischida ch'est manzanu
Daenneti un basu a cor'in manu

Peppe Montesu
Aprile 2017

A tie Aspetenne

Sa vida colo a tie aspetenne
Continu sol'a tie ap'aspetadu
Dae canno su visu apo miradu
Chi donz'istante mi so ammentenne
Ti iseto in carrera abadienne
Ti iseto intro coro isalenadu
S'isetu tou est chi mi dat bida
Chin cuss'isetu s'anima est essida

Peppe Montesu
Aprile 2017

Lughe e colore

S'aurora pro te dia firmare
Pro ti dare sa luce e su colore
Dare ti dia su sou bagliore
Supra su visu pro ti carignare
Tanno de gai ti dia mirare
Inferzida cun rajos de amore
Mustrare gai a totus ti dia
Nenne chi custa est s'istella mia

Peppe Montesu
Aprile 2017

Bella poesia

Ses tue cussa bella poesia
Iscria eterna in su coro meu
Ses cathone , ninniu ses recreu
Ses litu amenu pro s'anima mia
Tue dulcura mi das solu ebbia
Prena de briu chin perunu anneu
Ses su disisizu chi anelo e bramo
Totu pro custu jeo a tie amo

Peppe Montesu
Aprile 2017

Penseri tou

Esser penseri su tou cheria
Pro ti poder totue istare acantu
Aghera in tunnu pro ti fagher mantu
Alenu tou pro s'anima mia
Cheria esser pro te solu ebbia
Raju bagliore pro ti dare incantu
Esser cheria pro te solamente
Oriolu e respiru in coro e mente

Peppe Montesu
Aprile 2017

Mi cherjo perdere

Perdermi cherjo in s'alenu tou
Intro e isse mi cherjo infriscare
In brazos tuos su coro ascurtare
Intenner d'isse su palpitu sou
Senza faeddu e senza montou
Idere paris su sole arrivare
Ider sos rajos de oro lughentes
Chi nos ammantan abos surridentes

Peppe Montesu
Aprile 2017

Ojos incantados

Son'incantados sos ojos mirene
T'enin in fatto disizos reziros
Ti ammantan alenos e suspiros
A tie solamente sun bidenne
Istat sa mente sonos ascurtenne
De idillios amenos che zefiros
No isco prus sis ses sognu o beru
Si ses chimera o si ses alleru

Peppe Montesu
Aprile 2017

Intro de ojos

Intro sos ojos tuos so perdu
in cue solamente cherjo istare
pro ti poder a manos carignare
battinne a sas laras dulce sidu
tanno chin dulce alenu e isfinidu
sas laras tuas lizzeru basare
intennenne sos bios e grisios
de venas e de coro totu mios

Peppe Montesu
Aprile 2017

Mudas su sensu

Tue a donzi cosa sensu mudas
li das colore la prenas de briu
tue la tintas in su coro miu
si no est forte deretu l'azudas
li cucuzas si juchet cuddas crudas
ispinas dolorosas d'erpiliu
tue de donzi cosa su dolore
in s'aera l'ispannas cun amore

Peppe Montesu
Aprile 2017

Delicadu desizu

Delicadu as su visu e coloridu
De colores chi pares primavera
Volas che mariposa e ses lizera
Pares d'amore sognu proibidu
in sa gula mi pones cuddu sidu
chi d'alenos pienat cust'aera
mi moghes bios d'umanos disizos
chi sun de sa bellura tua fizo

Peppe Montesu
Capidanne 2016

Su sole

Su sole ido passannesi in mare
Paren sas undas li fagher ninniu
Su sonu inteno de su coro miu
su ventu chimas faghenn'est tremare
totu a tie mi faghet pensare
totu mantenet cuss'ammentu ischiu
ma no asringhet sa manu tancada
cudda tua caente e delicada

Peppe Montesu
Aprile 2017

De s'anima ses

De s'anima ses umbra ses alenu
Pro te solu pro te isto vivente
Mere ses tue de coro e de mente
In totue de te ne so pienu
Ses tue chi su dol' aches amenu
Mi mudas totu tue solamente
Si mi mancat s'amore chi ti apo
Intri s'iscuru e paghe no acato

Peppe Montesu
Aprile 2017

Si solven sos sospiros

Si solven sos suspiros in s'aera
Sas lagimas la suspit su terrenu
Ma de s'amore su coro pienu
Solu sa morte ne at cunsidera
Si lu mantenes serradu che fera
Prestu ti leat respiru e alenu
Si tue no lu leas cuss'amore
Ne morjo jeo pro cussu dolore

Peppe Montesu
Aprile 2017

Benit su sero

Benit su sero falanne est s'iscuru
S'ora chi moghet in coro su dolu
Setidu foras ammentanne solu
Sambes penseris sun tottu a misturu
Su coro est modde no est pius duru
Chirco su modu de leare bolu
Pro benner a ti biere a in cue
Inumbe amada Nina bi ses tue

Peppe Montesu
Aprile 2017

Paret su coro

Paret su coro in pena intenne
Su dolore ca tue ses luntana
Sos raios de su sole in sa ventana
Paren esser chin isse pianghenne
S'amargura de te l'est uchidenne
Lanzas l'as puntu chi mortu lu ana
S'anima no lu torrat a caminu
Volada ch'est no est prus vicinu

Peppe Montesu
Aprile 2017

Dae lontanu

Paret ch'ascultes da lontanu a mie
E chi sa voche non ti tochet mai
Rajos bagliores a s'anna'e bai
In su calmu mudore enin a tie
Tue totu los tocas rie rie
Ponennemi su coro in arguai
Solu a isse in su pet' inteno
S'anima volat chin issa mi prenno

Peppe Montesu
Aprile 2017

Totu si pintat

Su tempus si colorat canno t'ido
Totu si pintat de vivu colore
De su dulce inteno su sapore
De su dolu chi tenzo minne rido
Donzi cosa chi penso ti cunfido
M'illepias de sa mente su dolore
Teu ses sa meighina d'onzi male
Ses cunnimmentu cunfutura e sale

Peppe Montesu
Aprile 2017

Mi sinzan sa idea

Sas laras tuas mi sinzan ideas
In s'intragna mi moghen su disizu
Intro su coro de ardore abizu
Intenno si s'apozana a sa meas
Non son'umanas mi paren de Deas
In terra non ne tenen assimizu
Son su deliru sun su sognu meu
Sun paradisu incantu e recreu

Peppe Montesu
Aprile 2017

Che sisia

Ses che sisia frisca de manzanu
Dopo sa note longa accaocada
Ses che rosa de maju profumada
Truncada frisca nuscada in sa manu
Ses su sonu de cuddu cantu arcanu
Chi t'innischidat s'intragna passada
Tue ses chi ravnivas coro e mente
Cann'arrivas che sole in s'oriente

Peppe Montesu

Aprile 2017

In coro donzi die

Mi penetran in coro donzi die
Chi ispada de ojos sa mirada
Tanno s'anim'in dolos afannada
Curret a foras s'afranzat a tie
Pro issolver de astragu e de nie
Sos sognos solos de una notada
Oramai in sa lughe tua arreo
Iforas d'issa in su fritu so jeo

Peppe Montesu
Aprile 2017

Comente nemos

T'amo comente nemos at amadu
T'amo de coro e anima fidele
T'ama prite dulcura ses e mele
E mi as donzi bena sucutadu
Sambene e bida de nou m'as dadu
Assutadu mi as odiu e fele
Tue d'amore mi as totu pienu
Venas e mente respiru e alenu

Peppe Montesu
Aprile 2017

Circundadu de alenos

Isto d'alenos tuo circundadu
Non bio nudda e arreo cuntentu
Isto precanne chi non benzat bentu
Chi m'acate d'aera inghiriadu
Mi astringo a su pettus delicadu
Su sambes paret in cumbatimentu
Immersu in custas undas de deliru
Su coro inteno apalpitu e respiru

Peppe Montesu

Aprile 2017

Laras intintas

Paren de mele intintas sas laras
E de nuscos de rosas profumadas
Rajos de lughe paren sa ojadas
Chin sas pupillas de colore raras
Frizas d'amore in coro m'isparas
Chi mi penetran e paren ispadas
Dolente arreat su coro feridu
Ca l'as d'amore potente colpidu

Peppe Montesu
Aprile 2017

Custu coro

Nemos e nudda podet istutare
Custa e coro ardente fiamma
Nemos e nudda che at a secare
Sa de amore inferzida trama
Non bi at abba e non bi at lama
Chi cust'amore lu fagat cessare
Est pro s'eternu chi ti a jeo
Semper continu amante t'arreo

Peppe Montesu
Aprile 2017

In sa tua mirada

Su munnu totu in sa tua mirada
In sa mirada bi est totu su munnu
Cun su surrisu su chelu est in tunnu
Chin d'unu basu sa mente est zirada
S'anima dae pettus ch'est bolada
Ist'in recreu e deliru profunnu
Pares de s'universu intrada tue
E de fiamas ardentes m'allues

Peppe Montesu
Aprile 2017

A sa sola
Cann'a sa sola in sa note ischidu
Intenno de su coro sos tocheddos
Canno sos sognos diventan nigheddos
E parjo intranne in s'iscuru infinidu
Canno s'alenu essinne infrittidu
Non biet sole ne luna o isteddos
Tanno su visu tou solamente
Torrat a mie su coro caente

Peppe Montesu
Aprile 2017

Che lentore

S'anima mia che umidu lentore
Infunnet donzi ripa de su riu
Canno sas chimas li faghen ninniu
Giamat e mutit su perdu amore
Delicadas las tinghet de dolore
Chin ojos tinghet su piantu miu
Ohi ite pena ite forte tristura
Canno d'amore no mi das calura

Peppe Montesu

Aprile 2017

Canto

Canto in su coro versos de amore
Onzi note pro te in sa mudura
Isteddos mutos prenos de lucura
Pro dare a tie s'issoro bagliore
Giamo su ventu prenu e furore
Li naru cantu t'amo in sa paura
Naro ch'in brazos mios ti cheria
Pro chi l'intennas custa poesia

Peppe Montesu

Aprile 2017

Chircanne

Cantu piantu carignos chircanne
Cantas lagimas mudas de dolore
In sas notes sognanne su sapore
De l'aras tuas a mie basanne
Coladu ch'est su tempus aspetanne
Paret sicadu cuddu vezzu ardore
Ma canno t'ido torrat sa vampada
De'una cottura chi non ch'et passada

Peppe Montesu
Aprile 2017

Solu pro te

Custu coro pro te palpit solu
est in anelu pro te sol'ebbia
paret morinne a bios d'agonia
mutit continu leanne su bolu
si non tenes de isse tue dolu
la lassat prestu sa persona mia
cheret bolare vennere a in cue
a umbe cor'amadu bi ses tue

Peppe Montesu
Aprile 2017

Perdidu

Perdidu in s'iscuru in su mudore
Chirco e aspeto sa bell'aurora
A issa bio ispuntare ancora
Ma solu so e ne provo dolore
In s'erva a guttios su lentore
Lagimas paren piantas in fora
Las issolvet sa lughe a rajos d'oro
Ma non caentat custu fritu coro

Peppe Montesu

Aprile 2017

Astru de lugore

De lugore ses astru de belleza
Ispannas lughe chin cussa mirada
S'anima mia restat oscurada
Si no la miras arreat suspesa
Non bolat dae pettus est tratesa
Aspettat in peleas cudd'ojada
Si non bio sos ojos de amore
Areo tristu afrantu in dolore

Peppe Montesu
Aprile 2017

Cori dura

Pruite cori dura ti mi cuas
Ischinne chi a tie amo tantu
No l'intennes de coro su piantu
Ch'istat mutinne sas gracias tuas
Duncas si m'amas s'ojada non fuas
Consala cust'amante in cor'afrantu
No mi lessas in pena e disconsolu
A patire in pena e oriolu

Peppe Montesu

Aprile 2017

Velas de lughe

Velas de lughe sas pupillas mias
E mi pone a palpitu su coro
Sognos d'amore in mente coloro
Sos senso totu a mie n'ischias
Intunnu sonan dulches melodias
Bellu tripoju est su sonu issoro
Canno ti bio arreo ispantadu
De te eternamente innamoradu

Peppe Montesu
Aprile 2017

Paret d'intenner

Paret d'intenner su carignu tou
In su disizu chi m'est allughenne
Tanco sos ojos e ti so videnne
Onzi cosa de te m'est denne prou
Ma sole ispuntanne da e nou
Mi narat mi chi tue fis sognenne
M'ischido solu restat su disizu
Ma de te te in totue chirco abizu

Peppe Montesu
Aprile 2017

M'as prenadu

M'as prenadu 'e penas de amore
In afannu m'as postu e in regiru
In fiammas ardentes su respiru
brujenne m'est e mi dat dolore
in sa gula sun sidu e s'assutore
dan visiones ponen in regiru
in ispasimos goi so vivenne
totu sas notes a tie pensenne

Peppe Montesu
Aprile 2017

Apo su ventu

Apo su ventu che caddu iseddadu
Narenne a isse de chircare a tie
A ive tue mi che pica a mie
Tra sos muilos li apo vochiadu
In sas aeras a mie at picadu
Ma arrivadu no so a inie
No mi leat a umbe cherjo jeo
Canno m'ischido umbe ipo arreo

Peppe Montesu

Aprile 2017

Sa bellesa

Su coro m'est moghenne sa bellesa
De lughe sa mirada m'at pienu
Su respiru m'apretat si est lenu
Sa mente mi pienat de vivesa
Sa simpatia tua e candidesa
Mudan sa vida e caentan s'alenu
Est sa voche suave sinfonia
Chi mogheet tottu de s'anima mia

Peppe Montesu
Aprile 2017

Su carignu tou

Paret d'intenner su carignu tou
In su disizu chi m'est allughenne
Tanco sos ojos e ti so videnne
Onzi cosa de te m'est denne prou
Ma su sole ispuntanne da e nou
Mi narat chi a tie ipo sognenne
M'ischido solu restat su disizu
Ma de te te in totue chirco abizu

Peppe Montesu
Aprile 2017

In su coro

Sunu in su coro sas tuas miradas
Ch'ismentricare mai poder dia
Cussu bagliore prenu e simpatia
Sun totu inie las tenzo sinzadas
Las ammento in oras afannadas
Sun meighina sun sa forza mia
Sun'issas chi mi dan alenu e briu
Sun su respiru e de mente ninniu

Peppe Montesu

Aprile 2017

Non faeddat

Non faeddat non giamat sa tristura
Piena est de amore ammurriada
In palas suas si l'at garrigada
De sa vida sa parte pius dura
Dolos afannos donzi disaura
Inserrado los at nudda non nada
Chin s'amore los cunnit e cunservat
In sos nidos de coro los preservat

Peppe Montesu

Aprile 2017

Meighina de coro

De coro tue curas su dolore
Ca lu prenas di zoja e de recreu
sananne ses custu coro meu
Cun afetu tintadu de amore
Caentadu mi as gelu e fritore
Mantenenne luntanu donz'afeu
Ses che beranu chi mudat su campu
Frisca e nuscosa che rosa de rampu

Peppe Montesu
Aprile 2017

S'ammentu tou

Apo s'ammentu tou in coro presu
L'apo ligadu non podet fughire
Mai da cue isse at'a essire
Mancu canno s'anima a Deus apo resu
Isse fogu d'amore bi at acesu
I su viazu mi at a sighire
Tue ses imprimida a cifras d'oro
Mere ses diventada e cussu coro

Peppe Montesu

Aprile 2017

Paret fogu

Paret focu brujenne custu coro
In su mudore inteno s'ardore
Sas fiammas ifascan su dolore
Ma no abranda su caentu issoro
Ti muto mudu giamo e m'addoloro
Sico a giamare mutinnet'amore
Ma su tempus marranu dispetosu
Narat non mutas pro te non b'at gosu

Peppe Montesu

Aprile 2017

Su falare de s'abba

De s'abba cuss'armonicu falare
Faghet ninniu a cussos ojos tuos
Nigheddos diamantes paren duos
Chi acecan su sole in su brillare
Vis'as dechidu chi faghet sognare
Chelos serenos chen'ar annuos
Venus mi pares in terra falada
Po alligrare s'anima afannada

Peppe Montesu
Aprile 2017

Sa vista iscurada

Canno sa vista aia iscurada
E su coro de palpitu it avaru
Ses arrivada poderosu imbaru
E sa vista deretta m'est torrada
In su coro sos bios a ventada
Sunu naschidos e no an reparu
Est naschida pro tie coro meu
Sa bunnante funtana de recreu

Peppe Montesu

Aprile 2017

Sospiros in su bentu

M'atit su bentu sos sospiros tuos
Cunsigno a isse sos mios deliros
M'atit de nou sos tuos suspiros
In s'aera los unit ambos duos
Ambos impari non cheren azuos
Ma mi creschen de mente sos regiros
Solu su ti pensare mi recreat
Su dolu essit su recreu arreat

Peppe Montesu
Aprile 2017

Imprimida in coro

T'apo in su cor'e ment'impemida
A tie custa vi da est dedicata
S'anima in petus tou ch'est volada
Dae su meu dereta ch'est essida
Dae cuddu momentu chi t'at vida
In petus meu non faghet torrada
Chin tecus chere vivere e istare
A tie solu cheret iss'amare

Peppe Montesu
Aprile 2017

Retrattu divinu

Ses retratu d'angelica figura
Pintadu in terra da manu divina
Lughes che aurora matutina
Miras ispannas totue belura
Mudas pius de Flora sa natura
Pares de issa sa noa reina
Tue adornas e pones incantu
Totue pones de bellesa mantu

Peppe Montesu

Aprile 2017

Dies pesantes

Pesantes sun sas dies canno tue
A custu coro meu ses luntana
Paren iscuras e pius no mi dana
de lughe sinzu inoghe o in cue
a tie chirco ti chirco in totue
ma donzi chirca mia paret vana
non ridet sole non bi ridet luna
chene piedu e ispera peruna

Peppe Montesu
Aprile 2017

Cantas amore

Amore cantas che note e beranu
Che a issa t'infunes de lentore
De istentale tenes su bagliore
Custu meu destin' as tue in manu
Sa mente mi as fatu che seranu
Ligadu parjo a tramas d'amore
Sena sos ramos de lughe as pintadu
A totu su ch'aia sensu as dadu

Peppe Montesu

Aprile 2017

A lughe morta

A lughe morta in sa notte iscura
In sos ammentos a tie chirchenne
Pares vicina a mie astringhenne
Ma no intendo sa tua calura
In laras so pienu d'assutura
Su coro de amore m'est brujenne
Tanno bi penso chi non ses vicinu
E donz'afannu mi moghet su tinu

Peppe Montesu
Aprile 2017

Sididu

So in pedinu assuttu sididu
Che abba a tie arreo aspettenne
Canno ti vio luntan'arrivenne
Su sidu a sa bucca m'est creschidu
Su sambene l'intenno acaloridu
Paret su coro ch'es iscopienne
Poi canno astrinta ses a mie
Paret s'incantu pienet a mie

Peppe Montesu

Aprile 2017

Visione de bellura

Canno ti ses a ojos parada
Che visione de rara bellura
Totue as cancelladu sa tristura
sa grama vida mea est cambiada
Sa die torra a nou est ispuntada
Fughida est dae coro s'amargura
Sunu sos sognos in mente torrados
Los as issortos ca fini ligados

Peppe Montesu
Aprile 2017

Fiama de amore

Tue ses de amore una fiama
Chi brujat in su coro e dat cuntentu
De su meu deliru ses su ventu
E de su petu ses alenu e brama
A grasia e bellesa li ses mama
Chi mi ponen sos sognos in turmentu
Tirannia amorosa chi m'as vintu
Ca m'as d'amore custa vida tintu

Peppe Montesu
Aprile 2017

Non bi at lughe

Non bi at lughe s'a tie non bio
Istat pienu su coro de pena
Solu chin tecus sa die est amena
Solu a tie vicinu cherio
Custu disizu continu t'imbio
Custu est chi mi curret in sa vena
Si no inteno su respiru tou
Pro mene non bi naschit die nou

Peppe Montesu
Aprile 2017

Mutinne a tie

A tie chirco che friscu lentore
Tra chimas e alenos de zefiru
Annane ifattu a su meu deliru
A tie muto giamannet'amore
Ti muto a voche muda in su mudore
Paret ch'intenna su tou respiru
Che anima afannada isto chircanne
A tie bella solu isto pensanne

Peppe Montesu
Aprile 2017

Sas die passavo

Sas dies las passavo in su mudore
In turmentos afannu e in tristura
Ma sa tua adorabile friscura
At cancelladu in mie onzi dolore
Como in pettus bi bunnat amore
Adornat totu sa tua bellura
S'anima torrat a leare bolu
Su coro cantat ca non b'est prus solu

Peppe Montesu
Aprile 2017

Sos cantos de sas aes

Colan sas dies prenas de ispera
Sos sognos m'acumpanzan note e die
A donzi ora so pensenne a tie
Ti apo in ojos che dulce chimera
Sas aes sas padronas de s'aera
Paren benenne totu dae inie
Inumbe as tue abitu amadu coro
Chi sinzadu sos cantos issoro

Peppe Montesu
Maju 2017

Sas oras de sa note

De sa note sas oras curren fora
Sonnu no lean custos ojos mios
Juco su coro a palpitu e bios
Sa luna in chelu est incantadora
A issa li cufesso jeo ancora
De issu sos dolores e isvios
Issa m'ascurtat e paret narenne
Chi tue puru mi ses aspetenne

Peppe Montesu
Maju 2017

Mai credia

Canno che ses partida ipo in piantu
Fit fritu cussu basu chi m'as dadu
Su coro perra pera m'as truncadu
Ip'in dolore de penas afrantu
Mai credia de su frire tantu
Pro esser d'unu coro innamoradu
Ma semper penso e ti tenzo in coro
Torra a inoghe istimadu tesoro

Peppe Montesu

Maju 2017

Sos ammentos tuos

Sos ammentos de te los ap'in coro
Faghen costante a mie cumpanzia
Sun de cunfortu a s'anima mia
Chi si caentat chi su caldu issoro
Canno mi mancan jeo m'addoloro
Vivo chin issos solamente ebbia
Chin cuss'ammentu arre aspetenne
Sas dies meas a solu colenne

Peppe Montesu

Maju 2017

S'unda

S'unda ch'arrivat mi vatit su sonu
Deo paro s'oricra a l'ascoltare
Sas novas tuas a mie solet dare
Sa voche tua inteno a fizu bonu
Mi est ninnia mi est dulce intonu
E mi faghet su coro palpitare
Mancari chi chin s'uju non ti bia
Inteno a tie solu a tie ebbia

Peppe Montesu
Maju 2017

No m'istanco

No m'istanco de t'idere un'istante
Passo su tempus a ti cuntemplare
In su coro ses solita abitare
Sa mente mi mantenes delirante
In totue ses tue unic'amante
Pro te sena su samben dia dare
Ses tue cussa ardente passione
De cor' e mente bella visione

Peppe Montesu

Maju 2017

Su sole ispuntanne

Canno su sole ispuntat su manzanu
Arrivas tue a li dare lucore
A bellesa ne mudas s'isplendore
Li vas incontru e li das sa manu
Tue vicinu e isse luntanu
Gareggiantes parides in bagliore
Ma tue vinches a isse in bellura
Pius d'isse a su coro das calura

Peppe Montesu
Maju 2017

Che mura nighedda

Fis che mura nighedda in sa crejura
Chi promitias agrestes dulcuras
ispinas mi pughias semper duras
Cuczadas chin fozas de bellura
Prelibadu ses fruttu de natura
Chi galu oje su coro mi furas
Semper currenne a su tene e lassa
Su coro meu marcadu lu assa

Peppe Montesu
Maju 2017

Sa prima vorta

Canno sa prima vort t'apo vidu
S'alenu impetuosu si est pessadu
Su coro de amore at palpidadu
Su respiru caente mi est essidu
Onzi fritu onzi dolu est isparidu
Allutu ses de nou su criadu
De lugura caente mi as pienu
Su viver meu est torrada amenu

Peppe Montesu
Maju 2017

Galu bella

Galu ses bella galu ses galana
Nudda su tempus a tie t'at fatu
Galu pones su coro in discatu
Che i sos tempos canno fis bajana
Galu pones d'amore sidu e gana
Galu ti ponzo chin sa mente infatu
Non morit mai sa tua belleza
Dea gentile prena e dechidesa

Peppe montesu

Maju 2017

Totu cantu

Totu cantu de te mi est mutinne
giamat su coro mi mutit sa mente
su meu s'est brujanne in foc'ardente
s'anima dae petu ch'est essinne
in s'aera sa tua l'est sichinne
a manu tent' in su chel'isplendente
visiones deliros sun sos mios
de amore sun sognos e ninnios

Peppe Montesu
Maju 2017

Belles rara

Su tratu e sa bellesa est rara assai
Sa gentilessa ti faghe distinta
Pares da Giotto in sa tela pinta
Cun sos colore prus vivos che mai
Narenne pares chi bellesa gai
Non sinn'at bidu ne bera ne finta
Sa prima ses ses su campione
Si su vantù ti do est chin rejone

Peppe Montesu
Maju 2017

T'amo in totue

T'amo in su risu t'amo in su piantu
T'amo in sa lughe t'amo intro s'iscuru
Luntanu dae te viver m'est duru
Paret sa vida no apet ispantu
Tue de custu coro ses su cantu
Su portu sou ses pius securu
Canno li mancas no at pius livesa
No at prus briu e ne cuntentesa

Peppe Montesu

Maju 2017

Chene ammentu

De su tempus perdidu apo s'ammentu
Lu conto solu canno mancas tue
Si ses chin mecus istat fue fue
Volat deretu ma mi dat cuntentu
Tue l'allughes paret focu tentu
E de fiamas a mie m'allues
Tue lu firmas e lu faghes passare
Pares sa mere e lu podes domare

Peppe Montesu
Maju 2017

Perdidu

Parjo perdidu in sa tua bellura
Chi m'annegat e bagnat tot'intreu
bena ses tue de su sidu meu
chi mi pones che focu tant'arsura
Beneita dechida creatura
Funtana immaculada de recreu
A mie su destinu as cambiadu
In eternu de te innamoradu

Peppe Montesu
Maju 2017

Tremitos d'amore

D'amore post'as tremitos totue
Essini a foras prenos de dolore
Canno ti vien sono de ardore
Si ses lontana non b'ana a neddue
Ma s' a mie vicinu benis tue
Che fiamas ardentes dan brujore
Ses tue chi los moghes e cumannas
Los alughes los moris los abrannas

Peppe Montesu

Maju 2017

A impoddile

A impoddile intrat s'aurora
De lughe prenat sa tua visura
Rajos ch' allughen sa tua bellura
Faghenneti donosa incantadora
Sos ojos mios los sichin tot'ora
In su carignu che dulce ternura
Tue a pilos issortos in su letu
Jeo mirene s'amore perfetu

Peppe Montesu
Maju 2017

Sognos vagabundos

Jeo in mesu a sognos vagabundos
Isto chircanne a tie in s'aera
Ma ses pejus de neula lizera
Chi non bi durat minutos sicundos
Ma in cuss'ora peri moribundos
Los allughes daennelis ispera
Vivet sa mente de s'incantu chi das
Lu leat oje aspettanne cras

Peppe Montesu
Maju 2017

Mi pones amore

Sena dormidu mi pones amore
Puru in su sonnu m'aches palpitare
Paret su coro non podet istare
Si non ti pensat ne provat dolore
Solu tue a su biu das sapore
In fiamas lu faghes alenare
Non podet vivere si non bi ses tue
A donzi ora ti chircat in totue

Peppe Montesu
Maju 2017

Paraulas tuas

Sas paraulas tuas sun longhissas
Chi m'ingranzean pius de su restu
Sas laras chi li dan su tonu onestu
Paren pianas de milli promissas
Intro e coro mi las punghes fissas
Chene isforzu e perunu zestu
Canno mi mutis a numes distintu
Parjo d'anelu e ispera tintu

Peppe Montesu

Maju 2017

Ojos tristos

Ojos tristos de tenera dulcura
In d'unu visu superbu de dea
Paren narenne a su Sole arrea
Ispanna ancora cussa not'iscura
Ista chin mecus daemi lucura
Muda la tue cust'istrada mea
Caenta custu coro dali briu
Torra recreu a custtu coro miu

Peppe Montesu
Maju 2017

Fiore de campu

Ses che fiore e campu profumadu
Piena de vivessa e de incantu
De rusignolu melodicu cantu
E che arcu e chelu coloradu
Ses cudd'astru lughente e criadu
Chi dat de lughe bagliore e ispantu
Tue ses focu deliru ninniu
Tue a sa vida li das gustu e briu

Peppe Montesu
Maju 2017

A umbe ses annadu

A umbe ses annadu sognu amadu
Prite mi as lassadu inoghe solu
Non benis prus a mi dare consolu
Tue pius a mie b'as chircadu
No intennes su coro iscunfortadu
Chi non bi torras a leare bolu
A tie colat sas notes chirchenne
Prenu de dolu a tie aspetenne

Peppe Montesu
Maju 2017

In laras su disizu

In sas laras ne tenzo su disizu
S'anima intenzo mutinn'ammudada
Ma tiranna ses surda a sa giamada
De te perunu a mie das abizu
No li das a s'amore cuntipizu
No mi torras chin ojos sa mirada
Ma cuntinu mi pones in tripoju
Mancari zires a un 'ala s'oju

Peppe Montesu

Maju 2017

Istrintu a tie

Canno s'anima mia istringo a tie
Paren sas alas alluttas bolenne
Tottu intunne paret surridenne
Ammescuradas paren note e die
De dulcuras pianas tue a mie
Jeo d'amore la so infunnenne
Paren oras d'incantu e de deliru
Volanne in alas de cussu zefiru

Peppe Montesu

Maju 2017

Pro un istante

Pro t'aere chin mecus un istante
Cussu ch'apo in poscesciu dia dare
Sos delores che dia soportare
De Gesus in sa rughe agonizzante
Pro torrare a tie trepidante
Amore da e nou a dimannare
Pro unu basu tou su dolore
No lu timo e soporto che fiore

Peppe Montesu
Maju 2017

Fughis a mie

Pius ti amo prus fughis a mie
Donzi note ti chirco in s'iscurore
Ma tue fughis e mi das dolore
Tottu sas notes so sichinne a tie
Ma tue fughis semper rie rie
Ses che lampizu mi pares bagliore
Ma canno paret firmadu su bolu
Su sole arribat e m'ischido solu

Peppe Montesu
Maju 2017

Paret su bentu

Paret su bentu foras suspirenne
Denne risposta a sos lamentos mios
Sena sas aes li faghen ninnios
Bolan a tunnu lu sun'ascurtenne
Su coro chi luntanu est aspetenne
Naran impare est a a dolu e bios
Non podet in isettu palpitare
Curre a inie totu lassa istare

Peppe Montesu

Maju 2017

Carignanneti

Canno in sa carre ti colo sa manu
jeo inteno murmuttos d'amore
a framadas sos focos de ardore
intran in mente pianu pianu
s'anima muit chin mutire arcanu
paret canzelladu onzi dolore
sa pena la canzellat su deliru
est sinfonia su chi est in ziru

Peppe Montesu

Maju 2017

Intro de coro

Intro e coro dimora b'as fattu
Donzi bicu cuvadu l'as pienu
Se respiru as tintadu chin s'alenu
Sa mente iscolpidu at su retrattu
sas oricras su sonu tou esattu
Cantnt a mie chin tonu serenu
De te totue pienu m'as totu
Dae s'istante chi t'apo connottu

Peppe Montesu
Maju 2017

Ses...

Ses recreu e gaju palpitante
Chi mi ammantas canno so ischidu
In su reposu e canno dormidu
Mai mi mancas in perun'istante
Ses tue sa figura delirante
De visione e sognu infinidu
Ses tue sa chi tinghet donzi alenu
Ca m'as d'amoretottue pienu

Peppe Montesu
Maju 2017

A fremidas

A fremidas d'amore so ischidu
Oju non tanco a tie pensenne
Intro sas venas su sambes currenne
Intro su letu inteno fritidu
Onzi alenu de te est remunidu
Est in s'ammentu e so delirenne
Tue non benis a mi caentare
Semper'ischidu sico a delirare

Peppe Montesu
Maju 2017

Sa chirca de s'anima

S'anima istraca chircanne reposu
In manos tuas cheret riposare
Si cheret dae issas ninniare
Chircanne in cue un'ora de gosu
Ma in s'istadu meu goi annosu
Ti podet solu i sognu chircare
Ma ata a benner forzis una die
Ch'issa bolenne arribet a tie

Peppe Montesu

Maju 2017

Su ch'apo sognadu

Dami su chi de te apo sognadu
In sas oras de dolu e de turmentu
Dami como presente su contentu
No mi mantenzas de nudda privadu
Sempere e solu ap'aspettadu
Solu de te pedia a su bentu
Como chi ses inoghe dalu a mie
Su chi apo sognadu note e die

Peppe Montesu
Maju 2017

Sas Jannas de su coro

Apertas sun sas jannas de su coro
Canno cheres si podes intra a cue
Serralas cano cheres bie tue
Tue la juches sas craes isoro
Jeo so in isettu e m'addoloro
Ca tue istas chin mecus fue fue
Intra columba e faghebi nidu
No lu mantenzas su coro feridu

Peppe Montesu
Maju 2017

Aspeto a tie

Aspeto a tie no lu tanco s'uju
Aspeto a tie non perdo s'ispera
Aspeto a tie che duce chimera
Aspeto a tie affusu e tripoju
Aspeto a tie ti venz' in abboju
Aspeto a tie ti chirco in s'aera
Aspeto a tie intro s'aurora
Aspeto a tie in intro e in fora

Peppe Montesu

Maju 2017

In segretu

In segretu ti amo istanne mudu
T'amo in s'iscuru intro su mudore
Ti giamo chin s'alenu e chin s'ardore
T'amo mutinne e pedinne azudu
Sas feridas d'amore a coro nudu
Vringhen continu e mi dan dolore
Si no las sanas n'acato sa morte
Ti amo tantu e so feridu forte

Peppe Montesu
Maju 2017

Non ti bio pius

Non ti vio pius e sogno a tie
Non resesso su sognu a cancellare
Jeo in eternu ti ap'a sognare
Peri chi tue non benzas a mie
A tie sogno sa note e sa die
Ca custu sognu non poto firmare
Mi as postu d'amore una catena
Chi doloras a mie ponet pena

Peppe Montesu
Maju 2017

Pares

Pares da chelu in terra falada
Brillas prus de s' isplendida aurora
Ses tue de sos sognos sa signora
Ses reina 'e sa mente innamorada
Che a tie in bellesa non bi ada
Non bi at simizante incantadora
Non b'at bellesa a tie simizante
Chi gires su ponente e su levante

Peppe Montesu

Maju 2017

Ti chirco

Chirco sa note in sonnu un'abizu
Chin s'anima ti mutò in su mudore
Ma a curzu non b'at de te calore
Tanno m'arrico e ist'a passizu
A su dolu e s'afannu parjo fizu
In sa note chircanne unu lucore
Chin sa luna a faedu aspeto die
Pedinnel'umbe ses ca venzo inie

Peppe Montesu

Maju 2017

Canno t'apo intopada

Canno s'istrada mea chin sa tua
In cussu situ si sun'incontradas
Finodos sunu bolos e notadas
De custu coro leadu as sa prua
A mie as domadu a brilla e a zua
Non ne canto piu de seranadas
Passo sas dies a tie pensenne
De amore pienu e aspetenne

Peppe Montesu
Maju 2017

Cantu mi dolen

Ohi cantu mi dolen sas feridas
Custas d'amore chi tue m'as fatu
Sa mente mi as postu in disacatu
a murmutos su sambene m'ischidas
sa penas de amore sun bennidas
e a deliros so annanne ifatu
passos sa notes in deliru ischidu
che puzone voladu dae nidu

Peppe Montesu
Mahu 2017

Palpitu as dadu

Palpitu as dadu a custu coro tue
De amore l'as dadu alenu e briu
Como sa note mi la colo ischiu
Chircanneti e mutinniti totue
Assetiu non faco prus neddue
Dae sa mente mi parjo un'essiu
A s'anima su postu l'as leadu
Dae canno cust'uju t'at miradu

Peppe Montesu
Maju 2017

Che rosa

Ses che rosa tintada de lentore
Bella frisc'abbagliante colorida
S'aurora de rajos t'at tingida
Su sole t'at pintadu su bagliore
Non b'at che tie ateru fiore
Unica ses sa pius dechida
Naschida pares pro amore dare
Rosa e maju eleta singulare

Peppe Montesu
Maju 2017

Falat sa note

Falat sa note sa luna est in chelu
pronta a m'ascurtare iluminada
est gia ghetanne a mie un'ojada
paret connoscat su e coro anelu
li pedo mudu cunfortu e antelu
in custa longa e fritu notada
pro una bella chi mi at colpidu
e m'at lassadu su coro feridu

Peppe Montesu

Maju 2017

Ojos

Ojos chi m'aperides chi s' incantu
Sa vias de sos sognos delicados
Pilos nieddos in palas falados
Pienos de lugore e de ispantu
Amore amore ca ti amo tantu
Intenne custos bios afannados
Cann'amorosa acurzu mi venis
s'afannu meu abrandas e lenis

Peppe Montesu

Maju 2017

Sinzos d'amore

No apo sinzos de s'amore tou
E mi consumo In penseris nigheddos
Chin sas umbras a zestos e foeddos
ca mi as puntu in coro un zou
aspetanne infritudu die nou
tra urulos de mente e de apeddos
si no mi das deretu unu sinzale
no lu resisto cust'istare male

Peppe Montesu

Maju 2017

In sognos solu

No mi lessas in sognos solu solu
Firmati inoghe ti imploro arrea
Peri su t'aere solu in sa idea
Mi dat ispera mi lenit su dolu
Arrea in sognu daemi consolu
Ninnia tue cust'anima mea
Si mancu in sognu mi arreas tue
Sa note est frita iscura che nue

Peppe Montesu
Maju 2017

Vivo pro ti amare

Vivo pro ti amare solamente
Solu pro ti amare arreo in vida
Ti apo intro e s'anima imprimida
No mi essis istante dae mente
Ses de manzanu raju risplendente
E de sa notes' istella dechida
Tue ses de amore su portentu
Solu si amo a tie so cuntentu

Peppe Montesu
Maju 2017

Sulco sas aeras

Pro t'incontrare sulco sa aeras
Alas mi ponzo pro idere a tie
Non bi at cosa chi firmet a mie
Ca ses sa bena de tantas isperas
Tue de sognos e de cunsideras
Su portu ses a note e adie
Lo remunis sos pensamentos mios
Fascados de alenos e de bios

Peppe Montesu
Maju 2017

In sos penseris

In sos penseris a tie apo chircadu
Che chimera insonnu a s'ischidu
Un filu 'e amore apo sichidu
Su coro semper mi at guidadu
Chin s'uju de piantu apo miradu
Secus istanne a s'amorosu sidu
Como ch'in manu t'apo mi consolo
Tanco sas alas e pius non bolo

Peppe Montesu

Maju 2017

S'uju est perdidu

Ti so mirene e s'uju est perdidu
Ifatu tuo che perdo s'alenu
Tue d'amore su cot'as pienu
L'as trafitu cun frizas de Cupidu
Ma canno lu carignas s'est feridu
Deretu torrat ridente e sulenu
Ca s'incantu chi solu li das tue
B'est solu inoghe non b'est atterue

Peppe Montesu
Maju 2017

Serradu in coro

Ap'in coro serradu lughe i briu
Pro ti renner'alligra illuminada
Issu si l'amas totu a tie dada
Totu su chi bi est no est prus miu
Onzi palpitu alenu e onzi biu
Est pro te de cust'anim'afannada
Pro te est totu cantu destinadu
Donzi cosa de me pro te est dadu

Peppe Montesu

Maju 2017

Chin tecus

Totu chin tecus paret prus vicinu
Nudda m'arreat distante luntanu
Totu tue mi vatis a sa manu
Diventat curzu su longu caminu
Onzi deliru lu torras in tinu
Puru su craru diventat arcanu
non b'at muru chin tecus ne crejura
non b'at dolore e nemmancu tristura

Peppe Montesu

Maju 2017

Che Calamida

Che calamida mutis su penseri
che ap'a mele curret su disizu
a s'amore li pones cuntepizu
a tie delicadu enit lizeri
in intro de su coro prejoneri
arreo solu che orfanu fizu
totu de me est chircanne a tie
paret chi nudda mi restet a mie

Peppe Montesu

Maju 2017

Ap'a tenner

De t'amare ap'a tenner cuntepizu
Ca t'istimo e t'adoro immensamente
A tie tenzo in coro solamente
A tie solu est chi ap'in disizu
Atera non binn'at in assimizu
Tue ses solu tue chi ap'in mente
Pro me finzas chi duro ses intentu
Ca ses gaju recreu e ses cuntentu

Peppe Montesu

Maju 2017

In su deliru

A tie chirco in su meu deliru
A ti giamo in s'iscuru mudore
Chirco su tou lughente bagliore
Su tou aferro luntanu respiru
Palpitos bios sunu totu a ziru
S'istan chircanne in s'iscuricore
De amore sos fremitos in venas
Mi mutini a afannos e apenas

Peppe Montesu

Maju 2017

Apo Sognadu

Apo sognadu sos basos ardentis
De sas tuas vermiglias caldas laras
Sas delicadas ternuras de caras
Tra palpitos de coro prepotentes
Sos sinos tuos che luna ridentes
Mustranne a mie sas bellesas raras
Custu sognavo canno fis luntana
Custu fit su disizu sidu e gana

Peppe Montesu
Maju 2017

In podere tou

Est in podere tou su consolu
Tue as sa meighina a custa pena
Tue de issa ses funtana e bena
Ses tue chi lu moghes s'oriolu
Juches tue sa crae tue solu
Tue sola la trucas a cadena
Ventos perunos non b'at de chircare
Ca ses presente a ti lu dimannare

Peppe Montesu
Maju 2017

So in deliru

So in deliru e mesu sonnidu
Ma sa tua figura ido nitida
Ti ido ancora non che ses fuida
Non so sognanne so rizu e ischidu
Sos ojos meos a tie ana vidu
In carre e ossu non pares tingida
Si pro bolare alas no as alas tue
Si fis inoche prite ch'annas cue ?

Peppe Montesu

Maju 2017

Mi tempestas

Su coro che tempesta mi turmentas
In sa mente mi ziras in totue
A donzi ora solamente tue
De amorosas m'inferzis lamentas
Mi allughes sas bramas ch'in'ispentas
Chi istare non poden pru in cue
De donzi annare meu as cambiadu
Su ch'ipo prima m'apo immentricadu

Peppe Montesu
Maju 2017

Arrea

Chin mecus istat trateneti arrea
Galu carignos apo de ti dare
Tottu sa note ti cherjo vizare
Ses solu tue in s'idea mea
Ti tenzo intro e coro totu intrea
E in su sambes t'inno bunnare
Veni a inoghe istami vicinu
In s'iscuru e sa note e in ladinu

Peppe Montesu
Maju 2017

Rimas

Rimas d'amore porrimi a cantare
Calliope sa bella d'Elicona
Apollo tue chin cuss'arpa intona
Versos Talia azuda a rimare
A custa bella las cherjo cantare
Ca las meritat piu de Lattona
Prus de Diana de Venus est bella
reina est de bellesa e noa istella

Peppe Montesu
Lampadas 2017

Naran

Naran ch'it bella s'ispartana Elena
Ca no an bidu sa tua belleza
Tue reina ses in candidesa
De simpatia ses funtana e bena
Del dulcura totue ses piena
Sa natura onzi grazia ti at resa
Non bi at che a tie un'ateruna
Bella che tie non binn'at mancuna

Peppe Montesu

Maju 2017

Mi as lassadu

In tanta aflissione mi as lassadu
Pro sos contos perfidos non provados
Ma sos afetos mios dedicados
Sun solu a tie mai so mancadu
Semper sinceru a tie ap'amadu
A tie sun sos isetos affidados
Non bi ' ascurtes sa zente imbijosa
Ca si nono mi pones in sa losa

Peppe Montesu

Maju 2017

In coro

Deo ti apo in coro presente
Su nidu tue bi as fat'inie
In sa mente ap'a tie note e die
Ti chircat su pensieri frequente
Unu focu allutu as med'ardente
Chi solvet d'onz'astragu onzi nie
Donzi pena e dolore issolves tue
Pius de abba de nitida nue

Peppe Montesu
Jannarju 2017

De Tie

De tie mi at fatu innamorare
Sa passione e volontade forte
No mi dexas in brazos de sa morte
Daemi amore fachimi sognare
Totu s'amore meu t' apo a dare
Ch'a a tie m'at mustrat custa sorte
Su tratu tou galanu e dechidu
A mie at incantadu e at colpidu

Peppe Montesu
Sant'Andria 2016

Deus chi as mannadu

Deus chi as mannadu sa bellesa
In terra a nois po dare recreu
Ascurta cust'umile versu meu
Ponebi manu in sua defesa
custu coro pienu e nobilesa
azuda tu no li des anneu
custu candidu lizu galu in frоре
torra a su briu su jocu a s'amore

Peppe Montesu

Su bentu lenu

Canno inoche su bentu colat lenu
M'atit su tou nuscu delicadu
Jeo in su coro lu tenzo inserradu
Solu de isse arreo pienu
A isse lasso cussu meu alenu
Pro lu torrare a tie coro'amadu
Arreo gai cudd'ora isettenne
De ti torrare a biere arrivenne

Peppe Montesu
Maju 2017

Mutinne in su mudore

A tie isto mutinne in su modore
non faco giamma ne intendo sonu
ma che lanza dolente a fizu bonu
in su pettus intendo unu dolore
su coro palpitente de amore
a tumbidas dolentes dat intonu
est solu in afannu e t'est mutinne
narente t'est dolente venintinne

Peppe Montesu

Maju 2017

Carignos

Carignos dulches lieves ternuras
Supra su visu dare ti cheria
Versos d'amore in sarda poesia
Rimas dechidas lizeras e puras
Cantos de bentu de bellas alturas
Totu sos sognos mios dare dia
Custas richesas mias dia dare
Pro ti poder sas laras apozare

Peppe Montesu

Maju 2017

S'erep'istadu

S'erep'istadu abba a t'infriscare
Sas laras de amore zeniosas
Mi cheriapo nuscua de sas rosas
Pro ti poder d'amore inebriare
Mi cheriapo velu a ti mantare
Supras su letu umbe ti reposas
Cheria essere pro te lughe e faru
Puma e cadira de su tou imbaru

Peppe Montesu
Maju 2017

A murmuttu

Che samben'a murmutu istas in coro
Volas lizera in crejuras de mente
Ses che raju de sole risplendente
Pren'e lampizzo in color'e oro
De feos ventos su currere isoro
Fimas chin cussu visu sorridente
Tocas su chelu chin issos faeddas
Chin dulcura lo domas e los seddas

Peppe Montesu
Maju 2017

Non b'at olvidu

In sa mente pro te non b'at olvidu
Est in ammentu costante continu
Su coro t'at astrintu intro ede sinu
Ti mutit de amore addoloridu
In gula bi as postu arsura e sidu
Chi no lu cazat ne abba ne binu
Tottu de me chircanne est a tie
Donzi momentu e ora de die

Peppe Montesu

Maju 2017

Mere de nudda

Tue mi leas sa forza e sentidu
a tie ubbido de nudda so mere
si forza e ti lassare dia apere
forzis de nou erepo naschidu
ma morjo de amore cunsumidu
che foza sica in su ventu essere
totu totue de me t'as leadu
pro t'aere solu s'istante miradu

Peppe Montesu

Maju 2017

Sas notes mias

Sas notes mias fritas infustas
in pauras dolores e afiu
apo perdidu reposu e ninniu
tra fingidas dolentes e ingiustas
su coro no aperis e non mustras
si est d'amore cussu murmuriu
crudele amore mi atis a morte
d' isetu tou a mie non das sorte

Peppe Montesu
Maju 2017

Crudele

Ses de ispinas corona dolente
De lanzas apuntidas ses piena
De dolos mi inferzis sa carena
Ma ses che fogu fiamma caente
Si t'avicinas ragiras sa mente
E sa tristura mi rennes amena
Funtana ses crudele si lontana
ispadas punghes chi dolore dana

Peppe Montesu

Maju 2017

In dolu

Mutudi t'ap'in dolu e giamadu
Cantas vortas in notes iscurossas
Cantas isclamas longas amorosas
At custu coro pro te palpitadu
Cantos bios disizos alenadu
Pro te no apo in oras fritorosas
Semper mutinne amadu coro a tie
Semper a giamas semper note e die

Peppe Montesu
Maju 2017

Paret de t'idere

Sas notes a faeddu ist a sa muda
Contanne penas no isco chin chie
Li conto de s'amore ch'apo a tie
S'anima li presento mea nuda
De amore l'aeddo chene duda
De sas penas de coro ch'apo inie
s'anima tanno paret n'apat dolu
chircanne a tie si leat su bolu

Peppe Montesu
Maju 2017

Delicada

Che gutia 'e lentore delicada
ses tue frisca rosa incantadora
Canno ti basat sa dulce aurora
Ogni mente ne restat abbagliada
In totue dechida e profumada
De su giardinu ses mere e signora
Vena ses tue d'amore e recreu
Ses su deliru de su coro meu

Peppe Montesu

Maju 2017

Firmo pro te

Pro te in chelu firmo s'aurora
Su tempus firmo in su sou annare
Su visu tou pro ider brillare
Non diat curre istante ne ora
Semper de goi bella incantadora
In mente mia ti cherjo ammentare
Sas laras tuas sos ojos su visu
In su dechidu intintu sorrisu

Peppe Montesu
Maju 2017

Ammentanne sa mirada

Cherjo ammentare sa tua mirada
Che bagliore d'isteddu che lampizu
Canno pienu de dulce disizu
Truncat s'iscuru che luna argentada
De deliru prenanne sa notada
A palpitos de coro e a ballizu
Che ne perder de isse mancu biu
In deliros de sonnu ma ischiu

Peppe Montesu
Maju 2017

In sa crejura de sa mente

Ses tue in sa crejuras de sa mente
E curre in su samben de su coro
Truncas de umbras cuss'iscuru issoro
Chin su fagher donosu surridente
Ses lughe giara d'amore caente
Chi dat a s'uju mirada e decoro
Ses s'anima mia su consolu
Ses in su bentu canno leat bolu

Peppe Montesu
Maju 2016

Sognos e fantasias

Sos sognos volan chin sa fantasia
Ponenne ifattu a sa tua bellura
Sae de coro dolente tristura
Chin s'amore l'as vinta tue ebbia
Como ses mere de s'anima mia
Ca che l'as cancelladu s'amargura
Tue totu de me as cambiadu
E mi as de amore pienadu

Peppe Montesu
Maju 2017

Ite as fatu

It'est ch'as fattu a custu coro meu
Chi no acatat reposu manch'istante
Canne est solu est mortu agonizante
Canno viet a tie est in recreu
Si ses lontana torrat in aneu
Si ses vicinu de nou est festante
Canni li mancas non tenet reposu
Ne arreat dolente e afannosu

Peppe Montesu

Maju 2017

Umbe colas

Inumbe colas ispannas lucura
Totu sos visos los tintas d'ispantu
Su coro meu chi ti amat tantu
In palpitu l'as postu e disaura
Amenn'a tie dechid'ermosura
In petus non ne tenet aguantu
Istat volonne pro vennere a cue
Inumbe cora'amadu bi ses tue

Peppe Montesu
Maju 2017

Ancora

Ses s'àncora a umbe apo ligadu
Sas isperas ch'in coro sun restadas
In bida tue ne la sas torradas
Chin s'afetu amorosu chi m'as dadu
Chin ternura m'as tue cunfortadu
In oras de iscuru tribuladas
M'as dadu amore e lenidu sos dolos
Chin imbaros dulchuras e consolos

Peppe Montesu
Lampadas 2017

Amore t'apo dadu

Amore cant'aia ti apo dadu
De s'anima e de coro totu cantu
Como lu bio vortadu in piantu
L'as infustu de lagimas e torrada
Sa gentile e dechida chi ap'amadu
Mi at lassadu chin su cor'afantu
Narenne chi non m'amat est partida
A puntu so de lassare sa vida

Peppe Montesu
Lampadas 2017

Ojos de lughe

Sun sos ojos de lughe un'isplendore
In colore de chelu dan'ispantu
Sa rujas laras umidas d'incantu
Parene prontas pro bunnare amore
Dea mi pares e luchidu bagliore
Ponenne in su criadu lughe a mantu
Ogni tua mirada m'est consolu
E sos sognos chin tecus lean bolu

Peppe Montesu
Lampadas 2017

Non b'at eguale

Che tie bella non b'at eguale
Non binn'at eguale in assimizu
Ses tue sa funtana 'e su disizu
Ses solu tue cunnimentu e sale
Ses pannu chi ammatat donzi male
E torras in recreu su fastizu
De bellesa e de grazias dotata
Che a tie un'atera non b'ada

Peppe Montesu
Lampadas 2017

Arma letale

Sos ojos tuos che arma letale
S'intragna pius pofunda m'an colpidu
in s'istante su coro mi as feridu
li est sa mente ligada a jubale
una friza m'as postu e faghet male
pato dolore mai connoschidu
inteno fogu e fiamas brujenne
in su coro feridu palpitenne

Peppe Montesu
Lampadas 2017

Tue Sola

Tue sola ses tue solamente
De custu coro meu sa zizia
A ti amo solamente ebbia
Contin'apo a tie intro e mente
Su visu tou bellu soridente
Est che istampu in sa mente mia
Atera dea non podet intrare
Ses solu tue s'idolu 'e amare

Peppe Montesu
Lampadas 2017

Abbagliadu

M'at abbagliadu sa tua belleza
T i rennet a s'amore troppu amante
Che tie non binn'at de simizante
Non binn'at eguale in candidesa
Onzi frenu onzi briglia venit resa
Lu lassas custu coro agonizante
Non resistit sa mente a ti mirare
Pena li pones e ti cheret amare

Peppe Montesu
Lampadas 2017

Ninfas

Ninfas non bi fiorit che a tie
Ne simizante a tie n'at naschiu
Nazemi aes bois n'azes biu
Si n'azes bidu naridelu a mie
Certu ne so bellura gasie
Vidu non n'azes no intenno ciu
Che a custa naschidu non che n'ada
Nan n'at naschidu e non sinn'at formada

Peppe Montesu
Lampadas 2017

Intrgnas de fogu

De fogu sun pienas sas intragnas
S'alenu tenzo allutu d'ardore
Sas fiammas de pettus dan dolore
Si tue de amore no las bagnas
Innantis si mi paran che muntagnas
Laras infustas d'umidu lentore
Si no las baso in pena mi distruo
E in amore mi morjo e m'alluo

Peppe Montesu
Lampadas 2017

Amabile

Amabile de coro rundinella
Chi custu coro meu as incantadu
Perdona ma de te innamoradu
So ca t'apo vidu onesta e bella
S'atrivimentu meu verginella
Assolve ma m'acato in brutu istadu
Menguante a tie pedo amore
Non poto istare chin custu dolore

Peppe Montesu
Lampadas 2017

In su sonnu

Peri in su in sonnu no apo reposu
Su coro a tie est chirchene
Solu in s'iscuru arreat palpitenne
A bios est in pena lamentosu
In istadu dolente frittorosu
Segnales de amore m'istat denne
Dae canno t'at bidu t'at amadu
Luntanu dae te e st afannadu

Peppe Montesu
Lampadas 2017

Totu iscumparin

Sas bellessas eclissas fentomadas
Totu iscumparin vicinu a sas tuas
A issas totu tue las annuas
Parene nudda non sunu miradas
Nemos las mirat sun'immentricadas
Las abbaglias las tutas e las cuas
Belleza che a tie simizante
Non b'at ne in ponenete o in levante

Peppe Montesu
Lampadas 2017

Pedinne a sas aes

Pedo a sas aes si vidu ti ana
A sas nues in chelu isto pedinne
A su sole a manzunu apen'essine
Canno lu bio intranne in bentana
Ma Novas issos de te non mi dana
Mancari a mie mi vian patinne
A issos puru ti li ses cuvada
Ca nemos nat a umbe ses annada

Peppe Montesu
Lampadas 2017

Sa bonesa

Sa bonesa chin bonos b'at abitu
Est in su coro tou a donzi istante
mie dat continu azudu costante
E mi est lughe in s'iscuru fittu
Mai da issa istadu traittu
Mai mi at lassadu menguante
S'amore tou est donu divinu
Prus de sole caente matutinu

Peppe Montesu
Lampadas 2017

Cantu cuntentu

Cantu cuntentu tue as postu a mie
Cantu a su coro li pones recreu
Ses tue solu cuddu incantu meu
Chi apo in mente e coro note e die
Columba bella candida che nie
Portentosa michina a d'onz'anneu
Ses tue de sas oras cudd'incantu
Inumbe abitas ses lughe e ispantu

Peppe Montesu
Lampadas 2017

Non timas

Pranta corazu columba non timas
Cuddas limbis perfidas erpilosas
Sas ispinas chi punghen velenosas
A si sicare ana a esser primas
Non t'ispennas pro issas in lacrimas
Ne importu li des peri ifadosas
Tue pensa a s'amore chi as in coro
Non penses mai a sas falsas issoro

Peppe Montesu
Lampadas 2017

No aia connotu

No aia connotu penas goi
Che a custas chi tue mi ses denne
So note die a tie pensenne
Dolente arreo chene narrer ohi
Chin ateros penseris post a poi
In regiros d'amore delireenne
Solu si t'ido si solen calmare
Sas feridas chi jucco pro ti amare

Peppe Montesu
Lampadas 2017

A versos ti corono

De laru non ti cherjo coronare
Ne ti cingo de frores de giacintu
De rimas cust versu lasso tintu
Pro chi lu potat s'eternu ammentare
In laras de amore at a annare
Pro chi non siat olvidadu o bintu
a bois pedo musas d'Elicona
sa tessidura de custa corona

Peppe Montesu
Lampadas 2017

Venis

Venis friza amorosa che carignu
Che ispera su coro mi flagellas
De dulcura che mele ses impignu
Sos sognos de amore mi sugelladas
in s'intragna bi faghes logu e signu
framas alughes chi fin fiammellas
de ardore ses vena e ses funtana
pintura ses amabile e galana

Peppe Montesu
Lampadas 2017

Apo lassadu pro te

Pro te apo lassadu solamente
sos afetos ch'aia a manna istima
in coro meu como ses sa prima
solu a tie che juco in sa mente
no m'importat de atteru niente
ses intragna ses, ramu truncu e chima
tue ses totu intragna e idea
ses oriolu de sa bida mea

Peppe Montesu
Lampadas 2017

Venus Bella

Venus bella si tue mi as amore
No mi lessas de basos menguante
Ben' astringhet'a mie che amante
isfoga in laras mias donzi ardore
non ti trattenzas mi chi dat dolore
e ti lassat in dolos delirante
benim'in brazos atringhet a mie
ca deo gai mi astringo a tie

Peppe Montesu
Lampadas 2017

Canno t'ido

Canno t'ido sa festa est de su coro
de sa mente est ammaju delirante
Pius de s'aurora in su levante
truncas s'iscuru cun sos raios d'oro
Tue mi miras jeo m'innamoro
Totu de te ti rennet amante
Venus bella d'incantu ses vena
E ammajas a mie che sirena

Peppe Montesu
Lampadas 2017

Amore

Amore t'essit dae sa mirada
Amore de deliru e d'incantu
Amorosu su visu est totu cantu
Amorosa est sa voche delicada
Amore amore su coro mi nada
Amore lughes deliscia e ispantu
Amore mi sussurras e mi naras
Amore pedin sa umidas laras

Peppe Montesu
Lampadas 2017

Incantadu

Chie ti mirat restat incantadu
pones sos coros deret' in turmentu
moghes ardores alenos che bentu
jeo ne so restadu innamoradu
cun sa mirada mi as abbagliadu
ogni trama 'e su coro mi as tentu
sa mente in afannu est in regiru
a semidas dolentes su respiru

Peppe Montesu
Lampadas 2017

Venus bella

Venus bella ch'a mie as incantadu
No mi lessas in penas e afannos
Sos ojos tuos che faros tirannos
An cust'anima mia illuminadu
Su coro con sos rajos trapassadu
Est de amore in palpitos mannos
Si tue mi mantenes de gasie
Anima e coro sun lassenne a mie

Peppe Montesu
Lampadas 2017

Beni a mi sanare

Beni a mi sanare sas feridas
Chi de amore tue mi as fatu
No mi lessas de goi in disacatu
in penas dolorosas mai vidas
Tiranna de custas penas non ti ridas
Non sias de amore cor'ingratu
Jeo so de amore delirante
Si risposta non das tue d'amante

Peppe Montesu
Lampadas 2017

In su coro

In su coro unu dardu che saetta
Postu as mie d'amore potente
Su bellu visu tou sorridente
Intro ses postu che reina eletta
Ses de isse sa sua prediletta
a tie mutit atera niente
A tie cheret non cheret attera
Amata a tie dechida lumera

Peppe Montesu
Lampadas 2017

Credia

Credia d'aer su coro fascadu
A sa bellesa de carchi femina
Ma sa tua a isse at innudadu
Solu cun sa mirada repentina
Ses diventada de isse reina
Cun frizas de amore l'as tocadu
Como non dormo a note a die
In oriolu so pensanne a tie

Peppe Montesu
Lampadas 2017

Semper ap'acatare

Semper amada Nina ap'acatare
D'umbe ses tue s'istrada e sa via
in eternu as a esser tue mia
Jeo in s'eternu a tie ap'adorare
Mai un'istante cesso de t'amare
Mai a sa sola lassare ti dia
Nudda e nesciunu ti leat a mie
Ca ti amo e amo solu a tie

Peppe Montesu
Lampadas 2017

Portas apertas

Sas portas de su coro sun' apertas
Pro tie solu dechida ermosura
Colpidu mi as tue a friza dura
E intro a isse li as fatu fertas
Ma si mi das tue novas certas
Lu pianas de nou de bellura
Beni dereta intra in coro meu
Dami amore e canzella s'affeu

Peppe Montesu
Lampadas 2017

Gemme dechida

Gemma ses tue dechida e donosa
Padrona e mere de s'anima mia
Tue ses bena de incantu e ghia
Prena de grascias in totu amorosa
De su giardinu profumada rosa
De altu rattu e luchida nadia
Che a tie non b'atta un'ateruna
Ne sole ne isteddu e mancu Luna

Peppe Montesu
Lampadas 2017

Sa prima vorta

Canno sa prima vorta mi as miradu
Moghidu m'as de coro donzi trama
In sa mente arrivada cussa brama
Donzi bicu d'amore at pienadu
Come solu de te innamoradu
De numes tou faghet semper giama
d'isse ses tue solu s'armonia
Solu tue li pones allegria

Pepe Montesu
Lampadas 2017

Canto a tie

A tie canto ermosura dechida
Incis'apo su numen in su coro
In totue est tessidu a filos d'oro
Pro chin eternu apat resessida
Meritas custu parma fiorida
Ca as de grascias sos donos issoro
Cheres che dea posta in d'un'altare
Pro ti poder che idolu ammirare

Peppe Montesu
Lampadas 2017

Isvanit sa pena

Canno ti bio isvanit sa pena
S'afannu leat bolu in d'un'istante
Che aurora naschinne in su levante
De lughe in totue pares bena
A Giunone a Diana chin Atena
Tue ses in totue simizante
in s'universu interu che a tie
Non binn'at eguale crede a mie

Peppe Montesu
Lampadas 2017

Cann'innantis si parat

Cann'innanti si parat delicadu
su petus tou d'ammaju pienu
su respiru mi leat e s' alenu
in regiru n'arreo e incantadu
de laras su colore vellutadu
paret chi tintet donzi sogn'amenu
sos ojos supra de lughe pienes
a curren sos disizos ponen lenos

Peppe Montesu
Lampadas 2017

S'anima

S'anima de dulcura si pienat
Canno ti bio istimadu tesoro
Sos ojos tuos e mirada issoro
De lughe giara s'anima mi venat
S'alenu in petus si firmat e penat
A palpitos dolentes est su coro
Canno m'aparit sa tua bellura
In allegria mudas sa tristura

Peppe Montesu
Lampadas 2017

Canno mai olvidare

Canno mai olvidare eo mi dia
De te dechida amabile ermosura
In sa mente imprimida ses pintura
E tue sola ses s'idea mia
Ses solu tue solamente ebbia
Sa ch'istimo e chi bramo criatura
Atera non ne tenzo e non ne bramo
A tie apo in coro e solu amo

Peppe Montesu
Lampadas 2017

Delicada Dulcura

Delicada dulcura inebriante
Chi m'infunes sa bramas de disizos
In sos sognos ses tue cuss'amante
Chi mi sanat de coro martirizos
appen'ischidu torran sos fastizos
Ca no mi ses vicinu e ses distante
Beni a custu coro a carignare
Ponelu senna ischidu sonniare

Peppe Montesu
Lampadas 2017

In manos tuas

A tie cust'amore apo afidadu
ne tenes tue poscesciu e podere
de custu coro meu ne ses mere
in manos tuas totu apo lassadu
si m'ingnnas so mortu e sepultadu
si no mi amas prus de mortu essere
sa vida mea est in manos tuas
chi arree chi issa o chi ti fuas

Peppe Montesu
Lampadas 2017

S'afetu pro te

s'afetu chi pro te apo in su coro
m'est cunsumenne donzi bicu sou
si no lo pones paris chin su tou
prestu mi dat sa morte a secacoro
tue non giamas e mi addoloro
intro s'afannu so faghenne prou
no mi lasses in penas a patire
naras si m'amas faghemilu ischire

Peppe Montesu
Lampadas 2017

Si abberu

Non ti podet su coro abbandonare
Sa mente n'est rughenne in maladia
Azomai azomai ne moria
De sas penas chi tue soles dare
Ma si cheres a mie abberu amare
No mi ponzas de goi in tribulia
Lass'istare sas limbas velenosas
Mira chi sun crudeles ingannosas

Peppe Montesu
Lampadas 2017

Su disizu

Su disizu de te m'est consumenne
Est unu sidu chi non passat mai
M'est ponenne in pena e arguai
Isto isfinidu a tie chirchenne
Bella si custa pena ses videnne
No mi mantenzas as'annali e bai
Jeo in custu istadu so morinne
Mortale totu de te est pedinne

Peppe Montesu
Lampadas 2017

Disizu e laras

D'apozare sas laras in sas tuas
Canno ti bio mi benit disizu
Ma tue chi de custu n'as abizu
Deretu a sas mias ti las cuas
Timenne forzis chi in brazos ruas
De coro no intennes su cusizu
Chircanne chi sa mente cumannare
Su coro tou chi cheret amare

Peppe Montesu
Lampadas 2017

Amore pedit

Amore pedit custu coro meu
E tue bi lu negas che tiranna
Si cussu tou no l'aperis janna
Lu mantenes in penas e anneu
Ispera no li das tue e recreu
Sa bida ch'est ponenne a una banna
Patinne lu mantenes in isettu
Una risposata daeli derettu

Peppe Montesu
Lampadas 2017

Mama de Sognos

Cantos sognos ischidas e disizos
Cantos jocos li faghes a sa mente
Tue mantenes cussu fogu ardente
Chi de fiamas non bies lampizos
Ma sun d'amore a tie totu fizos
Chircana a tie solu e solamente
Ses tue chi lis das alenu e briu
Tue lis cantas su dulce ninniu

Peppe Montesu
Trigulas 2017

In sognu

Apo idu in su sognus sas belluras
Chi mi mantenes a ojos cuvadas
In su sognu las'apo carignadas
Ridentes mi parian che lucuras
Parian moddes diventavan duras
Intenne de manos sas tocadas
Ite bellu sognare coro meu
Ma solu in sognu a mie das recreu

Peppe Montesu
Trigulas 2017

No mi caentan

Canno ido ispuntanne s'aurora
Non si prenat pius su coro meu
Non cancellat s'iscuru e s'ispreu
Chi mi lassat sa note acabadora
A tie ogni istante penso ancora
Chi m'as lassadu in dolu e anneu
No mi caentan sos rajos dorados
Tue ses morta e lo sas infritados

Peppe Montesu
Trigulas 2017

Rajos infrtidos

Infrtidos sos rajos de su sole
Sa sicas venas non caentan prussu
In sas aeras su chi b'est in sussu
Chin sos penseris est a dole dole
A bios est su coro mole mole
Sa mente ifatu non molet a grussu
Totu'est punghenne totu dat dolore
Mutit e giamat su perdidu amore

Peppe Montesu
Trigulas 2017

Como mi naras

Dolentes cantas giamas t'apo fatu
Mai una risposta as dadu a mie
Notes insonne pro pensare a tie
Cantas n'apo coladu in disacatu
Sena in sos sognos venenneti infatu
Tentenneti a donz'ora note die
Como mi naras chi non t'apo dadu
Sinzales de omine innamoradu

Peppe Montesu
Trigulas 2017

Ajo beni

E it'est chi pro te non fagher dia
Senna sa vida si cheres ti do
Si Bella tue no mi naras no
A custa pena ch'est in mente mia
Si mi das bella su chi ti pedia
Narrer ti dia grazia e ajo
Ajo veni chin mecus fatu a mie
Dami deretu su chi pedo a tie

Peppe Montesu
Trigulas 2017

In Turmentos

Su coro in turmentos mi as postu
In sa mente continu penso a tie
Bella si m'amas narami sa die
Pro te a totu cantu so dispostu
Pro balanzare a tie donzi costu
Prontu so a pacare crede a mie
Solu s'amore tou est de importu
Si no mi amas so feridu e mortu

Peppe Montesu

Trigulas 2017

In su coro

m'as postu intro su coro friza forte
de amore onzi bicu m'as prenadu
Palpitann'est pro te innamoradu
Si no lu mutis n'aciapat sa morte
Ma si no li das tue bona sorte
M'aciapo fertu mortu'issambenadu
Sa vida mia in manos as tue
S'anima ch'est bolada est gia in cue

Peppe Montesu
Trigulas 2017

Lughe

Attit sa lughe tua s'aurora
su profumu mi vatit su zefiru
in su lentore s'umidu suspiru
miro de te onzi istante ora
ses rosa 'e su giardinu incantadora
de onzi istante 'e su meu deliru
non b'at istante chi non t'apo' in mente
dechidu sole semper sorridente

Peppe Montesu
Trigulas 2017

Totu tue

No resesso ne mancu a la pensare
Sa vida mea si non bi ses tue
In benas in su coro e in totue
A tie tenzo pro mi sustentare
Ses tue chi anelu soles dare
A sos penseris si son rue rue
Sa vida mea morit a s'istante
Si a tie non tenzo pro amante

Peppe Montesu
Trigulas 2017

Totu pro te

Cantos carignos chi non t'apo dadu
Cantas ternuras mantesas serradas
Impudos cantos, lagimas versadas
Pro m'aer tue s'amore cuvadu
Ma como chi s'amore est declaradu
Totu las mustros sas cosas cuvadas
Totu ti do su ch'ap'in su coro
Totu est pro te istimadu tesoro

Peppe Montesu

Trigulas 2017

S'afetu tou

S'afetu tou no olvido mai
Totu su tempus chi durare dia
Pensenne a tie isto sol'ebbia
Ne t'abbondano ne ti lasso gai
Istanne goi in pena e arguai
A tie chirco solu anzone mia
Su coro sighit meu a palpitare
Nemos neunu lu at a firmare

Peppe Montesu
Trigulas 2017

“S'intrada”

Si s'intrada columba mi das tue
benzo deretu curro a t'acatare
terras aeras che dia zumpare
in d'un'istante ne benzo a in cue
alas mi ponzo e volo che nue
pro ti poder amabile abrazare
si mutis tue arrivo deretu
de sa gimada tuo apo s'isettu

Peppe Montesu
Sant'Andria 2016

S'isteddu lughente

tue s'isteddu ses pius lughente
chi brillas d'ermosura rara e fina
ses sa rosa incarnada pelegrina
chi profumasae nuscas d'oriente
a tie tenzo in su coro e in mente
de issos ambos tue ses reina
umana non b'at' a tie simizante
chi ves dae ponente a su levante

Peppe Montesu
Marthu 2017

S'isteddu meu

Su meu ses isteddu lughente
chi truncat de sas tenebras s'iscuru
serrada intro e coro a su sicuru
sa lughe sua cunfortat caente
ispero de ti biere novamente
in d'unu lestru prossimu futuru
da intro e coro ringrazio ancora
a nos biere aspetto semper s'ora

Peppe Montesu
Frearju 2017

S'Orunesa

Superba bella arguda dotata
Sa d'Orune femmina intelligente
Est de faeddu pienu e caente
De fantasia semper'est tintada
Finghenne meraviza e airada
Si vesti bene ed est atraente
Ojos profundos nigheddos iscueros
Chi truncan coros crejuras e muros

Peppe Montesu
Marthu 2017

S'ere potidu

S'ere potidu su chelu inferzire
A filos d'oro e de lughe pienu
Si de manzanu su colore lenu
O d'intrighinu su ruju cussire
In d'una tela los dia tessire
Pro te formanne un telu amenu
Umbe so pedes tuos apozare
Pro chi potas in sognos camminare

Peppe Montesu
Santu Gavine 2016

S'istella

Tue s' istella ses crara e lughente
Chi das lughe piu de sole e luna
Che a tie in bellesa un'atteruna
Non bi at chi ti siat cuncurrente
Se bellu visu tou risplendente
A mie at accecadu tott'in d'una
d'ispantu ses bellesa in mente mia
Chi m'inspirat su cantu e poesia

Peppe montesu
Jannarju 2017

Si ere potidu

Si su coro eres potidu leggere
E d'isse intenner palpitos e bios
Letu e intesu los eres sos mios
Disizos chi coronan su patire
Cuddos ch'a mie faghene sufrire
E mi lean de corpu sos allios
Ma tue no intennes e non bies
Non cheres leghere ma in cor'iscries

Peppe Montesu
Jannarju 2017

Si ti miro sos ojos

Si ti miro sos ojos
M'abbrandas onzi pena onzi turmentu
Tue che friscu ventu
In sa mente mi pones chent'abbojos
Disizos e tripojos
chi mi brujan pius de fogu tentu
m'ischidas sas bramas
e allughes de petus sas fiamas

Si tue

Si tue m'amas ti do onzi gosu
Onzi recreu totu do a tie
Onzi momentu, onz'ora e sa die
Continu t'amo non pedo reposu
Ap'a esser fidel'amante isposu
Si tue amore veru das a mie
Nemos neune m'at a separare
Si tue ses fidele e m'as amare

Peppe Montesu
Santu Gavine 2016

Si vestin sos alenos

Respiran e si vestin sos alenos
d'emotzione chi no an'edade
lagimas de amore in libertade
chi in sojos no acatan frenos
lughen miradas chi paren balenos
e ammantan su coro de beltade
sun istante divinos chi aperin
e d'amore mortale a tie ferin

Peppe Montesu

Frearju 2017

Sichinne a tie

Sognos sichinne una brun'isolana
Cun sos ojos nieddos merulinos
Laras caentes fiancos e sinos
Chi in regiros a mie postu m'ana
Sos ardores ischidan donzi gana
E sos disizos mi torran ladinis
Ohi cantu ti dia in brazos mios
Istringhere e cantare sos ninnios

Peppe Montesu
Frearju 2017

Sichinne sos volos de sa fantasia

Sico sos volos de sa fantasia
Ca no tenzos sas alas pro bolare
Pro vennere umbe ses a t'abrazare
Columba ca vicinu ti cheria
Cun tene solamente istare dia
in s'eternu continu pro ti amare
custu disizu meu si est tou
forzas e cunfortu mi dana de nou

Peppe Montesu
Capidanne 2016

Simizante no as

Non ne as simizantes in bellura
Non ne as eguale in simpatia
Sas laras tuas basare cheria
E in brazos astringher sa figura
Pares de Rafaello sa pintura
Pinta chin soberana maestria
De incantu as ojos e mirada
Bella pius de tene non binn'ada

Peppe Montesu
Marthu 2017

T'apo a adorare

Sinzeru bella a tie ap'adorare
Ca m'as colpidu de amore forte
Ti ap'amare finas a sa morte
Issa nemmancu a mie at a firmare
Amore cantu rena b'at in mare
A tie ap'a dare s'apo sorte
Amami tue e mustrami afetu
non tenzas duda istimadu oggetu

Peppe Montesu
Nadale 2016

Sirena Incantadora

Ses d'amore sirena incantadora
Chi intrada mi ses intro sa testa
Si ti bien sos ojos faghen festa
Intro e coro b'as fatu dimora
Che sole tue ses a s'aurora
De lucura funtana manifesta
Canno non t'ido s'iscurat sa die
Ca ses tue ch'illuminas a mie

Peppe Montesu
Jannarju 2017

So amenne...

S'ifadu d'onzi sero est in gherrare
ca so amenne e no amas a mie
Literas de amore manno a tie
Ma risposta non s'idet arrivare
Bella si ti dezides de m' amare
Torrat su coro meu rie rie
Mannami pro favore unu sinzale
No mi facas de goi istare male

Peppe Montesu
Jannarju 2017

So sos ojos ancora atripizanne

So sos ojos ancora atripizanne
Pro tanta incredibil' ermosura
Dea non b'at chin tanta bellura
E ne ninfas a tie assimizanne
Su lucore ch'a s'aju li ses danne
Unu bagliore raru est in natura
Mancu su sole in aghera nitida
Est lminusu che tie dechida

Melodias

Soaves de incantu melodias
inteno in coro canno colas tue
in se chelu s'ispannat onzi nue
e de fiores s'adornan sas vias
paren de festa bagliores e ghias
chin armonicos sonos in totue
ses Pasca de aprile in coro meu
armoniosa e piena 'e recreu

Peppe Montesu
Sant'Andria 2016

Sogienne a tie

Sognadu t'apo in dulce ninnios
E su respiru mi pariat cantu
Su visu tou moghiat s'ispantu
Ponenne a prou sos disizos mios
Peri sos mortos torravana a bios
Sas laras tuas color'amarantu
Ohi ite dulce divina visione
Sa chin ojos m'as post'amada anzone

Peppe Montesu
Capidanne 2016

Sognenne

Sogno sos tuos teneros carignos
E de ti cinghere cun sos brazos mios
Ascurtenne su curren de sos rios
E de s'aera colores e signos
Nois impari che biancos cignos
Tra aes e fiores milli cios
Sogno sa paghe de su munnu intreu
Vicinu a tie dennesi recreu

Peppe Montesu
Nadale 2016

Sole a rajos d'oro

Sole a rajos d'oro risplendente
Caente lughe das a s'infinidu
Nara si lughe che a cust'as mai vidu
Da umbe naschis finas a ponente
Tue ch'as bidu e tenes a mente
nara ca de amore so colpidu
jeo non n'apo ne bidu o connotu
ca in bellesa issa vinchet totu

Peppe Montesu
Nadale 2016

Sole risplendente

Ses sole risplendente chene nue
Ses in sa notte sa luna prus giara
Bellesa naturale pius rara
Est raru a n'acatare che a tue
In s'universu isplendes in totue
S'ermosa ses tantu bella e cara
Tue sinzera ses pramma dechida
Chi a su mortu li torras sa bida

Peppe Montesu
Frearju 2017

Su coro a mie rughes

Su coro a mie rughes
de puressa lu pienas
lu ligas chene cadenas
de anelos mi l'allughes
a umbe cheres lu giughes
lu pones in milli penas
l'ascurtas e lu carignas
tue l'amas e lu signas

m'incantas de bellesa
mi prenas de disizu
candidu 'e monte lizu
de candore puresa
fiamma e coro accesa
chi no as assimizu
tue solu in sa mente
zeniosa atraente

No apo prus

S'amore chi m'as postu intro e coro
De amargura si est ammantadu
Su bolu in sas aeras as leadu
Como so solu e mi addoloro
No apo de sos ojos cudd' issoro
De bellesa s'accisu immaculadu
In cust'istadu m'as lassadu solu
Pensenne a tie garrigu de dolu

Peppe Montesu
Santu Gavine 2016

Preferida

Solu tue arreas preferida
Atera non chirco ne ne bramo
A tie istimo solu a tie giamo
Ses tue solamente s'elegida
Dare dia pro te sambene e bida
Ca fortemente t'adoro e ti amo
Ses tue solu sa chi amo jeo
A tie solamente amore peo

Peppe Montesu
Jannarju 2017

Solu

Privu e cumpagnia a suspirare
Mi as lassadu columba a patire
Si solu su chi pato des ischire
No mi as postu gasie a penare
Su dolu chi mi ponet a t'amare
Sena su sonnu mi faghet perdere
Faghe cessare custa triste pena
Torra columba istimada verbena

Peppe Montesu
Jannaru 2017

Sonos de mente

Sonos de mente tuos in sas laras
cun sos filos de lughe de su coro
paren carignos su moghere issoro
cussin d'amore gutias e caras
in su mudore ti miro e mi naras
a tie amo solu a tie adoro
si cancellat in s'ora donzi anneu
a tie bido solu coro meu

Peppe Montesu
Sant'Andria 2016

Sos ojos tuos

Sos ojos tuos sun lanterna e faru
Chi dana luce a su caminu meu
Ispannan dae mente d'onzi anneu
E a s'affeu no li dan'imbaru
A su coro li dan'amore raru
E lu prenan chin garbu de recreu
Jeo camino in cussa lughe issoro
Mi caento cun cussos rajos d'oro

Peppe Montesu
Jannarju 2017

Sos basos tuos

Totu sos basos bellos chi m'as dadu
sun dae su Signore beneitos
in sa mente los ap'e cor'iscritos
de mancunu mi so immentricadu
a samben d'onzunu apo marcadu
de amore e dulcura sun trafitos
sas laras sogno chi mi los'an dados
basos d'amore mai immentricados

Peppe Montesu
Sant'Andria 2016

Modellu singulare

Sos colores t'at postu primavera
In sos fiores tint'at su prinzellu
Dae Venus leadu at su modellu
D'issa t'at dadu sa forma lizera
As su nuscu de rosa verdadera
E pares delicada che gravellu
Ti at fatu chin arte e maestria
Istentada si est chin ten'ebbia

Peppe Montesu
Jannarju 2017

Sos isteddos

Chenadorju, Istentale chin Urbone
Saludan de sognos sas chimeras
Supra su chelu Sardu in sas aeras
Su Carru Mannu mirat su Gajone
Ma afazada ido in su balcone
Amorosu s'isteddu 'e sas isperas
Venus incantadora ch'ido a tie
Chi lampas e incantas rie rie

Peppe Montesu
Nadale 2016

Non ti vio

Sos ojos non ti vien ma su coro
T'istat mutinne che innamoradu
Intro su tuo at isse ascurtadu
Lettu at totu chin grande decoro
De alenos e respiros issoro
Tott'at intesu e totu at amadu
T'amat pro cussu e solu pro cussu
Chenza su tou no istat piussu

Peppe Montesu

Agustu 2016

Sos ojos białtos

Sos ojos białtos atraentes
Sunu de chelu nitidu colore
Mannan che perlas lampos de amore
Pius de s'oro arrear lughentes
Sas laras vellutadas atraentes
Mustran dechidas s'issor rujore
Ses tue su ritrattu e sa bellura
Graziosa divina criatura

Peppe Montesu
Santu Gavine 2016

Sos Ojos białtos

Sos ojos białtos de colore
Undas mi paren'in passidu mare
Retratu zeniosu e singulare
Tela pintada de altu pintore
Umidas laras de friscu lentore
Chi su mortu faghides ischidare
Pilos de oro t'abbelin sa testa
Immagine e bellura manifesta

Peppe Montesu
Sant'Andria 2016

Mi as feridu

Chin lanzas de Cupidu m'as feridu
E d'amore su coro mi as signadu
S'amorosa mirada chi m'as dadu
Totu su restu at postu in olvidu
A note e die so pro te ischidu
In deliru amorosu reggiradu
T'amo t'istimo devotu t'adoro
A tie bramat e mutit su coro

Peppe Montesu
Jannarju 2017

Sos ojos mios non tenen ammentu

Sos ojos mios non tenen ammentu

De bellesa a tie simizante

Lucore mannas prus de diamante

Chi in su coro paret focu tentu

De sognos mios su dulch'apomentu

Da umbe naschit su sole in levante

Aurora ses tue risplendente

Chi mi pones in motu coro e mente

Sos ojos tristos miro

E mi paren narenne
Non mi lessas de goi in tanta pena
No mi mogo non ziro
Totu mi est dolenne
Su patire diventad' est cancrena
Sica est onzi vena
Su respir'est afannu
Custu no est vivere
Est invanu patire
Goi sa morte est su bene mannu
Si tue m'as amore
No mi lessas in brazos de dolore

Sos ojos tuos

Sos ojos tuos che lampana azesa
Fat'ana in coro meu simpatia
Palpitenn'est pro tene sol' ebbia
In bios in deliru e cuntentesa
Isto che ae chi no at firmesa
Ziranne intunnu a tie bella mia
Ca ses tue su gaju su deliru
Sa chi mi leat sentidu e suspiru

Peppe Montesu
Sant'Andria 2016

Sos ojos tuos

Sos ojos tuos sun faros d'incantu
E cun sas laras sos sognos aperis
Miradas das e sos coros feris
In tentascione pones unu santu
Ses de bellesa portentu e ispantu
Chi batin bios d'amore lizeris
Tue das alas a sa fantasia
De cust'isperanzosa anima mia

Peppe Montesu
Santu Gavine 2016

Sos ojos tuos

Sos ojos tuos sun ojos d'incantu
Chi lu turmentan cust coro meu
Canno mi miras ne provo recreu
E mi vibrat su coro meda e tantu
Faghen cessare tristura e piantu
E in s'aera si perdet s'anneu
Calman su coro calman s'arrenegu
M'abba glian e d'amore arreo zegu

Peppe Montesu
Sant'Andria 2016

Mi leas

Sos penseris mi leas dae mente
Intro su coro meu b'aches nidu
Est pro te donzi biculu e sentidu
Intro mi brujas che fiamma ardente
Atteru paret no b'apat niente
T'ido totue che immensu infinidu
Tue ses sognu brama ses anelu
Tottu se tue sale luna e chelu

Peppe Montesu
Nadale 2016

Su bagaliu

Cun su ritrattu tou in sa idea
Prontu so a sichire su destinu
Afrontare faticas e caminu
Sognos suaves in sa mente mea
Visita t'ana fagher cara dea
Chin cussos sognos e cussa visura
Ap'a infunnere sa mia amargura
Chi so timenne e ne tenzo pantea

Peppe Montesu
Capidanne 2016

Su ballu tunnu de milli colores

Su ballu tunnu de milli colores
i galu m'incantat so tou zirare
A duru duru nos faghes brincare
Su coro prenas d'arcayos ardores
Feminas bellas chi paren fiores
S'aju pienan e faghen brillare
S'anticu ballu chi amus connotu
Chi in Sardigna ballamus totu

Pro t'amare

Pro t'amare su campu apo lassadu
Totu cantu apo postu in abbandonu
De mellu como no intenu sonu
Ne turvo prus lachinza o madricadu
Sichinne a tie chi m'as incantadu
Chin sas aes non faco prus intonu
Die die ti faco cumpanzia
Pro t'istarep'accurzu bella mia

Peppe Montesu
Nadale 2016

Su chercu

A tie canno cheres virdes chimas
Ti ap'a dare pro ispiccare bolu
Liberu in artu potente oriolu
Chi dadu m'as delicadas rimas
Sos afetos dechidos sas istimas
Pro un'istante apo intesu solu
Ma canno chere beni torra a mie
Firma che chercu jeo aspeto a tie

Su colore de sos ojos tuos

Sas benas de colore s'aurora
in sas pupillas las at imprimidas
Paren da s'orizonte' e mare essidas
Canno mi miran gentile Pandora
Donzi minutu, istante e donz'ora
M'atiran che potentes calamidas
Sa lughe issoro dat alenu e briu
A custu palpitante coro miu

Peppe Montesu
Santu Gavine 2016

Su coro pienu

Su cor'apo pienu e passione
Dae canno t'ap'idu Nina mia
Pro tene solu palpita ebbia
A tie solu at istimascione
Tue l'as postu in aflissione
In d'unu modu chi mai credia
Ti mutit e non passat un'istante
Anelenne pro te istat costante

Peppe Montesu
Sant'Andria 2016

Su coro ap'a filos istramare

Su coro ap'a filos istramare
e a triza lu fago prend'amada
a sambes meu de vena secada
de ruju a tie lu ap'a tintare
si mancu gai mi cheres amare
at'a finire sa vida afannada
de samben amorosu morj' infustu
ca senza tie sa vida est disgustu

Su coro de amore mi pianas

Su coro de amore mi pianas
E sa mente mi pones in affusu
Canno ti vio arreo confusu
E su samben mi buddit in sas venas
Intro e conca mi sonan sirenas
E su disizu mi venit piusu
Ma tue pares chin mecus a giogu
Mi pones in isettu e disaogu

Su coro dolente

Su coro mi as feridu e no lu sanas
Tue solu la juches sa michina
Risposta no mi das crara e ladina
Tottu sas giamas mias ti sun vanas
Narami bella si tue mi amas
E mi l'addulcas sa e coro ispina
Bella no mi mantenzas in anneu
Intenne su dolente coro meu

Peppe Montesu
Capidanne 2016

Su coro in manos tuas

Ponzo su coro meu in manos tuas
Tue ne as sas giaes e ses mere
Achenne como tue su chi cheres
Istuta prestu sas fiammas suas
Si lu lasse annare a sas congruas
At arrivare cale mortu essere
No m'abbandones tue Nina amada
A tie custa bida mia est dada

Peppe Montesu
Marthu 2017

Palpitos e bios

Su coro istat a palpitos e bios
Si no 'idet a tie prenda amada
Ins su pettus intendo sa framada
Parju in afannu denne sos adios
Suni regiru cusso senso mios
S'anima puru paret afannada
Chene tene piu non poto istare
Duncas bella dezideti a mi amare

Peppe Montesu
Nadale 2016

Su coro m'at feridu sa mirada

Su coro m'at feridu sa mirada
E sa mente dormid'as ischidadu
S'alenu fritu mi as caentadu
Totu sa vida mea est cambiada
Tue rosa gentile profumada
Postu mi as in amorosu istadu
in su momentu e in cuss'istante
friza m'as postu pius dolorante

Su coro puntu

Su coro mi as puntu e so mortale
Mi consumo in su tou pensamentu
Credia chi s'amore fit cuntentu
Ma dolet a su coro e faghet male
Custu dolore no at eguale
Mi mantenet a moricu s'ammentu
Brujat incoro ti dolet continu
No si abbranda si no t'at vicinu

Peppe Montesu
Agustu 2016

Su coro mi as puntu rie rie

Su coro mi as puntu rie rie
Lu as trafitu chin potente ojada
Sa mente mi l'as totu moricada
Pensanne istat solamente a tie
Ma tue forzis non pensas a mie
A penas mias non li das mirada
Mi lassa solu in afannu a patire
Amore a tie sichinne a pedire

Su coro mi feris

Canno sos ojos che faros aperis
S'illuminat de lughe cussu visu
E chin su bellu delicadu accisu
De amore su coro meu feris
Bios alenos respiros lizeris
Paret d'istare in su paradisu
Tue prenas s'aera de maghia
E mi regiras in sa mente mia

Peppe Montesu
Marthu 2017

Su coro tuo

Su coro tue bella m'as colpidu
Lu as feridu istimadu tesoro
Colpidu tue bella m'as su coro
Istimadu tesoro l'as feridu
Pensenne a tie so semper'ischidu
Trazenne penas e dolos issoro
penas e dolos issoro trazenne
semper ischidu so a tie pensenne

Peppe Montesu
Frearju 2017

Su coro

Curret su coro a palpitos e bios
Ifatu a tie dechida pandera
Volat sa mente in sa nitida aera
Ifatu sun sos disizos mios
In sinu tou chircanne ninnios
Ch'annas e benis che dulce chimera
M'as pienadu de dulce turmentu
E su coro m'as postu in arrebentu

Peppe Montesu
Frearju 2017

Aperi su coro

Aperi cussu coro a s'allegria
Pienalu d'ispera e de recreu
Jeo d'amare a tie coro meu
Un'istante non cesso manch'ebbia
Sos carignos chi dare ti cheria
Mantu ti faghen a su trist'afeu
Como lassa piantu e ride tue
A iscallos cancella onzi nue

Peppe Montesu
Frearju 2017

Su disizu

Creschet de te su disizu ardente
Si non t'ido ne perdo su sentidu
Mente e coro de te no an'olvidu
Si lis mancas n'arrear suferente
Chircana a tie in mesu e sa zente
Su visu tou est in conca imprimidu
Solu tue lis das paghe e recreu
Si t'an luntana arrear in afeu

Peppe Montesu
Santu Gavine 2016

Su gaju tuo

T'amo su gaju tuo cherjo solu
pro ti lu dare a totu so dispostu
su gaju tuo est in primu postu
chi a s'anima mia dat consolu
dolet a mie si ti bio in dolu
su dolu tuo a mie m'est costu
su gaju tuo m'est sambes de vena
si no lu as a mie m'est pena

Peppe Montesu
Frearju 2017

La tua gioia

ti amo, voglio solo la tua gioia
per dartela sono disposto a tutto
la tua gioia è al primo posto
che da consolazione alla mia anima
mi duole vederti soffrire
la tua gioia e come il sangue delle vene
sen non ce l'ho mi è pena

Su mucadore a nieddu mantadu

Su mucadore a nieddu mantadu
Non cuat sa bellesa de su visu
Dea de su terrenu paradisu
Ses tue chi a mie as abbagliadu
Venus chi mudas s'intregu criadu
Solu si ghetta su potente accisu
Non bi at in bellura che a tie
Anghela sarda tue cree a mie

Meraviza

Su munnu a lu girare totu cantu
de tantas meravizas est pienu
ma su vrove prus bellu prus amenu
mi pares tue delicadu ispantu
as bellura in su tratu e as incantu
vocas su riu prus passadu e lenu
tue ses lughe ses amore e ghia
de bellesa mirada e simpatia

Peppe Montesu
Sant'Andria 2016

Su numes tou

Su numes tou afannadu giamo
Canno m'aparis che dulce chimera
Intras e essis bolas in s'aera
Canno mi lassas de plus ti bramo
S'anima e mente ti nan ti amo
Ma tue bolas luntana lizera
Sognos deliros de innamoradu
Chi est d'amore dilente corfadu

Peppe Montesu
Marthu 2017

Su pedidu Amore

Non declaras su pedidu amore
Isto in isettu e nudda mi naras
Su pedidu amore non delaras
Non naras nudda e isto in dolore
Est in fiammas su coro e brujore
Sognenne ojos e morbidas laras
Narami prestu dezidi ti prego
Ca custu coro derettu t'intrego

Peppe Montesu
Frearju 2017

Su pensamentu tou

Su pensamentu tou est un'ispina
chi amorusu mi punghet continu
a tie apo in sa mente e in sinu
che lughente aurora matutina
ispuntas a levante genuina
acumpanzas su sole a s'intrighinu
tue ses sa ch'adornat totu cantu
sena a sole e luna pones mantu

Peppe Montesu
Santu Gavine 2016

Su risu

De simpatia su risu azinnadu
ti rennen de incantu una pintura
bella e trattu reale figura
chi custu coro meu as incantadu
su tou bellu visu delicadu
senna sa mente mi at afusadu
tue reina se de sa bellesa
anime coro a tie totu est resa

Peppe Montesu
Marthu 2017

Mai b'at olvidu

Su sole s'at a podere iscurare
E a s'eterna note aperrer via
Su mare chene abba vier dia
sa terra tot'in d'una cucuzare
ma nudda m'at a fagher'olvidare
s'amore chi mi das columba mia
sena in sa tumba mortu sepellidu
pro cuss'amore mai b'at olvidu

Peppe Montesu
Capidanne 2016

Su timidu

Carchi vorta los cherjo cunfidare
Sos sentidos chi apo intro su coro
Mustrare a tie su debile issoro
E s'amore chi a tie cherjo dare
Ma su terrenu faghene e trattare
De s'amore uchidet su decoro
a chie amo tantu e amo assai
Nudda li naro mai nudda mai

Peppe Montesu
Capidanne 2016

Su trattu tou

Su trattu tou delicada amena
mi ponet in deliru ispasimante
non bi at che a tie simizante
femina in terra o in mare sirena
tue de sa bellura ses sa vena
de custu coro ses s'unica amante
est iscritu a sambene in su coro
inferzidu in sa mente a rajos d'oro

Peppe Montesu
Santu Gavine 2016

Vortas sa tristura

Su turmentu mi torras in recreu
Mi vortas sa tristura in allegria
Totu mi est chene tie anneu
Chene tie mi est tot'angustia
Furadu mi che as s'anima mia
Si non bi ses su tempus m'est feu
Navighenne in penas de amore
Tra jojas e piantu chin dolore

Peppe Montesu
Nadale 2016

Ido su visu tou ch'est mireenne

Ido su visu tou ch'est mireenne
giamenne a mie inteno sa boghe
veni paret mi neret so inoghe
so tantu tempus a tie aspetenne
juco su coro a bios palpitenne
no mi lesses de goi lestru moghe
no mi lessas in penas de amore
ca si no m'amas ne provo dolore

Sufro pro te

Vivo in pelevu sichinne a patire
Intro su coro infernales penas
Su samben si m'infritat in sas venas
Chircanne si mi amas de ischire
Tue mi faghes afannos sufrire
Suferente mi tenes in cadenas
No mi mantenazas de goi in in pibinu
Narami inoghe cale est su destinu

Peppe Montesu
Santu Gavine 2016

Che isteddos

Sun' isteddos lughentes a lampizos
Sos ojos cann'aperin sa mirada
De una dea in sa terra falada
in sa bellura tenene assimizos
de Venus citera paren fizo
amabile chi feris chin s'ojada
a los mirare sun vena e incantu
colpin d'amore su coro in ispantu

Peppe Montesu
Capidanne 2016

Superas in bellesa a Rosolina

Superas in bellesa a Rosolina
In ermosura a a Lattona e Elena
Sa voche tua incantat che sirena
sos ojos brillan de lughe divina
ses tue s'aurora mattutina
ch'ispannas lughe in sa terr'amena
dea naschida in terr'isolana
simizzante a Venus e Diana

T'amo

T'amo pro ti amare in vida arreo
Pro ti amare vivo solu ebbia
Solu pro ti amare anima mia
A custa vida so bennidu jeo
Si tue non bes essere lu creo
Mancu a custu munnu bi benia
Solamente pro amare a tie
Est custa vida chi est dada a mie

Peppe Montesu
Sant'Andria 2016

T'apo aspetadu

T'ap'aspetadu in mente t'aia
Fis in su sognu su deliru meu
Come ses arrivada e nar'oddeu
Non ti lasso pius columba mia
Ca tue solu solu tue ebbia
A su coro li das briu e recreu
De isse ses s'idolu istimadu
Est de te solament'innamoradu

Peppe Montesu
Santu Gavine 2016

T'ap'a vizare in notes iscuras

T'ap'a vizare in notes iscuras
Vicinu t'ap'a essere ogn'istante
Ap'a esser pro te sole e levante
Mi leo jeo sas penas prus duras
Si tue ses fidele e mi lu giuras
Amore non bi det'aer simizante
Pro dare amore a tie ap'a vivere
Pro cantu duro lu debes ischire

T'apo amadu

T'apo amadu , ti amo e t'ap'amare
A tie solu semper ap'amadu
Semper de te so innamoradu
Ater'in coro non ne lasso intrare
Sos ojos mios solu den mirare
S'unica dea chi apo istimadu
In s'eternu cin tecus coro meu
Ap'aintrare si permitit Deus

Peppe Montesu
Santu Gavine 2016

T'apo in su coro e mente iscolpida

T'apo in su coro e mente iscolpida
Senna in s'iscuru so videnne a tie
Ses tue sa ch'illuminas a mie
Ca in totue ti juco inferzida
Ses tue sa potente calamida
Chi m'atiras a tie rie rie
Su sole e luna e rajos issoro
No las ispannan sas lughes de coro

T'apo bella miradu e ti miresi

T'apo bella miradu e ti miresi
Simizante no as in bellura
Dechida che a tie in ermosura
Non n'apo vidu e non ne videsi
Su cor'in cuss'istante mi furesi
 graziosa ridente creatura
S'in s'ora jeo Paris dia istare
Su pomo solu a tie dia dare

T'erepo dadu

T'erepo dadu s'istima prus forte
si in favore sa sorte tenia
pro ti poder lograre gioja mia
dia azetare sa crudele morte
a tie solu li pedo a sa sorte
a tie solamente a tie ebbia
si amore a mie negat issa
dami sa morte lu fato a promissa

Peppe Montesu
Santu Gavine 2016

Tanca sos ojos

Tanca sos ojos e dami sa manu
Lizera beni in sos sognos mios
intenne de sos ventos sos ninnios
sogna in sa note finas a manzanu
tanca sos ojos abellu e pianu
lassat'istare in alenos e bios
chircami como in cue so jeo
umbe sa note aspetanne arreo

Peppe Montesu
Jannatju 2017

Non bi telefonas pius

Telefonadas prus non faghes tue
non risponnes a sas chi ti fach'eo
su tempus meu aspettanne arreo
novas de te no mi dan neddue
narami bella sis ses galu in cue
si amore mi as custu ti peo
ca si tue lu cheres a s'istante
venzo volanne mancari distante

Peppe Montesu
Jannarju 2017

Tempestosas sas nottes chi passavo

Tempestosas sas nottes chi passavo
Chircannet'in totue anzone mia
Su frittu de su coro chi aia
Sempere infatu mi che lu leavo
Oras e oras aspettenne istavo
Chirchenne a tie in foras in via
Ma como chi torrada ses a mie
Intro su coro sortu s'est su nie

Ardentemente

Ti amo e t'istimo ardentemente
solu tue bi ses intro su coro
sa prenda tue ses sa chi adoro
solu tue bi ses intro sa mente
bella pius de sole in s'oriente
cann'est naschinne chin sos rajos d'oro
non bramo atera dea ista sicura
ses tue sola sa mia ermosura

Peppe Montesu
Nadale 2016

Ti amo costante

A donzi ora ti amo costante
Semper costante atie ap'in mente
Solenne giuro a tie francamente
No m'olvido de manc'un'istante
Jeo ap'a esser su fidele amante
Finzas ch'arreo in su munnu vivente
Sena canno so mortu ti ap'amare
Si su matessi amore m'as a dare

Peppe Montesu
Frearju 2017

Ti amo

Ti amo forte non ne cherjo atera
Fina a sa morte a tie solu amo
Chin su respiru e coro a tie bramo
Cun sos suos pieno s'aera
Asculta bella faghe sa manera
Su numes tou jeo mutto e giamo
Custa boghe in afannu tue intenne
Intenne custu coro palpitenne

Peppe Montesu
Capidanne 2016

Ti apo dadu

S'amore chi tenia ti apo dadu
donzi pensieri est dedicadu a tie
ateru nudda restadu est a mie
ma so cuntentu de t'aere amadu
peri in custu istadu abandonadu
semper t'amo fidele so gasie
pro te su coro palpitat ebbia
solo pro te est s'istima mia

Peppe Montesu
Marthu 2017

Ti bio

Ti bio a ped iscurtu caminenne
tra abba e sole in sa renas de mare
sos rajos de su sole in su falare
parene solu a tie carignenne
su bentu chi sos pilos t'est moghenne
firmat s'alenu pro ti salutare
tanno su coro d isfinidu d'ardore
chircat su tou giamenneti amore

Peppe Montesu
Frearju 2017

Ti cheria ninnare in brazos mios

Ti cheria ninnare in brazos mios
Pro intenner sos palpitos de coro
Umbe su numes tou a cifras d'oro
Bi est iscritu in mesu e bios
Serrare sos melodicos ninnios
Paris chin sognos e bolos issoro
Totu che dia ponnere in su chelu
Sognos ninnios e de mente anelu

Ti cherjo cufessare

Cunfessare ti cherjo anima mia
totu su bene chi sento in su coro
isto sosognenne nobile tesoro
in fiammas d'ardente fantasia
in s'isetu e sa tua cumpagnia
in s'intragna profunda m'addoloro
s'eres ischidu cantu t'apo istima
a mie cunfortads m'eres prima

Peppe Montesu

Frearju 2017

Ti chirco

Ti chirco in su mudore e in s'iscuru
A tie vio e inteno sa oghe
Veni mi naras veni so inoghe
Veni sedet inoghe tue puru
Non bi at luntanza non b'at muru
Veni a m'abrazare prestu moghe
Deliros de sa mente innamorada
Chi aperin su sero sa notada

Peppe Montesu
Nadale 2016

Ti promito e giuro

Bella si m'amas promito e giuro
Chi mai t'abbandonat custu coro
Solo pro te nobile tesoro
Sichit a palpitare cantu duro
Si fidele mi amas t'assicuro
Chi ti mantenz prus cara e s'oro
Non bi det aer bene ne richesa
Chi m'olvidet sa tua nobilesa

Peppe Montesu

Frearju 2017

Rios de bellura

Ti ido in ojo rios de bellura
Lanternas paren de lughe e de briu
In su mirare custu coro miu
A palpitos m' affeat e m'est dura
Eo perdidu in tant'ermosura
Parjo in ammaju daenne s'adiu
Cantu bella mi faghes suspirare
Cantos tripojos a mie soles dare

Peppe Montesu
Jannarju 2017

Ti giuro

Ti giuro chi ses tue solamente
Cudda ch'in coro meu est' inserrada
Femina atera non ne at intrada
Solu tue bi ses intro sa mente
A tie cherjo atera niente
Ses tue unica dea designada
Atera non tenzo in sa idea
Solu tue bi ses in mente mea

Peppe Montesu
Sant'Andria 2016

Ti mostras, bella, in ziru a iscocoro

Ti mostras, bella, in ziru a iscocoro
Cun su petus chi paret iscolpidu
Visu fieru friscu e coloridu
Cun sos ojos brillantes che i s'oro
Solu chin sa mirada m'innamoro
Rest'ammajadu e in coro feridu
Cun cussas armas cantu faghes male
Ca in bellesa no as eguale

Padrona' e custu coro

Padrona 'e custu coro ti fach'eo
Si tue m'as istima e m'as amore
Risu e piantu allegria e dolore
Totu parthimus solu tue e jeo
Chi m'ames solamente a tie peo
Chi mi des luche e mi dias calore
Tottu su chi pedinne so pro mie
L'ap'a dare pro primu jeo a tie

Peppe Montesu
Jannarju 2017

Tiranna

Tiranna ses de custu coro meu
Chi faghet totu su chi li nas tue
Passu no at a palpitos tottue
Amanne a tie sempere a rozzeu
Ma paret ch'isse ti diat anneu
Ca no li das ascurtu neddue
Narali nessi chi no l'assa amore
Nessi morit derettu de dolore

Peppe Montesu
Marthu 2017

Torrami gamju

Ti miro e m'est incantu
Recreu su t'abbaidare
Sas laras sun de basare
Sos ojos ghetan'ispantu
Bella ca ti amo tantu
No mi ponzas a penare
A s'aflitu coro meu
Torrari gaju e recreu

Peppe Montesu
Agustu 2016

Totrrat sa bellura

Dopo su lutu galu sa bellura
enit a mie a fagher serenada
narat morta no ipo so torrada
in coro a t'addulcare sa tristura
custu at decretadu sa natura
sa vida est gai lea su chi dada
veni chi mecus veni faghe festa
pone a banna su dolu ch'as in testa

Peppe Montesu
Capidanne 2016

Torrat sa vida

Unu lampu s' iscuru, unu bagliore
Truncat s'aera cann'arrivas tue
Cudda tenebra iscura torrat nue
E de ispera leat su colore
Torrat su sole a ti dare calore
Melodias intennes in totue
Luminos arveschet s'aurora
De nou in coro pius frisca ancora

Peppe Montesu
Frearju 2017

Tottu e Te

S'atraente surrisu est un'incantu
Sas laras paren in tela pintadas
Su colle petu e sas tuas miradas
Sun de s'anima mia un'unicu ispantu
Amo de te donzi bicu e cantu
Sena sas ormas in terra lassadas
Sena s'alenu tou dia inserrare
Pro poder solu a issu respirare

Peppe Montesu
Capidanne 2016

Tottu est lucura

Tottu est de te lucura e incantu
Tottu ti lchet dae conca a pee
Bella non b'at che a tie cree
Non b'at giovana goi bella tantu
Pro sa bellesa tua custu vantu
Est doverosu chi a tie dee
Tue tottu adornas de ammaju
Pius de rosa in su mese 'e maju

Peppe Montesu
Nadale 2016

Tottu pro te

Chin tecus si mi amas bella mia
Anno a bolu totue note e die
Non bi at cosa chi firmet a mie
Totu ti do a tie sol'ebbia
Sena su chelu a tie dare dia
Preganne a Deus chi lu det a tie
De custu coro faghe su chi cheres
No est prus meu tue ses sa mere

Peppe Montesu
Capidanne 2016

Totu s'amore

Totu s'amore chi apo ti do
Nudda ne lasso pro lu dare a tie
Si columba amare des a mie
A sos disizos tuos non b'at no
Custu afetu chi pro tene pro
Cust'ap'in coro serradu est inie
Custa d'amore est sa mia proposta
Dami d'amore sa tua risposta

Peppe Montesu
Santu Gavine 2016

Tottu fughinne

Paret totu fughinne in ammiscuru
S'anima mea infatu est sichinne
turmentos e afannos sun'essinne
chin fagher reu los ligat s'iscuru
totu cantu in supuz' e jeo puru
a tie in sa aeras so mutinne
solu su nuscu inoch' as lassadu
a chie t'est amenn' e t'at amadu

Peppe Montesu
Sant'Andria 2016

Totu mi zirat de te su sentidu

Totu mi zirat de te su sentidu
totu mi ponet in su coro ispina.
Su visu tou che melaranzina
chin s'accisu attraente coloridu
Bellesa goi mai n'apo vidu
ca de totu sas bellas ses reina.
Beneita sa mama chi t'at fatu
chi ti at dadu su modu e su trattu.

Peppe Montesu

Totu pro te

S'anima mea s'innudat pro te
Ti mustrat sos sentidos e afetos
Chin sos dolentes intimos isetos
Ides sa fertas chi dolene in me
No mi calpestes no mi ponzas pe
Peri chi idas sos mios difetos
Jeo ti amo comente ses fata
Tottu adoro su chi intro b'ata

Peppe Montesu
Jannarju 2017

Tragos crudeles

Tragos crudeles se daenne a mie
E canno podes mi pones fastizu
Paret chi pius non tenzas abizu
De cudd'amore ch'apo dadu a tie
Pero su cudde chi s'atera die
Tue amaias chen'ocare apizu
Prite tiranna ti giras crudele
Chin chie t'amat e ti est fidele?

Peppe Montesu
Santu Gavine 2016

Tramas d'amore

Tramas d'amore in coro as tessidu
A filos d'oro de sambene tintos
Sos regrescios perfidos totu vintos
paren ammentu de tempus finidu
s'afetu chi m'as dadu e apo vidu
m'an'aturdidu sos malos istintos
de paghe m'as pienu e de amore
cun abbaglios de lughe e de ardore

Peppe Montesu
Nadale 2016

Trattos ch'incantan e ferin su coro

Trattos ch'incantan e ferin su coro
De una dea in terra falada
S'anima mia arreat afannada
Dae sos ojos e mirad' issoro
Tinta e vestida de ispigas d'oro
Flora mi pares piu profumada
Hoi cantu ses bella cantu t'amo
Ses solu tue s'idolu chi bramo

Tres Fiores

Tres fiores d'Orune passizenne
Sa carrera 'e bellesa an pienadu
De trattu bellu e 'acisu delicadu
Isteddos pare in chelu brillenne
S'aju ammiradu chi las est mireenne
Derettu nes da issas icantadu
Bajanas bellas feminas d'incantu
In totue a issas lis dan vantu

Peppe Montesu
Sant'Andria 2016

Tres Rosas

Tres rosas apo vidu passizenne
Bellas fozidas totu coloridas
Da un tela parian essidas
De lughe su caminu fin preenne
Pinturas gai su coro m'est nenne
Ti restana in su petus imprimidas
Atentu bene ista a las mirare
Cussos fiores podene abbagliare

Peppe Montesu
Capidane 2016

Dea de Bellessa

Tue a Didone vinches in bellesa
Ofuscadu as a Dina e a Lattona
Venus zedet a tie sa corona
E Cleopatra in bellura s'est arresa
Elena superadu as in nobilesa
E ti cantan sas musas d'Elicona
Sas deas de s'Olimou as superadu
Chin tratu e portamentu delicadu

Pepèpe Montesu
Jannarju 2017

M'as postu in coro

Tue m'as postu in coro brujore
sa mente mi as postu in aforoju
a note die non tanco prus oju
pensenne a tie columba 'e amore
su pensamentu tou dat dolore
e m'est ponenne sa vida in tripoju
m'est manna pena t'istare luntanu
viver non poto si t'apo in manu

Peppe Montesu
Santu Gavine 2016

Mi pones in sa sepoltura

Tue mi pones in sa sepoltura
Si no ascultas su meu lamentu
Ischis columba t'apo in pensamentu
Ma ti mi mostras tue frita e dura
Mustrati amena nobile ermosura
Faghe finire su meu turmentu
Aceta custu amore ch'apo a tie
Si no dami sa morte tue a mie

Peppe Montesu
Frearju 2017

Tue m'acisas

Tue ses chi m'acisas cor'amadu
Ses tue sa fiamma risplendente
Tue ses sa ch'adoro solamente
Tottu cantu pro te apo lassadu
Ogni gosu ap'in te ogni divagu
Ses solu tue consolu a sa mente
A tie de amare apo dezisu
Anghelu, a tie, de su paradisu

Peppe Montesu
Sant'Andria 2016

Prenda

Tue ses cudda prenda incastonada
De diamantes totu guernida
M'atiras che potente calamida
Appena mannas sa tua mirada
Dea celeste in chelu falada
Pro ti amare arrisco sa vida
De nobiessa ses deliscia tue
Chi de fiamas su coro m'allues

Peppe Montesu
Nadale 2016

Sa preferida

Tue ses sa prus tenta e preferida
Su coro meu non n'amat atèra
Tue ses in s'iscuru sa lumera
Ses su faru s'apozu sa guida
T'amo pro cantu de u mi dat bida
Ses su respiru s'alenu s'aera
un'ateruna non cherjo chircare
A tie solamente cherjo amare

Peppe Montesu
Jannarju 2017

Ses su tesoro

Ischis columba chi t'apo imprida
Intro su coro meu a frizas d'oro
Tue ses sa ch'istimo e chi adoro
Finas a cantu Deus mi dat bida
Ses tue chi sa mente at elegida
Tue ses su recreu e su tesoro
Non timastanno nobile sirena
Ses tue sola sa dechida amena

Peppe Montesu
Jannarju 2017

Tue ses totu

Si s'oscuran su sole e i sa luna
Sa terra tue des illuminare
Tue su munnu as a caentare
Si s'infritat s'aera totu in d'una
Simizante a tie un'ateruna
Non biat chi ti potat superare
Tue se lughe calore e bellura
Ses tue chi adornas sa natura

Peppe Montesu
Santu Gavine 2016

Tue ses

Ses melodia in sa note argentada
Cantu lontanu ch'astriughet su coro
Ses de sas undas su narrere issoro
Ses tue sognu e s'anima afannada
Ses s'aurora appena arricada
chi cancellat s'iscuru a rajos d'oro
agheras ses chi respiro continu
ses s'anima chi tenzo intro e sinu

Peppe Montesu
Capidanne 2016

Abbellis su sognu

Tue su sognu abellis e coloras
E su coro l'ammantas de dulcura
Ses sa lughe chi tinghet onz'iscura
Dormida passione chi indoras
Su ventu de amore mutis foras
Prus de Pandora lu serras e furas
Tue ses tottu ses recreu ispantu
De ojos e de mente ses incantu

Peppe Montesu
Jannarju 2017

Turbadu

Dae canno t'ap'idu t'apo amadu
Un'istante no apo resistidu
Su coro prepotente mi as colpidu
Sa mente de amore m'as turbadu
Da cuss'istante a mie apo nadu
Atera non ne cherjo in su sentidu
Pro tene solu istimadu tesoro
Palpitat e alenat custu coro

Peppe Montesu

Frearju 2017

Turturella amabile e gentile

Turturella amabile e gentile
Chi de bellesa ispantas a mie
Canno venis innante rie rie
Mi pares rosa in mese e Aprile
Fozida in edade giovanile
Ses de colore bianca che nie
Tinta e rujores bella delicada
Ses solu tue attera non b'ada

Umbe ses

A umbe ses fuida amica cara
Prite mi as lassadu goi in pena
De piantu apertu m'as sa bena
Chi m'est faghenne custa vid'amara
Inumbe ses ? naramilu nara
Torra a inoghe trunca sa cadena
Deo d'amare a tie no ismito
Finza chi vivo e in su munnu abito

Peppe Montesu
Santu Gavine 2016

Un'umbra lizera

Esser cheria un'umbra lizera
Sos passos tuos pro poder pintare
Cheria fagher mediu e manera
D'esser s'aera pro ti carignare
Cheria esser una primavera
Prena e fiores pro ti adornare
Viver cheria in su cororo tou
E naschere onzi die da nou

Peppe Montesu
Frearju 2017

Un anghelu

Ojos nieddos bellura e incantu
A mie mi ponides in deliru
Pilos de seda che bentu zeffiru
Pius de undas mannades ispantu
Laras dechidas colore amarantu
Chi ti adornan e moghen s'ammiru
Custu est su visu chi apo pintadu
De un'anghelu in terra faladu

Peppe montesu
Capidanne 2016

Un'ojada

Un'ojada un zinnu unu sorrisu
Moghet sa mente palpitat su coro
Canno mi miras goi m'innamoro
M'ammantas tue chin su bellu visu
Tanno sas bramas meas d'improvisu
Mutini forte e amore imploro
Solu sos ojos istan faeddenne
Sas intragnas s'amore m'est brujenne

Peppe Montesu
Capidanne 2016

Una bellur' immortale corcada

Una bellur' immortale corcada
Est in su letu a mie vicinu
At Lughe in ojos e frizas in sinu
Punghen'a mie a donzi mirada
Sa note lestra venit caentada
Samben in venas curret a trainu
Sa laras tuas s'angelicu visu
Paren s'intrada de su paradisu

Pro te una corona

Pro te una corana tesser dia
A ti dare onore a sa bellea
Pandra tue ses de candidesa
Astru lughente in nitida via
Ses su sognu deliru de sa mia
Passione d'amore e cuntentesa
Ses tue sa reina de s'incantu
Non basto jeo a ti dare su vantù

Peppe Montesu
Sant'Andria 2016

Una fiama

Una fiama pro t'idere sos ojos
E un'ojada a ti dare in su visu
Ammentare pro semper su sorrisu
Chi as in laras pien'e abbojos
Serrare in coro afetu e tripojos
De su tou gentile raru acisu
Tanno in s'iscuru jeo poto intrare
Chin carchi cosa dign'e ammentare

Peppe Montesu
Capidanne 2016

Una mirada

Mi est bastada una mirada ebbia
Pro mi furare su coro e sa mente
Su bellu visu tou risplendente
At incantadu cust'anima mia
Zeniosa e piena e simpatia
Pares sole naschinne in oriente
Su coro meu deretu as signadu
E a rajos d'amore l'as corfadu

Peppe Montesu
Jannarju 2017

Unica

In ojos mios ti tenzo pintada
Intro su coro ti tenzo iscolpida
Intro sa mente che ses imprimida
In sos sognos semper ammentada
Bellessa che sa tua non bi ada
Unica in totu ses tue dechida
Non bi a che a tie un'atteruna
Che tie bella non binn'at mancuna

Peppe Montesu
Capidanne 2016

Unu neu

Unu neu in su visu delicadu
T'adornat e ti mudat cuss'accisu
D'anghelu paret sucandidu visu
Chi abbaglias de lughe su criadu
De ghermallos su petus adornadu
Su pra su collu janna e paradisu
De grazia e de dotes ses piena
Gentile rosa amada sirena

Peppe Montesu
Nadala 2016

Unu sero d'istiu

Fit unu sero d'istiu orunessu
Fimus ballenne t' amo tia nadu
Cantu tempus cuss'ora ia aspetadu
In coro m'as risspostu t'ap' impressu
In so momentu no aia pesu
Fipo volenne che disatinadu
De cuntentesa fit prenu su coro
Ca in brazos aia unu tesoro

Peppe Montesu
Frearju 2017

Unu tripoju d'armonia e cantu

Unu tripoju d'armonia e cantu
S'intennet in su campu fioridu
Paret de chelu su divinu gridu
Chi totu vestit d'amorosu mantu
B'at solu risu non bi at piantu
Parjo sognenne però so ischidu
Canno ti vio dechida sirena
In ojos mios est custa s'iscena

Peppe Montesu

Caras

Vattin cuntentu totu e allegria
Cuddas chi venin e cuddas chi vana
Paren ventadas de aghera sana
De bellesa e rara simpatia
Sas bellas caras de s'isula mia
Chi ammajadu totu cantas m'ana
Ca sun fiores de sardu giardinu
De trattu delicadu e genuinu

Peppe Montesu
Agustu 2016

Veni columba istami vicinu

Veni columba istami vicinu
Non t'olvides de me pro un'istante
Cherjo esser de te fidele amante
E intenner su coro intro 'e sinu
No mi lasses in dolu e in pibinu
Ca jeo t'amo continu costante
Faghimus unu cor' in d'unu nidu
su meu intro su tou remunidu

Beni

Beni a mie amore volenne
Poneti alas cun sa fantasia
Veni intro e coro anima mia
Istuta sa fiamma ch'est brujenne
No mi lessas de te dillirienne
Veni derettu connosches sa via
Dami reparu cunfotu e friscura
Infunnemi che abba frisca e pura

Peppe Montesu
Sant'Andria

Vicinu

Pro t'istare vicinu a ogni istante
Dia montes e mare attraversare
In s'iferru che dia abbutinare
In sas fiammas de focu gigante
Sena su sole firmu in su levante
Dia mantennere pro t'illuminare
Abbas e bentos firmare los dia
Pro t'istare vicinu bella mia

Peppe Montesu
Marthu 2017

Visione de chelu soberana

Visione de chelu soberana
che tie dea, non bi at peruna
vintu as in bellesa sole Luna

che tie bella vidu non ne ana
vinches a Dina e Elena Ispartana
ses diamante in terra isolana

de firmamentu luminosa istella.
de sa bellesa tue ses novella